


# তর্জুমানুল-হাদীছ



যুগ্ম সম্পাদক

শেখ মোঃ আবদুর রহিম এম এ, বি এল, বি টি  
আকতার আহমদ রহমাতী এম. এ.

একটি

সংখ্যক জুলা

৫০ পৃষ্ঠা

আর্থিক

জুলা

৬০০



# তজু'মামুলহাদীস (মাসিক)

একাদশ বর্ষ—দ্বিতীয় সংখ্যা

মৈশাখ—১৩৭০ বাং

এপ্রিল—১৯৬৩ ইং

মূল-কা'দা—১০৮২ হিঃ

বিষয়-সূচী

বিষয়	লেখক	পৃষ্ঠা
১। কুরআনের বঙ্গমুদ্রণ (ডকুমেন্ট)	শাইখ আবদুররহমান, এম-এ, বি-এল, বি-টি ; ফারিস-দেওবন্দ	৪৯
২। মুহাম্মদী জীবন-ব্যবস্থা (হাদীস)	আবু যুসুফ দেওবন্দী	৫৭
৩। ইসলাম প্রচার (প্রবন্ধ)	সইয়িদ রশীদুল হাসান, এম-এ, বি-এল	৬৫
৪। হাফিয ইব্ন কসীর (জীবনী)	আঃ কাঃ মুহাম্মদ হুসাইন বাসুদেবপুরী	৭১
৫। লালবেগী (প্রবন্ধ)	আবুন-নঈম চৌধুরী	৭৬
৬। পাকিস্তানে মাদক সেবন (প্রবন্ধ)	আবদুররহমান- বি-এ, বি-টি	৮০
৭। সাময়িক প্রসঙ্গ	সম্পাদক	৮৪
৮। প্রাপ্তি-স্বীকার	আবদুল হক হকানী	৯০

## নিয়মিত পাঠ করুন

ইসলামী জাগরণের দৃপ্ত নকীব ও মুসলিম সংহতির আহ্বায়ক

## মাস্তাহক আরাফাত

৬ষ্ঠ বর্ষ চলিতেছে

সম্পাদক : মোহাম্মদ আবদুর রহমান

বার্ষিক টাঁদা : ৬.৫০ বাম্বাষিক : ৩.৫০

বছরের যে কোন সময় গ্রাহক হওয়া যায়।

ম্যানেজার : মাস্তাহক আরাফাত, ৮৬নং কাযী আলীউদ্দীন রোড, ঢাকা-২



কুরআন ও সুন্নাহর সনাতন ও শাস্ত্র মতবাদ, জীবন-দর্শন ও কার্যক্রমের অকুণ্ঠ প্রচারক  
(আহলে সোদা-আন্দোলনের মূল পত্র)

## দ্বিতীয় সংখ্যা


**তালিমুল উলুম**  
**বঙ্গদেশীয় মাদরাসা শিক্ষা বোর্ড**

١٥٣ يَذِيقُهَا الَّذِينَ آمَنُوا اسْتَغْنُوا

بِالصَّبْرِ وَالصَّلَاةِ إِنَّ اللَّهَ مَعَ الصَّابِرِينَ •

۱۵۴ ولاتقوا الله - احسن يقتل فی سبیل

১৫৪ আর যাহারা আল্লার পথে নিহত  
হয় তাহাদিগকে তোমরা মৃত মনে করিও না ;

আর্য্যতে উল্লিখিত 'সবর' এর তাৎপর্য করেন রোষা  
পালন ও জিহাদ অভিযান।

اللَّهُ آمَاتٌ بِلْ أَحْيَاءُ وَلَكِنْ لَانْشَمِرُونَ ۝

۱৫৫ وَلَنْ يَجْلُو لَكُمْ بِشْيٍ مِنَ الْخَوْفِ

وَالْجَوْعِ وَنَفْثٍ مِّنَ الْأَمْوَالِ وَالْأَلْفَسِ

وَالثَّمَرِ ۖ وَبَشِّرِ الصَّابِرِينَ ۝

বরং তাহারা জীবিত—কিন্তু তোমরা তাহা অনুভব কর না। ১৫৪

১৫৫ এবং আমি সামান্য ভয় ও অনাহার দ্বারা এবং ধন, জেনে ও ফলাদিতে কষ্ট-কতি দ্বারা তোমাদিগকে অবশ্যই পরীক্ষা করিব। অর[হে নী, উক্ত বিপদসমূহে] ঐ সকল সবরকারীকে শুভ সবাদ জ্ঞাপন করুন—১৫৫

১৫৪ সূরা আল-ইমরানের ১৬২-১৭০ আয়াত গুলিতে আল্লাহ তা'আলা বলেন, “যাহারা আল্লার পথে নিহত হইয়াছে তাহাদিগকে মৃত মনে করিও না। বরং তাহারা তাহাদের রবের নিকটে জীবিত অবস্থায় থাকে,—তাহাদিগকে খাণ্ড পৌছান হয়। আল্লাহ তাহাদিগকে যে অপ্রত্যাশিত দান দিয়াছেন তাহাতে তাহারা উৎফুল্ল হয়। আর যে সকল লোক [শহীদ হইয়া মরিবে কিন্তু এখন পর্যন্ত শহীদ হয় নাই বলিয়া] তাহাদের সহিত মিলিত হয় নাই [আখিরাতে] তাহাদের কোন ভয়ও নাই এবং তাহারা দুর্দশাগ্রস্তও হইবে না জানিতে পারিয়া তাহারা আনন্দ প্রকাশ করিয়া থাকে।”

কুরআন মজীদে বিভিন্ন আয়াত ও নবী করীম স.-র বিভিন্ন হাদীস হইতে জানা যায় যে, নেককার বদকার সকল মানুষেরই আত্মা অমর। কিয়ামতের বিচারের পূর্বে নেককার, বদকার কাহাকেও জাহান্নামে বা জাহান্নামে দাখিল করা হইবে না। নেককারকে যেখানে রাখা হইবে সেইখানে তাহাকে রাখিয়াই তাহার জন্ত জাহান্নামে নির্ধারিত স্থানটি তাহাকে এবং বদকারকে যেখানে রাখা হইবে সেইখানে তাহাকে রাখিয়াই তাহার জন্ত জাহান্নামে নির্ধারিত স্থানটি তাহাকে দেখান হইতে থাকিবে।

এই আয়াতে শহীদের মর হওয়ার কথা বিশেষভাবে উল্লেখ করার তাৎপৰ্য এই যে, শহীদ ছাড়া অপর নেককার বান্দার মৃত্যুর পরে তাহার আত্মার অমর হওয়ার স্বরূপ এবং শহীদের আত্মার অমর হওয়ার স্বরূপ এক নয়। শহীদ মৃত্যুর পরেই জাহান্নামে দাখিল হ'য়ে যায় কিন্তু অপর নেককার

বান্দাকে কিয়ামতের পূর্বে জাহান্নামে দাখিল হইতে দেওয়া হইবে না।

সহীহ মুসলিম হাদীস-গ্রন্থে বর্ণিত আছে, রসূলুল্লাহ সঃ বলিয়াছেন, শহীদের আত্মা সবুজ পাখীর পটের মধ্যে অবস্থিত আকারে থাকে। তাহাদের বাসের জন্ত লণ্টনের মত বর আরশের সহিত সংলগ্ন রহিয়াছে। তাহারা জাহান্নামের মধ্যে যেখানে ইচ্ছা বিচরণ করিয়া বেড়ায় এবং লণ্টন-গুলিতে ফিরা আশ্রয় লয়।

অপর একটি হাদীসে আছে—তাহারা এই ভাবেই থাকিবে। অবশেষে কিয়ামত দিবসে আল্লাহ তা'আমা তাহাদিগকে তাহাদের মানবীয় শরীরে পুনরুত্থিত করিবেন।

কেহ কেহ এই আয়াতের প্রকাশ্য অর্থ গ্রহণ না করিয়া ভাবার্থ গ্রহণ করিয়া থাকেন। তাহারা বলেন, ইয়ার তাৎপৰ্য স্মরণ ও স্মরণ থাকা। কিন্তু কয়েকটি কারণে এই ভাবার্থ গ্রহণ করা অসঙ্গত। প্রথমতঃ, শুধু শহীদেরই স্মরণ দুনাতে বাকী থাকে না। দাতার নাম, বিজ্ঞ ব্যক্তির নাম, সমাজসেবীর নামও বহু যুগ ধরিয়া বিখ্যাত হইয়া থাকে। কিন্তু তাহাদের কাহা ও সম্বন্ধে কুরআন মজীদে বা হাদীসে এইরূপ কোন বর্ণনা পাওয়া যায় না। দ্বিতীয়তঃ কুরআন মজীদে بَرَزُونَ ‘তাহাদিগকে খাণ্ড দেওয়া হ'ব’ বাক্যটি, সহীহ মুসলিমের হাদীসটি এবং এই অর্থে অপর হাদীস গুলির হাদীসের সঙ্গে এই ভাবার্থ মোটেই খাপ খায় না।

১৭৫ ভবিষ্যতে কোন অপ্রিয় ঘটনার আশঙ্কা

۱۵۶ الذین اذا اصابتهم مصيبة

قالوا لا الله والا اليه رجعون .

۱۵۷ انك عليهم صابون من

ربهم ورحمة واولئك هم المهتدون .

۱۵৮ ان الصفا والعروة من شعيرة

الله فمن حج البيت او اعتمر فلا جناح

عليه ان يطوف بهما ومن تطع حرام

فان الله شاكر عليم .

থাকিলে মনে যে ভাবের উদয় হয় তাহাকে বা  
ভয় বলা হয়।

এবং তাৎপর্য দুভিক্ষ, আহাৰ্য সংগ্রহে  
অক্ষমতা, রোযা ইত্যাদি। যখন ক্ষয়ক্ষতির তাৎপর্য  
যকাত-সদকা ইত্যাদি দান থাইরাত, জিহাদে ব্যয়  
ইত্যাদি। জনে ক্ষয়-ক্ষতির তাৎপর্য বন্ধু-বান্ধব বা  
আত্মীয় স্বজনের মৃত্যু, রোগ-ব্যাধির আক্রমণ ইত্যাদি।  
এবং ফলাদিতে ক্ষয়-ক্ষতির তাৎপর্য ফলাদি দান  
খইরাত করা, ভালভাবে চাষবাসে অক্ষমতা, অনার্য  
ও সন্তান-সন্ততির মৃত্যু ইত্যাদি।

জিহাদের মধ্যে একাধারে সকল প্রকারের পরীক্ষা  
নাথিত হইয়া থাকে।

১৭৬ মুসীবত সামান্যই হউক আর মারাত্মকই  
হউক মুসীবেতের আগমনে আল্লাহ তা'আলার দরবারে  
অত্মসমর্পণ করিয়া তাঁহার দয়া ভিক্ষা করা প্রত্যেক  
মুসলিমের অবশ্য কর্তব্য। ۱۷۶ الذین اذا اصابتهم مصيبة  
বলা এই আশ্রয় সমর্পণেরই প্রতীক।

উম্মুল-মুমিনীন হযরত উম্ম-সলমা রঃ বলেন :

১৫৬ যাহাদিগকে কোন মুসীবত পাইয়া  
বসিলে বলে, “আমরা তো নিশ্চয় আল্লাহর  
অধিকারে এবং আমরা তো নিশ্চয় তাঁহার  
দিকে প্রত্যাবর্তনপর” ১৭৬

১৫৭ তাহাদেরই প্রতি তাহাদের রবের  
পক্ষ হইতে দান ও দয়া হইয়া থাকে এবং  
তাহারাই প্রকৃত হিদায়াতপ্রাপ্ত।

১৫৮ সাফা ও মারওয়া (পাহাড় দুইটি)  
নিশ্চয় আল্লাহ [কুদরতের] আরক চিহ্নসমূহের  
অন্তর্ভুক্ত। অতএব কেহ বাইতুল্লাহ হজ্জ অথবা  
‘উম্মা করিতে গিয়া যদি উহাদের তওফাক  
করে তবে উহা তাহার পক্ষে কোন অপরাধ  
[বলিয়া গণ্য] হইবে না। ১৭৭

আমার পূর্ব স্বামী হযরত আবু-সলমা যখন ইন্তিকাল  
করেন তখন আমি অত্যন্ত দুঃখিত হইয়া রোযা  
করিতে থাকি। সেই সময়ে রসূলুল্লাহ সঃ উপস্থিত  
হইয়া বলেন, “কোন বান্দাকে কোন মুসীবত  
পৌছিলে সে যদি বলে,

۱۷۷ ان الله والا اليه رجعون اللهم اجرني  
في مصيبتى واخلف لي خيرا منها

তাহা হইলে আল্লাহ তা'আলা তাহাকে তাহার ঐ  
মুসীবতের জন্ত সওয়াব দান করেন এবং ঐ মুসীবতের  
পশ্চাতে কল্যাণ সাধন করেন।” হযরত উম্ম-সলমা  
বলেন, অনন্তর আমি উহা বলিলাম। উহার ফলে,  
আল্লাহ তা'আলা আমার স্বামী আবুসলমার জন্ত  
নবী সঃকে আমার স্বামী করেন।

১৭৭ আয়াতে বলা হইয়াছে যে, সাফা-মরওয়ার  
তওফাক কোন গুণাহ নাই। ইহার তাৎপর্য এই  
দাঁড়ায় যে, এই তওফাক সম্পাদন করা বা না  
উভয়ই জাযিব। এই কারণে কোন কোন ইমাম

١٥٩ اِنَّ الَّذِيْنَ يَكْتُمُوْنَ مَا اَنْزَلْنَا

مِّنَ الْبَيِّنَاتِ وَالْهُدٰى مِنْۢ بَعْدِ مَا بَيَّنَّاهُ

لِّلنَّاسِ فِى الْكِتٰبِ اُولٰٓئِكَ يَلْعَنُهُمُ اللّٰهُ وَيَلْعَنُهُمُ

الْمَلٰٓئِكَةُ  
وَالنَّاسُ جَمِيعًا

সাফা-মরওয়ার তওাফকে হজ্জ বা 'উমরা কোনটিতেই অপরিহার্য বিবেচনা করেন না। কিন্তু অপর ইমামগণ সাফা-মরওয়ার তওাফকে উভয় অনুষ্ঠানেই অপরিহার্য জ্ঞান করেন। এই দ্বিতীয় মতটিই অধিকতর সহীহ। তাঁহাদের দলীল এই:

সহীহ বুখারী প্রমুখ হাদীসগুহ সমূহে বর্ণিত আছে যে, যুবাইর-পুত্র 'উরওয়ার মনে সন্দেহ জাগে যে, আয়াতে যাহা বলা হইয়াছে তাহাতে সাফা-মরওয়ার তওাফ অপরিহার্য প্রমাণিত হয় না। তখন তিনি তাঁহার খালা হযরত 'আয়িশা রাঃ-র নিকটে গিয়া তাঁহার সন্দেহটি ব্যক্ত করেন। হযরত আয়িশা রাঃ বলেন, "তুমি ভুল বুঝছ। দেখ, আয়াতে ۱. ان يطوف بهما রহিয়াছে। যদি তাহা না হইয়া ۲. ان لا يطوف بهما হইত তবে তাৎপর্য হইত যে, সাফা-মরওয়ার মধ্যে তওাফ যকরী নয়। পরিকার ভাষায় এই তওাফের হুকম না দিয়া আয়াতে এই ভাবে তওাফ উল্লেখ করিবার কারণটি এখন বলিতেছি।

মদীনার আনসারীগণ যখন মুশরিক ছিলেন তখন আরব দেশের তামাম মুশরিকের মধ্যে কেবল মাত্র তাঁহারাই মানাতকে তাঁহাদের বড় দেবতা মানিতেন এবং কেবলমাত্র তাঁহারাই সাফা-মরওয়ার তওাফকে পাপ জ্ঞানে বর্জন করিতেন। তারপর, যখন সকল গোত্রের মুশরিকই ইসলাম কবুল করেন তখন কেবলমাত্র এই আনসারীগণ তাঁহাদের পূর্ব সংস্কারবশে সাফা-মরওয়ার তওাফকে পাপজনক বিবেচনা করিতে থাকেন। তাঁহাদের ঐ মনোভাবের

১৫৯ আমি যে সকল স্পষ্ট প্রমাণ ও যে হিদায়াৎ নাখিল করিয়াছি তাহা আমি লোকদের উদ্দেশ্যে কিতাবের মধ্যে পরিকারভাবে বর্ণনা করিবার পরেও যাহারা আমার ঐ প্রমাণ ও হিদায়াত গোপন করে তাহাদের অবস্থা এই যে, তাহাদিগকে আল্লাহ লা'নত করেন এবং লা'নতকারিগণ লা'নত<sup>১৭৮</sup> করেন।

প্রতিবাদে এই আয়াত নাখিল হয়।"

হযরত 'আয়িশা রাঃ-র ব্যাখ্যার দিকে লক্ষ্য করিয়া আল্লামার কালামের তাৎপর্য এই দাঁড়ায়— 'সাফা-মরওয়ার তওাফ সম্বন্ধ তোমরা যে ধারণা পোষণ কর তাহা ভুল। কাজেই ঐ ভুল ধারণা পরিত্যাগ করিয়া প্রশান্ত চিত্তে সাফা-মরওয়ার তওাফ করিতে থাক।

হযরত আব্দুল্লাহ ইবন 'আব্বাস রাঃ-র বর্ণনায় জানা যায় যে, জাহিলী যুগে সাফা-মরওয়া পাহাড় দুইটির উপরে দুইটি মূর্তি স্থাপিত ছিল। মক্কা-বিজয়ের পরে ঐ মূর্তি দুইটি অপসারিত হইলেও বহু মুসলিম সাফা-মরওয়ার তওাফকে দোষণীয় ও পাপজনক মনে করিতেন। তাঁহাদের ঐ মনোভাবের প্রতি লক্ষ্য করিয়া এইরূপ নির্দেশ দেওয়া হইয়াছে।

অধিকন্তু নবী সঃ হজ্জ ও 'উমরা উভয় অধুষ্ঠানেই নিজেও সাফা-মরওয়ার তওাফ করেন এবং সকলকে তওাফ করিতে আদেশ করেন। কাজেই এই তওাফ অপরিহার্য বলিয়া প্রমাণিত হইল।

১৭৮ সলাত, লা'নাত, তওবা শব্দগুলি আল্লাহ দিকে সম্বন্ধ করা হইলে এক অর্থ হয় এবং আল্লাহ ছাড়া অপরের দিকে সম্বন্ধ করা হইলে অন্য অর্থ হয়। 'সলাত' শব্দ আল্লাহ দিকে সম্বন্ধ করা হইলে অর্থ হয় 'দয়া করা'—ফরিশতার দিকে সম্বন্ধ করা হইলে অর্থ হয় 'দয়া প্রার্থনা করা' বা আশীর্বাদ করা—এবং মানুষের দিকে সম্বন্ধ করা হইলে অর্থ হয় 'দরুদ পড়া'

١٦٠ اَلَّذِينَ تَابُوا وَاصْلَحُوا وَبَيَّنُوا

فَاُولَٰئِكَ اَتُوبُ عَلَيْهِمْ وَاِنَا لَتَوَّابٌ رَّحِيمٌ

١٦١ اِنَّ الَّذِيْنَ كَفَرُوا وَمَاتُوا وَهُمْ

كُفَّارًا اُولَٰئِكَ عَلَيْهِمُ لَعْنَةُ اللّٰهِ وَالْمَلٰٓئِكَةِ  
وَالنَّاسِ اَجْمَعِيْنَ

١٦٢ خٰلِدِيْنَ فِيْهَا لَا يَخَفُ عَنْهُمْ

السَّعٰدُ وَلَا هُمْ يَنْظُرُوْنَ

١٦٣ وَالْهٰكِمُ اِلٰهٌ وَّاحِدٌ لَا اِلٰهَ اِلَّا

هُوَ الرَّحْمٰنُ الرَّحِيْمُ

١٦٤ اِنَّ فِىْ خَلْقِ السَّمٰوٰتِ وَالْاَرْضِ

وَاخْتِلَافِ الْاَيْلِ وَالنَّهَارِ وَالْفَلَائِكِ الَّتِىْ تَجْرِىْ

বা 'ঈচ্ছা'র্যাদা কামনা করা'।

'লা'নাত' শব্দটি 'সলাত' শব্দের বিপরীত।

'লা'নাত' শব্দটি আল্লাহর দিকে সঘনক করা হইলে অর্থ হয় 'দর' হইতে দূরে রাখা, 'প্রতিদান হইতে বঞ্চিত করা;—আর ফিরিশতা বা মানুষের দিকে সঘনক করা হইলে অর্থ হয় দয়া হইতে দূরে রাখিবার জন্য প্রার্থনা করা, 'অভিসম্পাদ করা'। 'লা'নাতকারিগণ' এর ভাৎপর্ষ ফিরিশতা, আগ'বিয়া, আওলিয়া, জীব-জন্ত ও কীট-পতঙ্গাদি।

১৬০ কিন্তু [তাহাদের মধ্যে] যাহারা তওবা করিয়া (ইসলামে ফিরিয়া আসিয়া) নিজেদের [কর্মপন্থা] শুধরাইয়া লয় এবং [আল্লাহর প্রমাণাদি ও হিদায়াত] স্পষ্টভাবে বর্ণনা করে, তাহাদের অবস্থা এই যে, আমিও তাহাদের দিকে [ক্ষমাসহ] ফিরিয়া থাকি—আর আমি [বান্দার প্রতি] অত্যন্ত আবর্তমান, অত্যন্ত দয়ালু।

১৬১ যাহারা কাফির হইয়াছিল এবং কাফির থাকিয়াই মারা গিয়াছে তাহাদের নিশ্চিত অবস্থা এই যে, তাহাদের প্রত আল্লাহর লা'নত এবং যাবতীয় ফিরিশতার ও যাবতীয় মানুষের লা'নত হইয়া থাকে।

১৬২ ঐ লা'নতের মধ্যে তাহারা দীর্ঘ কাল স্থায়ী থাকিবে—তাহাদের শাস্তি হ্রাস করাও হইবে না এবং স্থগিতও রাখা হইবে না।

১৬৩ আর তোমাদের মা'বুদ একজন মাত্র—ঐ পরম কারুণিক, অতীব দয়ালু মা'বুদ ছাড়া আর কোন মা'বুদই নাই।

১৬৪ নভোমণ্ডলসমূহ ও ভূমণ্ডলের স্বজনের মধ্যে, দিবা ও রাত্রির হ্রাস-বৃদ্ধি ও পর্যায়ক্রমে আগমনের মধ্যে, যাহা কিছু মানুষের উপকারে আসে তাহা লইয়া যে জলধান সমুদ্রে চলাচল

১৭২ 'তওবা' শব্দের অর্থ 'প্রত্যাবর্তন করা,' 'ফিরিয়া আসা'। 'তওবা' শব্দটি আল্লাহর দিকে সঘনক করা হইলে অর্থ হয়, 'ক্ষমা ও দয়া সহকারে বান্দার দিকে ফিরা'—আর বান্দার দিকে সঘনক করা হইলে অর্থ হয়, 'গুনাহ ত্যাগ করিয়া আল্লাহর দিকে ফিরা'। তওবা শব্দটি আল্লাহ সম্পর্কে ব্যবহৃত হইলে উহার পরে الى এবং বান্দা সম্পর্ক ব্যবহৃত হইলে উহার পরে الى বৃত্ত করা হয়।

فِي الْبَحْرِ بِمَا يَنْفَعُ النَّاسَ وَمَا أَنْزَلَ  
 اللَّهُ مِنَ السَّمَاءِ مِنْ مَاءٍ فَأَحْيَا بِهِ الْأَرْضَ بَعْدَ  
 مَوْتِهَا وَبَثَ فِيهَا مِنْ كُلِّ دَابَّةٍ وَتَصْرِيفِ  
 السَّيْرِ وَالسَّحَابِ السَّخَرِ بَيْنَ السَّمَاءِ وَالْأَرْضِ  
 لَا إِلَهَ إِلَّا هُوَ يُعَلِّمُونَ

۱۶۵ وَمَنْ النَّاسِ مِنْ يَتَّبِعُكَ مِنْ  
 دُونِ اللَّهِ أَنْتَدَا يَجْؤُونَكَ كَتَبَ اللَّهُ وَالَّذِينَ  
 اسْتَوُوا أَشَدَّ حَبَالًا وَلَوْ يَرَى الَّذِينَ ظَلَمُوا  
 أَنْ يُرَوْنَ الْعَذَابَ إِنَّ آيَةَ اللَّهِ لَجَمِيعًا وَإِنْ  
 اللَّهُ شَدِيدُ الْعَذَابِ

করে সেই জলযানের মধ্যে, পৃথিবী শুষ্ক ও  
 উৎপাদিকা শক্তিশূন্য হইবার পরে আল্লাহ আকাশ  
 হইতে যে পানি নাবিল করিয়া উহা দ্বারা এই  
 পৃথিবীকে সজীব করিয়া তোলে সেই পানির মধ্যে,  
 এই পৃথিবীতে নানা প্রকার জীবজন্তু পরিব্যাপ্ত  
 করিবার মধ্যে, বিভিন্ন প্রকার বাড়-বাঘ সৃষ্ণালনের  
 মধ্যে, এবং পৃথিবী ও আকাশ মাঝে নিয়ন্ত্রিত  
 মেঘমালায় মধ্যে নিশ্চয় এই সকল লোকের জন্য  
 [আল্লাহর অস্তিত্বের] নানা নিদর্শন বহিয়াছে যাহারা  
 বুঝি রাখে। ১৬০

১৬৫ এবং কতক লোক এমন আছে  
 যাহারা আল্লাহ ছাড়া পরম্পর-সমতুল্যদিগকে ১৬০  
 [মা'বুদরূপে] গ্রহণ করিয়া থাকে—তাহারা  
 আল্লাহকে ভালবাসিবার মতই উহাদিগকে ভাল-  
 বাসে। কিন্তু যাহারা মুমিন তাহারা আল্লাহর  
 প্রতিই সর্বাধিক অনুরক্ত। আহা! যাহারা  
 অত্যাচার করিয়া চলিয়াছে, তাহারা যদি  
 চিন্তা করিয়া দেখিত। [অ'খিরাতে] যখন তাহারা  
 [অ'ল্লাহ তা'আলার] অ'যাব প্রত্যক্ষ করিবে,  
 বুঝিতে পারিবে যে, নিশ্চয় আল্লাহ সমুদয় শক্তির  
 মালিক এবং নিশ্চয় আল্লাহ শাস্তি ব্যাপারে  
 কঠোর; [আর এই মূর্তিগুলি একেবারে ক্ষমতা-  
 শূন্য;]—

১৬০ আয়াতে যে সকল বিষয়ের উল্লেখ করা  
 হইয়াছে সেই বিষয়গুলি সম্বন্ধে চিন্তা করিলে পরিকার  
 রূপে প্রতীয়মান হয় যে, এই ব্যাপারগুলি অথবা  
 এই ব্যাপারগুলির কোনটও নিজে নিজেই যুগ যুগ  
 ধরিয়া এরূপ শৃঙ্খলার সহিত চালু থাকিতে পারে না।  
 ইহাদের কোন চালক ও শৃঙ্খলা বিধানকারী নিশ্চয়  
 রহিয়াছে। এই চালক ও নিয়ামতকে ইবনামে আল্লাহ  
 বলা হয়।

স্বষ্ট দেখিয়া আল্লাহর অস্তিত্বের প্রতি বিশ্বাসের  
 আল্পান মানুষকে যে ভাবে এই আয়াতে জানান  
 হইয়াছে, সেই ভাবে কুরআন মজীদে আরও বহু

আয়াতে বলা হইয়াছে যে, মানুষ যদি নিজেরই  
 অবস্থা সম্বন্ধে চিন্তা করে অথবা মখলুকাতের অবস্থা  
 সম্বন্ধে স্থির মস্তিষ্ক চিন্তা করিয়া দেখে তাহা হইলে  
 তাহার অন্তর নিশ্চয় উপলব্ধি করিবে যে, এই সাবর  
 পশ্চাতে এতজন সর্বজ্ঞ, শক্তিমানের হাত নিশ্চয়ই  
 রহিয়াছে।

ইসলামী 'ইলম-গুলির মধ্যে কেবলমাত্র 'ইলমুল-  
 কালামে এ সকল বিষয় বিস্তারিত ভাবে আলোচিত  
 হইয়া থাকে।

১৬১ অর্থাৎ মূর্তি-দিগকে অথবা ধর্মবাহক-  
 দিগকে নমস্কার বলিয়া তাহারা ধরিয়া রহিয়াছে।



١٦٦ اذ تَبِعُوا الَّذِينَ اتَّبَعُوا مِنَ الَّذِينَ

اتَّبَعُوا وَرَأَوْا الْمَذَابَ وَتَقَطَّعَتْ بِهِمُ الْأَسْبَابُ •

١٦٧ وَقَالَ الَّذِينَ اتَّبَعُوا لَوْ أَنَّا

كُنَّا نَدْرِكُهُمْ لَسَبَّحْنَاهُمْ كَمَا تَسْبَحُونَ وَرَأَوْا مَثَلًا

كَذَلِكَ يَرِيهِمُ اللَّهُ أَعْمَالَهُمْ حَسَرَتْ عَلَيْهِمُ

وَمَا هُمْ بِخَارِجِينَ مِنَ الدَّارِ •

١٦٨ وَأَمَّا النَّاسُ كُلُّهُمْ فَمِنَ الْأَرْضِ

حَلَالٍ طَيِّبٍ وَلَا تَتَّبِعُوا خُطُوتَ الشَّيْطَانِ

১৮২ এর ব্যাখ্যা :—

(এক) এর অর্থ যে খাজ খাইতে আল্লাহ তা'আলা অনুমতি দিয়াছেন সেই খাজ। যথা, নানাপ্রকার ফলমূল, তরিতরকারী, শাক-সজা মাছ-গোশত ইত্যাদি। আর طيب এর অর্থ শরী'আতে অনুমোদিত উপাধ ও ব্যবহাযোগে সংগৃহীত ও প্রস্তুত।

আল্লাহ-সংশয়ের অর্থ : যে খাজ খাইতে আল্লাহ তা'আলা অনুমতি দিয়াছেন তাহা শরী'আতের বিধান অনুযায়ী লব্ধ ও প্রস্তুত হইয়া থাকিলে তবে তাহা খাও।

(দুই) যে খাজ আল্লাহ তা'আলা হালাল করিয়াছেন তাহা শরী'আতের বিধান অনুযায়ী সংগৃহীত ও প্রস্তুত করা হইলে তাহাকে حلال বলা হয়। আর طيب এর অর্থ স্বাদু, উপাদেয়, সুগন্ধকর ইত্যাদি।

আল্লাহ অংশের অর্থ : খাজ কেবলমাত্র হালাল

১৬৬ [অ'হা! - তাহারা যদি চিন্তা করিয়া দেখিত! আখিরাতে] যখন অনুসৃতগণ অনুসারীদিগের সম্পর্ক অস্বীকার করিয়া বসিবে এবং তা'দের সকল সূত্র হিন্ন-ভিন্ন হইবে;—

১৬৭ এবং অনুসারিগণ বলিবে, “দুনিয়াতে প্রত্যাবর্তন যদি আমাদের পক্ষে সম্ভব হইত তাহ'হইলে তাহারা যেমন আমাদের সম্পর্ক [এখন] হিন্ন করিয়া বসিল, আমরাও তাহাদের সকল সম্পর্ক হিন্ন করিতাম। এইভাবে আল্লাহ তাহাদের আমলকে তাহাদের জ্ঞাত পরিতাপে পরিণত করিয়া তাহাদিগকে দেখাইবেন। এবং তাহারা আগুন হইতে নিষ্কাশিত হইবার নহে।

১৬৮ ওহে লোকগণ, পৃথিবীতে যাহা কিছু রহিয়াছে তাহা হইতে উপাদেয় হালাল খাজ তোমরা খাও; এবং শয়তানের পদাক অনু-

হইলেই যে উহা খাইতেই হইবে—এমন নহে; বরং হালাল হওয়ার সঙ্গে সঙ্গে খাজটি খাইতে যদি রুচী হয় তবেই তা খাও।

সহীহ মুসলিম হাদীস গ্রন্থে আবু হুরাইরা রাস-র যবানী বর্ণিত আছে, রসূলুল্লাহ সঃ বলিয়াছেন :— আল্লাহ নিজে পাক-পবিত্র; এবং পাক পবিত্র ছাড়া অন্য কিছু তিনি কবুল করেন না। খাজ ব্যাপারে তিনি রসূলদেরে যে হুকম করিয়াছেন মুমিনদেরে সেই হুকমই করিয়াছেন। তিনি বলিয়াছেন, “হে রসূলগণ, তোমরা হালাল উপাদেয় খাজের অংশবিশেষ খাও এবং সং কাজ সম্পাদন কর।” তিনিই বলিয়াছেন, “হে মুমিনগণ, আমি তোমাদেরে যে রিয়ক দিয়াছি তাহা হইতে হালাল উপাদেয় খাজ খাইতে থাক।”

ইহার পরে নবী সঃ এমন ব্যক্তির উল্লেখ করেন যে ব্যক্তি আলখালু-কেশে, ধূলিমলিন বেশে সফরে পথ অতিক্রম করিয়া চলিয়াছে—সে আসমানের দিকে হাত বাড়াইয়া “হে আমার রব,” “হে আমার রব”

انهم لكم عدو مبين .

انما يامرکم بالسوء والفحشاء ۱۶۹

وان تقاتلوا على الله مالا تعيبون .

واذا قيل لهم اتبعوا ما نزل

الله قالوا بل نتبع ما الفينا على

ابائنا اولو كان ابائهم لايعةون شيئا

ولا يهتدون .

সরণ করিও না। ১৬৩ নিশ্চয় শয়তান তোমাদের প্রকাশ্য শত্রু।

১৬৯ তোমাদের পক্ষে অমঙ্গলজনক এবং অশ্লীল কাজ [সম্পাদন করিতে] ও [ঐ প্রকার] কথা [বলিতে] এবং তোমরা যাহা জান না এইরূপ ব্যাপার আল্লার নামে প্রচার করিতে শয়তান তোমাঙ্গিকে আদেশ করিয়া থাকে। ১৬৪

১৭০ আর শয়তানের অনুসারীদিগকে যখন বলা হয়, “আল্লাহ যাহা নাযিল করিয়াছেন তাহা তোমরা অনুসরণ করিয়া চল”, তাহারা বলে, “[ন ; তাহা করিব না ;] বরং আমরা আমাদের পিতা-পিতামহদিগকে যে অবস্থায় পাইয়াছি তাহারই অনুসরণ করিতে থাকিব। [কারণ, তাঁহাদিগকে আমরা অধিকতর জ্ঞানী ও বুদ্ধিমান বলিয়া বিশ্বাস করি।]” [তাহাদের উক্তির অসারতার দিকে ইঙ্গিত করিয়া আল্লাহ তা’আলা বলেন,] “সে কী কথা! তাহাদের পিতা, পিতামহগণ যদি এই সকল ব্যাপারের কিছুই বুঝিয়া না থাকে তবুও [কি তাহারা উহাদের অনুসরণ করিবে] ?

বলিয়া প্রার্থনা করিতেছে—কিন্তু উহার খাণ্ড হারাম, উহার পানীয় হারাম, উহার পরিধেয় হারাম এবং হারাম দ্বারা সে প্রতিপালিতও হইয়াছে—এমন লোকের প্রার্থনা কবুল হওয়া সূদূর-পরহত।

১৮৩ অর্থাৎ হালালকে হারাম জ্ঞানে বর্জন করিবে না এবং হারামকে হালাল জ্ঞানে ভক্ষণ করিবে না।

১৮৪ “তোমরা যাহা জান না এইরূপ ব্যাপার

আল্লার নামে প্রচার” এর তাৎপর্য :—

যে খাণ্ড আল্লাহ ও তাঁহার রসূল হালাল বলিয়া ঘোষণা করেন নাই তাহার কোন কোনটি সম্বন্ধে শয়তান মানুষের মনে এই ধারণা বদ্ধমূল করিতে চায় যে, আল্লাহ উহা হালাল করিয়াছেন। সেইরূপ যে খাণ্ড হারাম নয় সেই খাণ্ড সম্বন্ধে শয়তান মানুষের মনে ধারণা জন্মাইতে চায় যে, আল্লাহ উহা হারাম করিয়াছেন। ইহাই ঐ প্রচার।

## মুহাম্মাদী জীবন-ব্যবস্থা

বুলুগুল মরাম—বজ্রাম্বাদ

—আবু যুসুফ দেওবন্দী

(পূর্ব প্রকাশিতের পর)

### অলীমা অধ্যায়

২৪২ ইবন-উমর রাঃ বলেন, রসূলুল্লাহ সঃ

বলিয়াছেন:

اِذَا دُعِيَ أَحَدُكُمْ إِلَى الْوَلِيْمَةِ فَلْيَأْتِهَا

“তোমাদের কেহ যখন অলীমা-ভোজে নিমন্ত্রিত হয় তখন ঐ ভোজে গমন করা তাহার কর্তব্য—বুখারী।

উপরি-উক্ত হাদীসটি মুসলিম হাদীস-গ্রন্থে এই ভাবে বর্ণিত হইয়াছে:

اِذَا دُعِيَ أَحَدُكُمْ إِلَى أَخِيهِ فَلْيَجِبْ عَرَسًا

كَانَ أَوْ لَحْوَةً

“তোমাদের কেহ যখন তাহার মুসলিম ভাইকে দা‘অত করে তখন ঐ দা‘অত কবুল করা তাহ কর্তব্য হইবে—দা‘অতটি অলীমা ভোজেরই হউক অথবা অনুরূপ কোন ভোজেরই হউক”—মুস

২৪৩ আবু হুরাইরা রাঃ বলেন, রসূলুল্লাহ সঃ বলিয়াছেন:

شَرُّ الطَّعَامِ طَعَامُ الْوَلِيْمَةِ يَمْنَعُهَا

سَنَ يَأْتِهَا وَيُدْعَى إِلَيْهَا مِنْ أَبَائِهَا وَمِنْ

لَمْ يَجِبِ الدَّعْوَةُ فَقَدْ عَصَى اللَّهَ وَرَسُولَهُ

“যে অলীমা ভোজে যাহারা আসিতে চায় তাহাদিগকে আসিতে নিষেধ করা হয় এবং যাহারা আসিতে অস্বীকার করে তাহাদিগকে দা‘অত দেওয়া হয় সেই অলীমার খাওয়া অত্যন্ত জঘন্য খাওয়া। [ঐ প্রকার দা‘অতে যোগদান করা নিষিদ্ধ।]”

আর যে ব্যক্তি [শরী‘আত-অমুমোদিত] দা‘অত কবুল করে না সে ব্যক্তি আল্লাহ ও তাঁহার রসূলের হুকম অমান্য করে”—মুসলিম।

২৪৪ আবু হুরাইরা রাঃ বলেন, রসূলুল্লাহ সঃ বলিয়াছেন,

১। শুধু অলীমা-ভোজই নয়; বরং সকল প্রকার ভোজেই অভাবগ্ৰস্ত, অসহায় ব্যক্তিদের খাদ্য দান করা অত্যন্ত উদ্দেশ্য হওয়া উচিত। কারণ তাহারাই বিশেষ করিয়া ভোজের আশায় উদগ্রীব হইয়া প্রতীক্ষা করিতে থাকে। পক্ষান্তরে, ধনীদের নিজেদের ঘরে প্রচুর পরিমাণে খাদ্য থাকায় কোনও ভোজের প্রতি তাহাদের বিশেষ আগ্রহ থাকে না। ফলে, হাদীসটির তাৎপর্য দাঁড়ায় এই—যে ভোজে কেবলমাত্র ধনীদের দা‘অত দেওয়া হয়, এবং গরীবদের বঞ্চিত রাখা হয় সেই ভোজই জঘন্য। বিশেষতঃ, অলীমা-ভোজে এই পন্থা অনুসরণ করা হইলে তাহা নিঃসন্দেহে অতীব জঘন্য ভোজ বলিয়া পরিগণিত হইবে। সাহাবী হযরত আবু-হুরাইরা রাঃ হাদীসটির এই প্রকার ব্যাখ্যাই করিয়াছেন। তিনি বলেন, “যে অলীমা-ভোজে ধনীদের দা‘অত দেওয়া হয় এবং অসহায়দের বর্জন করা হয় তাহাই জঘন্য ভোজ।” তাহার এই উক্তি ‘মুসলিম’ হাদীসগ্রন্থে সঙ্কলিত হইয়াছে।

اِذَا دُعِيَ احَدُكُمْ فَلْيَجِبْ فَاِنْ كَانَ  
صَائِمًا فَلْيَصِلْ وَاِنْ كَانَ مُفْطِرًا فَلْيَطْعَمْ .

“তোমাদের কাহাকেও যখন দা‘অত করা হয় তখন উহা কবুল করা তাহার কর্তব্য। [তাহাকে দা‘অতে হাযির হইতে হইবে।] অনন্তর, সে যদি রোযাদার থাকে তবে সে যেন [দা‘অত দাতার জন্ত মঙ্গল ও বরকতের] দু‘আ করে; আর সে যদি রোযাদার না হয় তবে সে যেন আহার করে”—মুসলিম।

উপরি-উক্ত হাদীসটি জাবির রাঃ এই ভাবে বর্ণনা করিয়াছেন :

اِذَا دُعِيَ احَدُكُمْ اِلَى طَعَامٍ فَلْيَجِبْ  
فَاِنْ شَاءَ طَعَمْ وَاِنْ شَاءَ تَرَكَ .

“তোমাদের কাহাকেও যখন কোন ভোজে দা‘অত করা হয় তখন উহা কবুল করা তাহার কর্তব্য। অনন্তর [দা‘অতে হাযির হইবার পরে] তাহার যদি ইচ্ছা হয় সে আহার করিবে আর ইচ্ছা হয় সে আহার করিবে না”—মুসলিম।<sup>২</sup>

২। এই মাস্ আলা সম্পর্কে অপর হাদীসগুলির প্রতি লক্ষ্য রাখিয়া অধিকাংশ ‘উলামা এই মত পোষণ করেন যে, নিমন্ত্রিত ব্যক্তি রোযাদার হওয়ার অজুহাতে দা‘অত হইতে অনুপস্থিত থাকিতে পারিবে না। তাহাকে দা‘অতে অবশ্যই যাইতে হইবে। অনন্তর, সে যদি এমন কোন রোযা রাখিয়া থাকে যাহা ভঙ্গ করা শরী‘আতে অত্যাশ বলিয়া বিবেচিত হয় তবে সে দা‘অতে আহার করিবে না। কিন্তু সে যদি নফল রোযা রাখিয়া থাকে তাহা হইলে দা‘অতকারীর মনস্তষ্টির জন্ত তাহার পক্ষে রোযা ভঙ্গ করতঃ আহার গ্ৰহণ করা মুস্ তাহাব হইবে।

২৪৫ ইবন-মস‘উদ রাঃ বলেন, রসূলুল্লাহ সঃ বলিয়াছেন,

طَعَامُ الْوَلِيْمَةِ اَوَّلُ يَوْمٍ حَقَّ وَطَعَامُ

يَوْمِ الثَّالِي سَنَةِ وَطَعَامُ يَوْمِ الثَّالِثِ سَمْعَةَ

وَمِنْ سَمِعَ سَمِعَ اللهُ بِهِ .

“প্রথম দিনের অলীমা-ভোজ ত্রীফা-ভোজ, দ্বিতীয় দিনের অলীমা-ভোজ প্রথা ও রীতি মাত্র। তৃতীয় দিনের ভোজ খ্যাতি ও শোহরত বিশেষ—আর যে ব্যক্তি নাম ও শোহরতের উদ্দেশ্যে কোন কাজ করে আল্লাহ [কিয়ামত দিবসে] তাহার ঐ উদ্দেশ্যের কথা ঘোষণা [করিয়া তাহাকে তামাম লোকের সামনে লাজ্জিত] করিবেন”<sup>৩</sup>—তিরমিযী।

এই হাদীস সম্বন্ধে ইমাম তিরমিযীর অভিমত এই যে, হাদীসটির কোন এক স্তরে এক জন মাত্র বর্ণনাকারীর নাম পাওয়া গেলেও উহার বর্ণনাকারীগণ সহীহ হাদীস বর্ণনাকারীর মান-মর্যাদার অধিকারী।

তারপর, ইবন-মাজা হাদীস-গ্রন্থে আনাসের বাচনিক এই হাদীসের সমর্থনকারী একটি হাদীস রহিয়াছে।

২৪৬। শইবা-তনযা সফীয়া রাঃ বলেন,

اَوَّلُ النَّبِيِّ صَلَّى اللهُ عَلَيْهِ وَسَلَّمَ

৩। কোন কোন হাদীসগুণ্ণে উল্লিখিত হইয়াছে

যে, জনৈক তাবি‘ঈ ৭৮ দিন পর্যন্ত অলীমা-ভোজ জারী রাখিয়াছিলেন এবং তাহাতে কোন কোন সাহাবীও নিমন্ত্রিত হইয়া যোগদান করিয়াছিলেন। এ সম্পর্কে আমাদের বক্তব্য এই যে, রসূলুল্লাহ সঃ-র প্রকাশ্য উক্তির বিরুদ্ধে কোন তাবি‘ঈ অথবা কোন সাহাবীর কার্য গৃহণযোগ্য হইতে পারে না।



عَلَى بَعْضِ لَسَائِهِ بِمَدِينٍ مِنْ شَعِيرٍ

নবী সঃ তাঁহার কোন এক বিবিকে বিবাহ  
করিবার পরে প্রায় দেড় সের যবের [ খানা প্রস্তুত  
করিয়া ] অলীমা করিয়াছিলেন—আল্ বুখারী।

[ সম্ভবতঃ, উম্ম-সলমা রাঃ-কে বিবাহ  
করিবার পরে এই অলীমা-ভোজ দেওয়া  
হইয়াছিল। ]

২৪৭। আনাস রাঃ বলেন]

اقام النبي صلى الله عليه وسلم

بمن خيبر والمدينة ثلاث ليل يبنى

عليه بصفية فبعثت المسلمين الى

والبيعة فما كان فيها من خبز ولا لحم

وما كان فيها الا ان امر بالانطاع فبسطت

فالقي عليها التمر والاقط والسمن .

নবী সঃ [ খইবর হইতে মদীনা প্রত্যাবর্তন  
কালে, উম্মুল-মমিনীন হুয়াই তনয়া ] সফরীয়ার  
সহিত বাসর-রাত্রি যাপনের উদ্দেশ্যে খইবর ও  
মদীনার মধ্যবর্তী কোন এক স্থানে তিন দিন  
অবস্থান করেন এবং আমি মুসলিমদিগকে অলীমা-  
ভোজে ডাকিয়া আনি। ঐ ভোজে না ছিল  
রুটি, আর না ছিল গোশত। ঐ ভোজে যাহা  
হইয়াছিল তাহা এই যে, নবী সঃ-র নির্দেশক্রমে  
চামড়ার দস্তুরখানগুলি বিছান হইয়াছিল এবং  
উহাদের উপর খুরমা, পনীর ও ঘী রাখা

হইয়াছিল।<sup>৪</sup> —আল্-বুখারী ও মুসলিম; আর  
এই 'ইবারতটি বুখারী হইতে লওয়া হইয়াছে

২৪৮। নবী সঃ-র এক জন সাহাবা  
বলিয়াছেন :

اذا اجتمع داعيان فاجب اقربهما

بابا فان سبق احدهما فاجب الذي

سبق .

দুই জন নিমন্ত্রণকারী যদি একই সঙ্গে  
উপস্থিত হয় তবে তাহাদের মধ্যে যাহার বাড়ীর  
প্রবেশ-দ্বার তোমার অধিকতর নিকটবর্তী হয়  
তাহার নিমন্ত্রণ কবুল কর ; আর তাহাদের একজন  
যদি আগে আসে [ এবং অপর জন পরে আসে ]  
তবে যে নিমন্ত্রণকারী আগে আসে তাহার নিমন্ত্রণ  
কবুল কর—আবু দাউদ। এই হাদীসের বর্ণনাসূত্র  
যঈফ।

৪। মুসলিম হাদীস গৃহের অপর হাদীস  
হইতে জানা যায় যে, এই অলীমাতে নবী সঃ-র  
নির্দেশক্রমে কয়েকটি গর্ত খুঁড়া হয় এবং ঐ গর্তগুলির  
মধ্যে চামড়ার দস্তুরখানের কিয়দংশ ঢুকাইয়া দিয়া  
দস্তুরখান বিছান হয়। তারপর, সাহাবীদের সহিত  
যে সব খাদ্য-দ্রব্য ছিল তাহা হইতে যে পরিমাণ খাদ্য  
মদীনা পৌছা পর্যন্ত সাহাবীদের প্রয়োজন হইতে  
পারে সেই পরিমাণ খাদ্য রাখিয়া বাকী খাদ্য-দ্রব্য  
হাযির করিবার জন্ত নবী সঃ নির্দেশ জারী করেন।  
ফলে, সাহাবীগণ কেহ খুরমা, কেহ পনীর এবং কেহ  
ঘী হাযির করিতে থাকেন। অনন্তর, সব খাদ্য একত্র  
মিশ্রিত করিয়া ঐ দস্তুরখানগুলিতে বণ্টন করা হয়  
এবং সাহাবীগণ এক এক দল এক এক গর্তের  
চতুর্পার্শে বসিয়া আহার করেন। ইহাই ছিল ঐ  
অলীমার স্বরূপ।

২৪৯। আবু জুহাইফা রাঃ বলেন, রসূলুল্লাহ সঃ বলিয়াছেন :

لَا اكْلَ مِمَّا

আমি [কোন কিছুতে] ভর দেওয়া অবস্থায় খাই না।

২৫০। [উম্ম-সলমা রাঃ আনহা-র পূর্ব স্বামী আবু সলমা রাঃ যখন ইনতিকাল করেন তখন তাঁহাদের 'উমর' নামে এক পুত্র ছিল। পরে রসূলুল্লাহ সঃ যখন উম্ম-সলমা রাঃকে বিবাহ করেন তখন ঐ 'উমর' পুত্রটি মাতার সহিত রসূলুল্লাহ সঃ-র আশ্রয়ে প্রতিপালিত হইতে থাকেন। এক দিন ঐ 'উমর' রসূলুল্লাহ সঃ-র সহিত একই পাত্রে খাইতে বসিয়া কেবলমাত্র নিজের দিকের খাদ্য না খাইয়া পাত্রের চারি পাশ হইতে খাবার খাইতে লাগিলেন। তখন রসূলুল্লাহ সঃ তাঁহাকে যে উপদেশ দিয়াছিলেন তাহাই]

আবু সলমার পুত্র 'উমর' [বর্ণনা করিতে গিয়া] বলেন, রসূলুল্লাহ সঃ আমাকে বলিয়াছিলেন :

يَا غُلَامُ سَمِ اللَّهَ، وَكُلْ بِيَمِينِكَ، وَكُلْ مِمَّا بِيَاثِلِكَ

৫। রসূলুল্লাহ সঃ কখন কখন কোন মাস্-আলা সন্ধে বিশেষ তাগীদ দিবার উদ্দেশ্যে স্পষ্টভাবে আদেশ, নিষেধ না করিয়া বরং বলিতেন, “আমি তো ইহা করি,” “আমি তো উহা করি না।” তাঁহার ঐ প্রকার উক্তির তাৎপর্য এই যে, “তোমাদের পক্ষে ইহা করা উচিত,” “তোমাদের পক্ষে উহা করা ঘোর অজ্ঞায়।”

হাদীসে উল্লিখিত নিষিদ্ধ ‘ভর দেওয়া’ বলিতে খাবার সময়ে যেমন পিছনে ভর দেওয়া নিষিদ্ধ বুখার, সেইরূপ পাহার ভারে বসিয়া বাম হাত মেঝেতে স্থাপন করতঃ উহার উপরে ভর দেওয়াও নিষিদ্ধ বুখার।

হে বালক, ‘বিসমিল্লাহ’ বলিয়া তোমার ডান হাত দিয়া খাইবে এবং তোমার দিকে যাহা থাকে তাহা হইতে খাইবে। ৬—বুখারী ও মুসলিম।

২৫১। ইব্ন-আব্বাস রাঃ হইতে বর্ণিত আছে যে, [একদা] নবী সঃ-র নিকটে কাঠের একটি গামলায় [প্রায় ১০।১২ জনের উপযোগী ‘সরীদ’ খাদ্য আনা হয়। তখন নবী সঃ বলেন,

৬। এই হাদীসে আহার গ্রহণ সম্পর্কে ভিন্নতর আদব শিক্ষা দেওয়া হইয়াছে। প্রথম আদবটি এই যে, আহার আরম্ভ করিবার সময়ে ‘বিসমিল্লাহ’ বলিতে হইবে। আহারের প্রারম্ভে যদি বিসমিল্লাহ বলা না হয় তাহা হইলে কী অবস্থা ঘটে সে সম্বন্ধে নবী সঃ বলেন, “যে খাদ্য গ্রহণের শুরুর্তে ‘বিসমিল্লাহ’ বলা না হয় সে খাদ্য শয়তানের জন্ত হালাল হয়। [এবং শয়তান ঐ ভোজনকারীর সঙ্গে বসিয়া উহা আহার করিতে থাকে।]”—মুসলিম, আবু-দাউদ ও নস’ঈ। তারপর প্রথমে ‘বিসমিল্লাহ’ বলিতে ভুলিয়া গেলে খাইতে খাইতে যখনই উহা স্মরণ হইবে তখনই বলিতে হইবে,

بِسْمِ اللَّهِ أَوَّلَهُ وَآخِرَهُ

“আহারের প্রথমেও আল্লাহর নাম, আহারের শেষেও আল্লাহর নাম।”—তিরমিযী, আবু-দাউদ ও নস’ঈ।

দ্বিতীয় আদবটি এই যে, ডান হাতে খাইতে হইবে। ২৫৩নং হাদীসে ইহার কারণ বলা হইবে।

তৃতীয় আদবটি এই যে, বাসনের যে কিনারা যাহার দিকে থাকিবে সেই কিনারা হইতে সে আহার গ্রহণ করিবে। পায়ের সকল দিকে যদি একই খাদ্য থাকে তবে এদিক ওদিক হইতে খাদ্য গ্রহণ করার কোন অর্থ হয় না এবং এই তৃতীয় আদবটি ঐ খাদ্য গ্রহণের প্রতি প্রযোজ্য হইবে। কিন্তু খাদ্যের বিভিন্ন প্রকরণ যদি পাত্রের বিভিন্ন দিকে থাকে তবে বিভিন্ন দিক হইতে বিভিন্ন প্রকার খাদ্য গ্রহণ নিষিদ্ধ নয়।

كُلُوا مِنْ جَوَابِهَا وَلَا تَأْكُلُوا مِنْ

وَيَنْفَخَ فِيهِ

وَسَطُ فَإِنَّ السَّبْرَ كَرَّةٌ تَنْزِلُ فِي الْوَسَطِ

এবং উহার মধ্যে ফু দিতে না থাকে।

—:—:—

بَابُ الْقِسْمِ

বিবিদের মধ্যে বণ্টন

“তোমরা পাত্রের কিনারা হইতে খাইতে থাক—মধ্য-ভাগ হইতে খাইও না। কেননা, ইহা নিশ্চিত যে, মধ্য-ভাগে বরকত নাযিল হইতে থাকে।—নস’ঈ, তিরমিযী, আবু-দাউদ ও ইব্ন-মাজা। হাদীসের ‘ইবারতটি নস’ঈর। ইহার বর্ণনা-সূত্র সহীহ।

২৫৫। ‘আযিশা রাঃ বলেন, রসূলুল্লাহ সঃ

২৫২। আবু-হুরাইরা রাঃ বলিয়াছেন : রসূলুল্লাহ সঃ কখনও কোন খাওয়ার নিন্দা করেন নাই। কোন খাদ্য গ্রহণে স্পৃহা হইলে তিনি উহা আহার করিতেন এবং অনিচ্ছা হইলে উহা বর্জন করিতেন।

তাহার বিবিদের মধ্যে বণ্টন করিবার সময় সমান ভাবে বণ্টন করিতেন, এবং তবুও বলিতেন,

اللَّهُمَّ هَذَا قِسْمِي فِيمَا أَمْلِكُ فَلَا

২৫৩। জাবির রাঃ হইতে বর্ণিত হইয়াছে যে, নবী সঃ বলিয়াছেন,

تَلْبِسْنِي فِيمَا تَمْلِكُ وَلَا أَمْلِكُ

لَا تَأْكُلُوا بِالشَّمَالِ فَإِنَّ الشَّيْطَانَ يَأْكُلُ بِالشَّمَالِ

তোমরা বাম হাতে খাইও না; কেননা শয়তান বাম হাতে খাইয়া থাকে।—মুসলিম।

২৫৪। আবু-কাতাদা রাঃ হইতে বর্ণিত আছে যে, নবী সঃ বলিয়াছেন,

إِذَا شَرِبَ أَحَدُكُمْ فَلَا يَتَنَفَّسْ فِي الْإِثْمِ

“তোমাদের যে কেহ যখন [কোন পানীয়] পান করিবে তখন সে যেন পান-পাত্রের মধ্যে নিঃশ্বাস না ছাড়ে।”—বুখারী ও মুসলিম।

এই মর্মের একটি হাদীস ইব্ন-আব্বাস রাঃ-র বাচনিক আবু-দাউদ হাদীসগ্রন্থে সঙ্কলিত হইয়াছে—উহাতে এই বাক্যটি বেশী রহিয়াছে।

৭। পান সম্পর্কে কতিপয় জ্ঞাতব্য বিষয় :—

(ক) যে কোন পানীয় দ্রব্য তিন নিঃশ্বাসে পান করা স্মৃত। কিয়দংশ পানীয় পান করিবার পরে পানপাত্রটি একধারে সরাইয়া নিঃশ্বাস ফেলিবে। তারপর দ্বিতীয় দফায় কিয়দংশ পান করিয়া পানপাত্রটি একধারে সরাইয়া নিঃশ্বাস ছাড়িবে তারপর তৃতীয় দফায় বাকী পানীয় পান করিবে। আনাস রাঃ বলেন, রসূলুল্লাহ সঃ তিন নিঃশ্বাসে পান করিতেন এবং বলিতেন, ‘ইহা অধিকতর সুপ্তিকর অধিকতর শান্তিদায়ক ও অধিকতর উপাদেয়।—মুসলিম।

(খ) যমযমের পানি এবং উষু করিবার পরে অবশিষ্ট পানি ছাড়া আর সকল ক্ষেত্রেই দাঁড়াইয়া পান করা নিষিদ্ধ। আবু স’ঈদ খুদরী রাঃ বলেন, নবী সঃ দাঁড়াইয়া পান করিতে কঠোরভাবে নিষেধ করিয়াছেন।—মুসলিম।

“হে আল্লাহ, যে সকল ব্যাপারে আমি ক্ষমতা রাখি সে সম্বন্ধে আমার বণ্টন এই। অতএব, যে ব্যাপারে আপনি ক্ষমতা রাখেন আর আমি ক্ষমতা রাখি না তাহার জন্ত আমাকে তিরস্কার করিবেন না।” — আবু-দাউদ, নস’ঈ, তিরমিযী ও ইব্ন-মাজা। এই হাদীসকে ইব্ন-হাক্বান ও হাকিম সহীহ বলিয়াছেন; কিন্তু তিরমিযী বলেন যে, এই হাদীসটির মুরসাল হওয়াই অধিকতর যুক্তিযুক্ত।

হাদীসটির তাৎপর্য এই, পার্থিব সম্পদ, তৈজসপত্র, খাত্ত-কাপড় ইত্যাদি ব্যাপারে আমি সকল বিবিকে সমান সমান দিতে পারি এবং সমান সমান দিয়াও থাকি। কিন্তু প্রাণের টান ও অন্তরের ভালবাসা বণ্টনে আমার কোন হাফ্ফ নাই। তাই কোন বিবির প্রতি আমার ভালবাসা অধিক এবং কোন বিবির প্রতি আমার

১। কোন মুসলিমের একাধিক বিবি থাকিলে ইসলামী শরী‘আত মতে তাহার কর্তব্য এই যে, সে খাদ্য-পানীয়, কাপড়-চোপড়, বাসন-কোসন, বাস ঘর ইত্যাদি সকল বিবিকে সমান সমান দিবে। এই সকল বিষয়ে সে কাহাকেও কম বা বেশী দিতে পারিবে না। রাত্রি যাপন ব্যাপারেও সে সমান সমান সংখ্যক রাত্রিতে বিবিদের সহিত বাস করিবে। এই সম-বণ্টন নীতি নবী সঃ ছাড়া আর সকলের পক্ষে ওাজিব, অবশ্য-পালনীয়।

তারপর অন্তরের টান ও ভালবাসার কথা। স্বামীর পক্ষে সকল বিবির প্রতি এক সমান ভালবাসা পোষণ করা তাহার আয়ত্বের বাহিরে। কাজেই বিবিদের প্রতি ভালবাসার মাত্রা কম-বেশী হইলে ওজ্জত্ব স্বামীর কোন অপরাধ হয় না।

সম-বণ্টন যদিও নবী করীম সঃ-র জন্ত অবশ্য পালনীয় ছিলনা, তবুও তিনি এই সম-বণ্টন নীতি অত্যন্ত সতর্কতার সহিত পালন করিয়া চলিতেন।

ভালবাসা কম হইলে তাহার জন্ত আমাকে দায়ী করিবেন না।

২৫৬। আবু হুরাইরা রাঃ হইতে বর্ণিত আছে, নবী সঃ বলিয়াছেন,

من كانت له امرأتان فمال الى أحدهما

جاء يوم القيامة وشقه مائل

“যাহার দুই বিবি থাকে সে যদি তাহাদের একজনের দিকে ঝুঁকিয়া থাকে তবে সে অর্ধাঙ্গ বক্র অবস্থায় কিয়ামত দিবসে হাযির হইবে।” — আহমদ, নস’ঈ, তিরমিযী, আবু-দাউদ ও ইব্ন মাজা। ইহার সনদ সহীহ।

২৫৭। আনাঁস রাঃ বলেন, নবী সঃ-র অত্যন্তম স্নেহত এই যে, কোন ব্যক্তির অকুমারী বিবি থাকা অবস্থায় সে যদি কোন কুমারীকে বিবাহ করে তাহা হইলে সে ঐ কুমারী স্ত্রীর সহিত সাত রাত্রি যাপনের পর হইতে রাত্রিগুলি সকল বিবির মধ্যে সমভাবে বণ্টন করিতে থাকিবে। আর সে যদি অকুমারী বিবি থাকা অবস্থায় অপর অকুমারী স্ত্রীলোককে বিবাহ করে তাহা হইলে সে নূতন বিবির সহিত তিন রাত্রি যাপনের পর হইতে রাত্রিগুলি বিবিদের মধ্যে সমানভাবে বণ্টন করিতে থাকিবে। — বুখারী ও মুসলিম; ইবারত বুখারীর।

২৫৮। উম্ম-সলমা রাঃ হইতে বর্ণিত আছে যে, নবী সঃ যখন তাঁহাকে বিবাহ করেন তখন তিনি তাঁহার সহিত তিন রাত্রি যাপন করিয়া বলেন,

২। অন্তরের ভালবাসা বাদে আর সকল ব্যাপারে সম বণ্টন নীতি যে ব্যক্তি পালন করে না কিয়ামত দিবসে তাহার এই দশা হইবে।



الـ لـيس بك على اهلك هـوان  
ان شئت سبعت لك وان سبعت لك سبعت  
لنفسائي .

“ইহা নিশ্চিত যে, তোমার প্রতি তোমার স্বামীর পক্ষ হইতে কোন অনাদর হইবে না। তুমি যদি চাও তবে আমি তোমার নিকটে সাত রাত্রি থাকিতে পারি; কিন্তু তোমার নিকটে যদি সাত রাত্রি থাকি তাহা হইলে আমার অপর বিবিদের প্রত্যেকের সহিত সাত রাত্রি করিয়া থাকিব।”—মুসলিম।

২৫৯। ‘আয়িশা রাঃ হইতে বর্ণিত আছে, যে, যম্’আ-তনয়া সাওদা তাঁহার পালার রাত্রিটি ‘আয়িশাকে দান করেন।<sup>৩</sup> কাজেই নবী সঃ রাত্রি-বাস বণ্টনের সময় ‘আয়িশাকে তাহার রাত্রি ও সাওদার রাত্রি দিতেন।—বুখারী ও মুসলিম।

২৬০। ‘উরুণা রাঃ বলেন, ‘আয়িশা রাঃ আমাকে বলিয়াছিলেন, ‘হে আমার বোন-পো, আমাদের সহিত রাত্রি-বাস বণ্টন ব্যাপারে রসূলুল্লাহ সঃ আমাদের কাহাকেও অপরের

৩। হযরত খাদীজা রাঃ-র ইন্তিকালের পরে নবী করীম সঃ সর্বপ্রথমে হযরত সাওদা রাঃ-কে বিবাহ করেন এবং হিজরতের পূর্ববর্তী ও পরবর্তী কয়েক বৎসর ধরিয়া একমাত্র তিনিই নবী করীম সঃ-র বিবিরূপে ঘর-কন্না করেন। তিনি বেশ মোটা-তাষা বয়সী মহিলা ছিলেন। স্বামী-স্ত্রী সম্পর্ক ব্যাপারে তাঁহার বিশেষ আসক্তি ছিল না। এই কারণে এবং হযরত ‘আয়িশা রাঃ-র প্রতি নবী সঃ-র বিশেষ মহব্বত লক্ষ্য করিয়া নবী সঃ-র সন্তোষ লাভের উদ্দেশ্যে হিজরতের কয়েক বৎসর পরে তিনি নিজ পালার রাত্রিটি হযরত ‘আয়িশা রাঃ-কে দান করেন।

উপর প্রাধান্য দিতেন না। প্রায় প্রত্যেক দিনই তিনি আমাদের সকলকেই দেখিতে আসিতেন এবং প্রত্যেক বিবির অতি নিকটে বসিতেন কিন্তু স্পর্শ করিতেন না। অবশেষে, ঐ দিনটি যে স্ত্রীর পালায় থাকিত তাহার নিকটে পৌঁছিয়া তাহার সহিত রাত্রি যাপন করিতেন।—আহমদ ও আবু-দাউদ। ‘ইবারতটি আবু-দাউদের। এই হাদীসটিকে ‘হাকিম’ সহীহ বলিয়াছেন।

‘আয়িশা রাঃ আরও বলেন, “রসূলুল্লাহ সঃ যখন ‘আসর নমায পড়া শেষ করিতেন তখন নিজ বিবিদের দেখিতে যাইতেন এবং তাহাদের নিকটে বসিতেন।—মুসলিম।

২৬১। ‘আয়িশা রাঃ হইতে বর্ণিত আছে যে, যে পীড়ায় রসূলুল্লাহ সঃ মারা যান সেই পীড়ায় তিনি জিজ্ঞাসা করিতে থাকিতেন,

إني أنا غدا

“আগামীকাল আমি কোথায় থাকিব?” অর্থাৎ ‘আয়িশার পালার দিন কখন? ইহাতে তাঁহার বিবিগণ জানান যে, তিনি যেখানে ইচ্ছা থাকিতে পারেন। অনন্তর তিনি ‘আয়িশার গৃহে অবস্থান করেন।

২৬২। ‘আয়িশা রাঃ বলেন, রসূলুল্লাহ সঃ যখন বিদেশ যাত্রার ইরাদা করিতেন তখন বিবিদের নামে লটারী করিতেন। ফলে, তাহাদের মধ্য হইতে যাহার নাম বাহির হইত তাহাকে সঙ্গে লইয়া রসূলুল্লাহ সঃ যাত্রা করিতেন—বুখারী ও মুসলিম।

২৬৩। যম্’আ-পুত্র ‘আবদুল্লাহ রাঃ বলেন, রসূলুল্লাহ সঃ বলিয়াছেন,

لا يجلد أحدكم امرأة جلد العبد

‘তোমাদের কেহ যেন গোলামকে বেত্রাঘাত করার মত নিজ বিবিকে বেত্রাঘাত না করে।

بَابُ الْخُلَاْعِ

খুলা'-তালাক অধ্যায়

২৬৪। ইবন-আব্বাস রাঃ হইতে বর্ণিত আছে যে, সাবিত ইবন কইসের বিবি নবী সং-র নিকটে আসিয়া বলিয়াছিল, “আল্লার রসূল, কইস-পুত্র সাবিতের স্বভাব-চরিত্র-ব্যবহারেরও আমি নিন্দা করিতে পারি না, তাহার দীনদারীরও নিন্দা করিতে পারি না; কিন্তু [কি জানি কেন তাহাকে দেখিতেই আমার ইচ্ছা হয় না এবং তাহার সহিত আমাকে থাকিতে বাধ্য করিলে] আমার আশঙ্কা হয় যে, আমি ইসলামে থাকিয়া কুফরে লিপ্ত হইয়া পড়িব। [অতএব আপনি আমাকে সাবিত হইতে পৃথক

১। খুলা' শব্দের অর্থ 'বাহির করিয়া ফেলা।'

বিবি যদি স্বামীর নাপসন্দ হয় তবে তালাক দিবার অধিকার স্বামীকে দেওয়া হইয়াছে। সে তালাক দিয়া নিজ অনভিপ্রেত বিবি হইতে পরিত্রাণ লাভ করিতে পারে। পক্ষান্তরে, স্বামী যদি কোন জীলোকের নাপসন্দ হয় তবে ঐ স্বামীর কবল হইতে মুক্তি লাভের উপায় খুলা' অনুষ্ঠানের মধ্যে রহিয়াছে।

খুলা'-র স্বরূপ এই যে, স্বামী মোহরানা স্বরূপ বিবিকে যাহা দিয়া থাকে তাহা খুলা'কারিণী জীলোক স্বামীকে ফেরত দিয়া তাহার নিকট তালাকের প্রার্থনা জানাইবে। অনন্তর স্বামী তাহাকে তালাক দিয়া ক্রথসত করিয়া দিবে। স্বামী যদি তালাক দিতে অস্বীকার করে তবে জী বিচারকের নিকটে তাহার আবেদন জানাইবে এবং বিচারক যুক্তিসঙ্গত কারণ পাইলে তালাক দিবার জ্ঞত্ব স্বামীকে বাধ্য করিবেন।

এই অধ্যায়ে উল্লিখিত হাদীসগুলি হইতে পরিষ্কারভাবে জানা যায় যে,

(ক) খুলা' এক প্রকার তালাকবিশেষ। ইহা শুধু মাত্র বিবাহ-রদ নহে।

(খ) স্বামী-স্ত্রীর মিলনের পূর্বে খুলা' করা হইলে এক হাইব্-ইদত পালন করিতে হইবে।

করিয়া দিন।] তখন রসূলুল্লাহ সং: বলিলেন,  
اترودين علي يد حديقته؟ فقالت

نعم، فقال رسول الله صلى الله عليه وسلم  
اقبل الحديقة وطلعتها

“তুমি কি [মোহরে দেওয়া] তাহার বাগানটি তাহাকে ফেরত দিতেছ?” সে বলিল, “হাঁ।” তখন রসূলুল্লাহ সং: [সাবিতকে] বলিলেন, “বাগানটি গ্রহণ কর এবং উহাকে এক তালাক দাও।”—বুখারী।

বুখারীর আর এক রিওয়াতে আছে—এবং রসূলুল্লাহ সং: তালাক দিবার জ্ঞত্ব সাবিতকে আদেশ করিলেন।

(৮৪ পৃষ্ঠার পর)

বলে, মারপিট করে, ইহার ফলে অপরের সহিত শত্রুতা ও বিবেকের সৃষ্টি হয়। মাদক দ্রব্য ব্যবহারের ফলে মত্তপায়ীর দেহে অচিরেই অবসাদ আসে, স্বাস্থ্য নষ্ট হয়, মস্তিষ্কে বিকল্প ক্রিয়ার সৃষ্টি হয়, কর্ম-ক্ষমতা হ্রাস প্রাপ্ত হয়, অর্থের ভীষণ অপচয় হয়। ফলে, পরিবারে অশান্তির সৃষ্টি হয়। ইহা ছাড়া তাহার নৈতিক অধঃপতন তাহাকে অমানুষ করিয়া তুলে, ধর্ম কর্মের প্রতি বৈরাগ্য সৃষ্টি হয়, আল্লার স্মরণ—নামায এবং অন্তর্ ধর্ম কর্মকে সে অপ্রয়োজনীয় এবং অনর্থক সময়ের অপচয় স্বরূপ মনে করিতে শেখে। মোটের উপর মদ মানুষের সমুদয় আসন হইতে মানুষকে পশুত্বের নিম্নস্তরে নামাইয়া আনে, তাহাকে শয়তানের দোসররূপে পরিণত করিয়া ফেলে।

ইউরোপ ও আমেরিকায় বর্তমান যুগে মত্ত পানের ব্যাপক রেওয়াজ প্রচলিত হইয়াছে। ফলে উহার দুনিয়ারী কুফল তাহারা মারাত্মক ভাবেই ভুগিতে শুরু করিয়াছে। চিন্তাশীল মনিষিগণ, বৈজ্ঞানিক, দার্শনিক ও পরিনামদর্শী ব্যক্তিগণ এজ্ঞত্ব ইতিমধ্যেই কঠোর সতর্কবানী উচ্চারণ শুরু করিয়া দিয়াছেন।

## ইসলাম-প্রচার

—সৈয়দ রশীদুল হাসান এম, এ, বি এল

ইসলাম সমগ্র মানবতার জন্ত একটি সুনির্দিষ্ট এবং সুস্পষ্ট বাণী বহন করে এনেছে এ বাণী হচ্ছে শান্তি এবং বিশ্বদ্রাতৃত্বের বাণী। এর একমাত্র উদ্দেশ্য হচ্ছে দুনিয়ার সমগ্র মান মণ্ডলীকে সভ্যতা ও ঈশ্বরপরায়ণতায় পথে পরিচালিত করা যাতে ক'রে মানব জাতি জীবনে উক্ত সভ্যতা ও ঈশ্বরপরায়ণতার পথ অবলম্বন ক'রে এ জগতে শান্তি ও সৌহার্দের সঙ্গে বসবাস করতে পারে এবং পারলৌকিক জীবনে মুক্তিলাভ করতে সক্ষম হয়।

এই উদ্দেশ্য সাধন করতে হলে পথ-নির্দেশ গ্রহণ করতে হবে। কোরআনী পরিভাষায় এর নাম হচ্ছে হেদায়ত আর এ হেদায়ত এসে থাকে প্রভু পরওয়ার্দেগার স্বয়ং আল্লাহর নিকট থেকে।

আমাদের সর্বপ্রথম পূর্ব পুরুষ হযরত আদম (আঃ) যখন একটি মাত্র ভুলের জন্ত বেহেশত থেকে বিদায় নিতে বাধ্য হন তখনই আল্লাহ তাঁর তরফ থেকে দুনিয়ার হেদায়ত প্রেরণের প্রতিশ্রুতি প্রদান করেন। আল্লাহ বলেন, “আর যখন নিশ্চিত-ভাবে তোমার নিকট আমার হেদায়ত আসবে এবং যারা সেই হেদায়ত মূতাবিক চলবে তাদের ভয়ের কোন কারণ নাই—চিন্তার কোন হেতু নাই। কিন্তু যারা কুফরী করবে এবং আমাদের নিদর্শনগুলোকে মিথ্যা ধরে নিবে তারা হবে দোষখ-বাসী এবং সেখানেই তারা চিরস্থায়ী হবে—সেখানেই থাকবে তারা চিরকাল।” (২ : ৩৮, ২২)

ইহাই আল্লাহর মৌলিক হেদায়ত। সেই প্রাথমিক যুগের পর থেকে ক্রমেই দুনিয়া বেড়ে চলেছে, মানুষের সংখ্যাও দিন দিন বৃদ্ধি পেয়েছে। সংগে সংগে মানুষের প্রয়োজনাদি বেড়ে গিয়েছে আর বিবিধ সমস্যা রও উদ্ভব ঘটেছে। এই সমস্ত প্রয়োজনাদি মিটাবার জন্ত এবং সমস্যাদির সমাধানের জন্ত আল্লাহ যুগে যুগে স্থানে স্থানে তাঁরই বিধান

দিয়ে নবী ও রসূল প্রেরণ করেছেন, যেন মানুষ পথ-প্রদর্শন না হয়ে পড়ে আর তারা হেদায়তের আলোকে সুপথ প্রাপ্ত হয়। এমনভাবে দুনিয়ার সর্ব শেষ যুগের আবির্ভাবের সঙ্গে সঙ্গে আল্লাহর হেদায়ত পূর্ণ এবং চরমত্ব লাভ করেছে সর্বশ্রেষ্ঠ রসূল ও শেষ নবী রহমতুল-লিল আলামীন হযরত মুহাম্মদ মোস্তাফা সাল্লাল্লাহু আলাইহিস সালামের হাতে। আল্লাহ ঘোষণা করেছেন।

اليوم اكملت لكم دينكم واتممت عليكم  
امرتي ورضيت لكم الاسلام ديناً .

“আজকের দিনে আমি তোমাদের ধর্ম (দীন—জীবন ব্যবস্থা) পূর্ণ করে দিয়েছি এবং তোমাদের উপর আমার সমুদয় নেয়ামত—অনুগ্রহ পরিসমাপ্ত করে দিয়েছি এবং ধর্ম (পূর্ণ জীবন ব্যবস্থা) হিসাবে (কেবল) ইসলামকেই আমি তোমাদের জন্ত মনোনীত করে দিয়েছি” (৫ : ৩)। পরিষ্কার এবং বিধাহীন ভাষায় আল্লাহ ঘোষণা করে দিয়েছেন, একমাত্র ইসলামই দুনিয়ার মানুষের জন্ত পরিপূর্ণ ধর্ম এবং জীবন ব্যবস্থা। এই ঘোষণার পর মানুষের ধর্ম এবং তার জীবন আদর্শের জন্ত আধারে হাত-ডাবার আর প্রয়োজনীয়তা নাই; অন্ততঃ পক্ষে আল্লাহ এবং রসূলের উপর বিশ্বাসী মুসলমানদের জন্ত।

আল্লাহর পেয়ারা রসূল, আমাদের প্রিয় নবী মোহাম্মদ মোস্তাফা (দ.) আল্লাহর এই ‘রেসালত’, তাঁর এই ‘আমানত’—ইসলামকে দুনিয়ার সুদৃঢ় ভিত্তির উপর স্থাপন করে গেছেন। তিনি যে কেবল একটা রাস্তা নাতি বা ব্যবস্থা প্রচার করেই বিদায় নিয়েছেন তাই নয়, বরং তিনি সেই সমস্ত ব্যবস্থা নিজ কর্মময় জীবনে রূপায়িত ক’রে দুনিয়ার সামনে একটি পূর্ণ আদর্শ জীবনের প্রতিষ্ঠা করে এক সুন্দরতম নমুনা পেশ করে গিয়েছেন। যে শিক্ষা, যে পন্থাগাম এবং যে আদর্শ

ভিনি রেখে গেছেন তা সুস্পষ্ট, স্বয়ং-সম্পূর্ণ, সুনির্দিষ্ট এবং সর্বাত্মক।

ইহাই ইসলাম। ইহা একটি অতি পবিত্র আমানত স্বরূপ। এই আমানত রসূলুল্লাহ (দ:) তাঁরই উম্মত—মুসলমানদের জিম্মায় রেখে গেছেন। মুসলমান হিসাবে আমরা আমানতটি গ্রহণ করেছি। সুতরাং এই মহামূল্যবান আমানতটির হেফাজত এবং শ্রীবৃদ্ধি আমাদেরই সুমহান দায়িত্ব এবং পবিত্র কর্তব্য। ইসলামের শিক্ষা পূর্ণভাবে গ্রহণ করে, প্রিয় নবীর এবং তাঁর সাহাবাদের কেরামতের কর্মময় জীবন আদর্শরূপে অবলম্বন করে সমস্ত দুনিয়া জুড়ে ইসলাম প্রচার করা একমাত্র আমাদেরই কাজ। মুসলিম সমাজের এবং দুনিয়ার সকল মুসলিম রাষ্ট্রের সর্ব প্রথম এবং সর্ব-শ্রেষ্ঠ দায়িত্ব এবং কর্তব্যই হচ্ছে ইসলাম প্রচার। এই মহা দায়িত্ব ও পূর্ণ কর্তব্যই যদি পালন না করা হয়, তবে মুসলমানদের মুসলিম হিসাবে এবং ইসলামী রাষ্ট্রসমূহের মুসলিম রাষ্ট্র হিসাবে অস্তিত্বের কোনই অর্থ থাকে না।

অতি পরিতাপের বিষয়, আজ মুসলিম সমাজ এবং মুসলিম রাষ্ট্র সমূহের সঙ্গে সত্যিকার ইসলামী আদর্শের বড় একটা সম্বন্ধ নাই। এই ব্যাপক আদর্শ-চ্যুতির ফলেই আজ মুসলিম জাহানের চরম দুরবস্থা। কোন রাষ্ট্রেই শান্তির লেশ মাত্র নাই। তা ছাড়া সমস্ত দুনিয়া জুড়ে যে অশান্তির বহিঃপ্রজ্জ্বলিত হয়েছে তার জ্ঞাত মুসলিম জাহানের দায়িত্ব কম নয়, দুনিয়াতে শান্তি স্থাপন এবং শান্তি রক্ষা করা মুসলমানদের ধর্মগত দায়িত্ব। কিন্তু ইসলামের সত্যিকার শিক্ষা বিবজ্জিত মুসলিমগণ আজ তাদের সেই দায়িত্ব এবং কর্তব্য পালনে অক্ষম, কারণ তারা সে শিক্ষা নিয়ে আর নাই। তাই দুনিয়ায় এই অশান্তির জ্ঞাত তারাও বহুলাংশে দায়ী। তাদের এই অক্ষমতা এবং আদর্শচ্যুতির জ্ঞাত তাদেরকে অবশ্যই জবাব দিতে হবে আল্লাহর কাছে।

ইসলাম আজও অচল হয়ে যায় নাই—হতেও পারে না। এশী বিধান, তৌহীদের শিক্ষা কখনও অচল হবার নহে। সত্যিকার মুসলিমদের ইহাই

একমাত্র নির্ভরযোগ্য সম্পদ এবং ইহাই দুনিয়াতে স্থায়ী শান্তি স্থাপনের একমাত্র উপকরণ। এই উপকরণ ফেলে রেখে দুনিয়াতে শান্তি স্থাপনের সমস্ত প্রচেষ্টা এবং ব্যবস্থাই ব্যর্থতায় পর্যবসিত হতে বাধ্য। আমরা নিজেদের চোখের সামনে অনুরূপ প্রচেষ্টার ফলাফল দেখতে পাচ্ছি। পক্ষান্তরে ইসলামের শিক্ষা অবলম্বন করেই যে পূর্ণ শান্তি স্থাপন করা সম্ভবপর ও সহজসাধ্য ইতিহাসই তার জলন্ত প্রমাণ। সুতরাং সত্যিকার মুসলমানদের হাততাই রয়েছে শান্তি স্থাপনের অব্যর্থ ব্যবস্থা। প্রয়োজন হচ্ছে কেবল বিশ্বাসের সংগে এই শিক্ষাকে গ্রহণ করা এবং কর্মক্ষেত্রে ইহার প্রয়োগ।

দুনিয়ার মানুষকে সুখ ও শান্তির সঙ্গে পাখিব জীবন যাপনের ব্যবস্থা প্রদান এবং এই পাখিব জীবনের মাধ্যমে পরকালীন মুক্তি অর্জনের পন্থা শিক্ষা দিবার জ্ঞাতই দুনিয়াতে মুসলমানদের আগমন। পূর্বেই বলা হয়েছে, মুসলিম সমাজের এবং মুসলিম রাষ্ট্র সমূহের অস্তিত্বের ইহাই হচ্ছে মূল উদ্দেশ্য। কিন্তু এই উদ্দেশ্য সাধনের দিকে কারও বড় একটা লক্ষ্য নাই। অবশ্য এতটুকু অস্বীকার করার উপায় নাই যে, কেহ কেহ ব্যক্তিগত ভাবে এবং বেশ কিছু সংখ্যক লোক সংঘবদ্ধ ভাবে, জামায়াতবন্দির সঙ্গে ইসলামের কিছু কিঞ্চিৎ খেদমত করে যাচ্ছেন, কিন্তু তাদের প্রচেষ্টা প্রকৃত প্রস্তাবে কেবল মুসলমানদের মধ্যেই সীমাবদ্ধ। অমুসলমান জনসাধারণের মধ্যে ইসলাম প্রচারের কাজ কোথাও হচ্ছে না, হলেও তেমন সুপরিচালিতভাবে (organised way) চালিয়ে যাওয়া হচ্ছে না।

### ইসলাম প্রচারের উদ্দেশ্য

কিছু সংখ্যক লোককে ইসলাম ধর্মে দীক্ষা করাই ইসলাম প্রচারের আসল উদ্দেশ্য নয়। উদ্দেশ্য হলো আল্লাহর হিদায়তের বাণী, পবিত্র কোরআনের পয়গাম, ইসলামের মূল শিক্ষা প্রভৃতি দুনিয়ার মানব-মণ্ডলীর কাছে পৌঁছিয়ে দেওয়া, যেন প্রত্যেকেই নিজ নিজ জীবন সেই হিদায়তের আলোতে পরিচালিত করে ইহকালের শান্তি এবং পরকালের মুক্তি অর্জন করতে পারে। সুতরাং দীক্ষাই (Conversion)



মূল লক্ষ্য নহে, ইহা আসল লক্ষে উপনীত হবার পন্থা মাত্র—(The means to the end)। মুখ্য উদ্দেশ্য হলো ইহকাল ও পরকালের মঙ্গল, শান্তি এবং মুক্তি, যা হচ্ছে মানব জীবনের একমাত্র লক্ষ্য।

ইসলামের শিক্ষা অনুযায়ী ‘ফালাহ’ নাজাত (فلاح و نجات) কামিয়াবী এবং মুক্তি (Salvation) নির্ভর করে দুটি জিনিষের উপর। প্রথমটি হলো পূর্ণ বিশ্বাস (ঈমানে-কামেল ایمان کامل) এবং দ্বিতীয়টি হল নেক আমল বা ভাল-কর্ম (আমলে-সালেহ) (اعمال صالح)। ইহাই পবিত্র কোরআনের শিক্ষা, প্রেরণা এবং নির্দেশ। কোরআন পাকের বাশারত বা শুভ-সংবাদ তাদেরই জন্ত যারা পূর্ণ বিশ্বাসের সঙ্গে সংকর্ম করে যাচ্ছে। বার বার পবিত্র কোরআনে বিধোষিত হচ্ছে ‘সাফল্য তাদেরই জন্ত যারা ঈমান এনেছে এবং নেক কাজ করেছে—

ان الذين امنوا وعملوا الصالحات

দুনিয়ার মানবগোষ্ঠির শেষ পরিণতি যে কি, তাহা পবিত্র কোরআনের একটি ছোট্ট স্তরায় পরিষ্কার বলে দেওয়া হয়েছে।

“সমগ্র—কাল বা যুগ সাক্ষী, দুনিয়ার সমস্ত মানুষই ক্ষতিগ্রস্ত, (ধ্বংস-মুখী) কেবলমাত্র তারা ছাড়া যারা ঈমান আনে এবং ভাল কাজ করে এবং সত্য প্রচারে একে অপরের সাহায্য-সহযোগিতা করে এবং একে অপরের ধৈর্যধারণের উপদেশ-প্রেরণা দেয়।” (العصر) ১০০)

আখেরাতের শেষ পরিণতি অতি ভয়াবহ যাহা সৃষ্টিকর্তা প্রভু ওয়াহীর মাধ্যমে দুনিয়ার মানুষকে জানিয়ে দিচ্ছেন। এ ধরনের আরও অনেক সত্যকথা পবিত্র কোরআনে বিদ্যমান। এতে পরিষ্কার বুঝা যায় দুনিয়ার অতি অল্প সংখ্যক মানুষ এই ধ্বংস ও মহা ক্ষতি হতে রক্ষা পাবে। ইহা সামান্য বা সাময়িক ক্ষতি নহে। ইহা চিরস্থায়ী ও অপূরণীয় ক্ষতি এবং চিরন্তন ধ্বংস-লীলা যার কোনই প্রতিকার থাকবে না, যার কবল থেকে আর উদ্ধার নাই।

ويقول الكافر باليتى كنت ترابا  
“এবং (তখন) কাফের খেদের সঙ্গে বলবে ‘হায়! যদি বা মাটিই হয়ে যেতাম’”

কিন্তু এই আশাবাদ তখন আর পূর্ণ হবার নহে। আখেরাতে এই ভীষণ পরিণতির সত্যকথা পূর্ণ পরকালের উপর বিশ্বাসী জাতি মাত্রের জন্ত, বিশেষ করে কোরআনের উপর বিশ্বাসী মুসলিম জাতির জন্ত অতি গুরুত্বপূর্ণ এক হুশিয়ার বাণী। এই ধ্বংস হতে রক্ষার একমাত্র উপায়ই হলো ঈমানে কামেল। এবং ‘আমালে সালেহ’। জ্ঞান-বুদ্ধি বিবেচনা সম্পন্ন মানুষ মাত্রেরই কর্তব্য এই পথ অবলম্বন করে নিজেদেরকে ধ্বংস হতে রক্ষা করা। পরম করুণাময় প্রভু (রব্ব) তাঁর আদরের সেরা সৃষ্টি মানুষকে ডেকে বলছেন,

يا ايها الانسان ما غرك بربك الكريم

“হে মানুষ, তোমার মেহেরবান দয়ালু প্রভু হতে কে তোমাকে প্রবঞ্চনা ও ধোকা দিয়ে দূরে (সরিয়ে) রেখেছে?” ৮২ : ৬। কত স্নেহমাখা ও দরদপূর্ণ ডাক! কিন্তু অকৃতজ্ঞ মানুষের পক্ষ হতে সে ডাকে সাড়া কৈ? অথচ আমরা তাঁরই দান, তাঁরই দয়া, তাঁরই নেয়ামত ও মেহেরবানীতে চারিদিক থেকে পরিবেষ্টিত! এত তাঁর নেয়ামত যে তা গণনা করে শেষ করা যায় না। এর চেয়ে পরিতাপের বিষয়, আর কি হতে পারে যে, এই আশ্রাফুল মখলুকাৎ মানুষের একটা বড় অংশই কেবল প্রভুর অকৃতজ্ঞই নহে, এমনকি তাঁকে একেবারে অস্বীকার করে বসে আছে!

মহান সৃষ্টিকর্তা ও করুণাময় প্রভু আল্লাহতা’লা মানুষকে যে সমস্ত নেয়ামত দান করেছেন, তার মধ্যে একটি প্রেষ্ঠ নেয়ামত হলো তাঁর পরিপূর্ণ হিদায়ত—পূর্ণ ও সঠিক জীবন ব্যবস্থা। সমগ্র মানব জাতির সুখ, শান্তি এবং মঙ্গলের জন্তই তিনি এই হিদায়েত দান করেছেন যা অবলম্বন করে চললে মানুষ যে কেবল পাখির সুখ শান্তিই লাভ করতে পারে তাই নয় বরং পরবালীন মুক্তি (Salvation) অর্জন করে নিজেদেরকে পরলোকের ভয়াবহ ক্ষতি এবং ধ্বংসের কবল হতে রক্ষা করতে পারে। ইহা মানুষের উপর আল্লাহর একটি অশেষ মেহেরবানী এবং অতিরিক্ত অনুগ্রহ (additional favour)। যদিও জ্ঞান, বুদ্ধি ও বিবেচনা সম্পন্ন মানুষ আশ্রাফুল

মখলু'কাত—সৃষ্ট জগতের সেরা সৃষ্টি—তা'হলেও তাঁর শক্তি, ক্ষমতা, জ্ঞান, বুদ্ধি সমস্তই সৌমাবদ্ধ। যে জিনিষটিকে সে আজ সত্য বলে ধরে নিচ্ছে, হয়ত কালই আবার সেই জিনিষটিকে অসত্য এবং নিছক অপ্রকৃত বলে ঘোষণা করে দিচ্ছে। অপূর্ণ জ্ঞান-বুদ্ধির অধিকারী মানুষের জন্ত এটা অস্বাভাবিক কিছুই নয়। এহেন মানুষের নিজের মনগড়া সমাজ ব্যবস্থা এবং জীবন বিধান দোষত্রুটি মুক্ত এবং নিখুঁত হতে পারে না। আর সত্য কথা এই যে, এমন মনগড়া বিধান নিয়ে মানুষ কখনও সুখ শান্তিতে বসবাস করতে পারে নাই এবং পারবেও না। আজকের দুনিয়ার অধিকাংশ জাতিই নিজেদের তৈরী বিধান অবলম্বন করে শান্তির জীবন ধারণের চেষ্টা করে যাচ্ছে কিন্তু তাদের সফল প্রচেষ্টাই ব্যর্থতার পর্ববসিত হয়েছে এবং হতে বাধ্য। একমাত্র সেই বিধান বা হিদায়ত যা মহাপ্রজ্ঞাময় সৃষ্টিকর্তা প্রভু আল্লাহ নিজে তাঁর বান্দাদের জন্ত মনজুর করেছেন তাই নির্ভুল (perfect), স্বয়ং সম্পূর্ণ (Complete), চিরন্তন এবং সর্বাঙ্গ সুলভ। এই ঐশী বিধান অবলম্বন করেই যে সত্যিকার শান্তি এবং সুখ-স্বাচ্ছন্দ্যের জীবন যাপন করা সম্ভবপর, ইসলামের স্বর্ণ যুগে খুলাফায়ে রাশেদীনের ইতিহাস তার উজ্জ্বল প্রমাণ। এই বিধান বা হিদায়তই মুসলিম জাতির আদর্শ। কিন্তু অতি পরিতাপের বিষয় বর্তমান মুসলিম জাতীয় জীবনের সহিত এই হিদায়তের বড় একটা সম্পর্ক নাই। যে 'ইমানে-কামেল' এবং 'আ'মালে সালেহ' এট হিদায়তের মূল, তার সঙ্গে মুসলিম জীবনের সঘন ছিন্ন হয়ে গেছে। ইসলামী শিক্ষার মূল ভিত্তিই এদুটি মহামূল্যবান জিনিষ কিন্তু এর সঠিক ধারণাও আজ আমাদের নেই। তাই এ সঘন করেকটি কথা সংক্ষেপে লিপিবদ্ধ করলাম :— عقل مندر' اشاره بس امت بুদ্ধিমান ব্যক্তিদের জন্ত ইংগিতই যথেষ্ট।

এখন আমি আল্লাহর হিদায়ত বা ঐশী বিধান এবং তাঁর পাক-কালামের শিক্ষা প্রচারে আমাদের দায়িত্ব ও কর্তব্য সঘন করেকটি কথা বলব।

পূর্বেই বলা হয়েছে এ দায়িত্ব এবং কর্তব্য

সমবেত ভাবে মুসলিম সমাজ এবং মুসলিম রাষ্ট্রের। ইহা আমার নিজ মনগড়া উক্তি নয়। পবিত্র কোরআনের প্রত্যক্ষ নির্দেশ—উত্তি দিয়ে আমি দেখাব, ইহা আল্লাহর হুকুম। তাছাড়া আমাদের প্রিয় নবীও (সঃ) অনুক্রম নির্দেশ দিয়ে গেছেন। এই প্রসঙ্গে এই কথাটাও উল্লেখযোগ্য যে, ইসলামের একটি প্রাথমিক (elementary), মহান এবং উদার নীতি হলো, 'যা কিছু ভাল আমি নিজে পেয়েছি ত' অপরকেও দিতে লব, পৌছাতে হবে; সকলের মধ্যে বিলাতে হবে সেই শূভ জিনিষটি। ভাল জিনিষ নিয়ে কেবল নিজেই সুখী হলে চলবে না, বরং সমস্ত দুনিয়ার মানুষকে ইহা দ্বারা উপকৃত করতে হবে। আল্লাহর হিদায়ত এবং ইসলামের মহান শিক্ষার চেয়ে ভাল, আর কোন জিনিষই হতে পারে না। কারণ ইহা এমনিই নেয়ামত যা অবলম্বন করে মানুষ ইহকালীন ও পরকালীন উভয় বিধ মঙ্গল হাসিল করতে পারে। সুতরাং ইসলামের এই প্রাথমিক নীতি অনুসারেও আল্লাহর হিদায়ত এবং পবিত্র কোরআনের শিক্ষা সমস্ত দুনিয়ার মানুষকে বিতরণ করতে হবে—সকলকে আল্লাহর দিকে ডাকতে হবে। আল্লাহ বলছেন,

ومن احسن قولا ممن دعا الى الله وعلى صالحا وقال اننى من مسلمين .

কওল, (কল) বা কথার দিক দিয়ে তাঁর

চেয়ে ভাল কে হতে পারে যে (মানুষকে) আল্লাহর দিকে আহ্বান করে এবং সং কাজ করে এবং বলে সত্য সত্যই আমি মুসলমানদের মধ্যেই গণ্য—(আল্লাহর কাছে পূর্ণ আত্ম সমর্পণকারী) ?

(৪১: ৩৩)

এখন আসুন পবিত্র কোরআনের পরিষ্কার বিধানের দিকে। কেবল তিনটি উত্তি নিয়ে দেওয়া হচ্ছে :—

ان الذين يكتُمون ما اوتانا من البينات والهدى من بعد ما بينه للذسى الكتب اولئك يلعنهم الله ويلعنهم اللعنون، الا الذين

تَابُوا وَاصْلَحُوا وَبَيَّنُوا فَاُولَٰئِكَ اَتُوبُ عَلَيْهِمْ  
وَالِ التَّوْبُ الرَّحِيمُ •

১। যারা ঐ সমস্ত গোপন করে যাহা আমি পরিকার বিধান এবং হিদায়ত স্বরূপ নাযিল ( অবতীর্ণ ) করেছি—এর পর যে, ইহা মানুষেরই হিদায়েতের জন্ত কিতাবে পরিকার করে বলে দেওয়া হয়েছে, আল্লাহ তাদের ( গোপনকারীদের ) উপর লান'ত করেন এবং লান'তকারীরাও তাদের উপর লান'ত করেন! কিন্তু যারা তৌবা করেন, নিজেদের সংশোধন করেন এবং পরিকার ভাবে ( সেই গোপনকৃত তথ্য প্রকাশ ও ) প্রচার করেন—তাদের উপর আমি ক্ষমা পরবশ হই এবং আমিই সবচেয়ে বড় তৌবা গ্রহণকারী এবং মেহেরবান ( ২: ১৫২—১৬০ )

ان الذين يكتُمون ما اُنزل الله من الكتب  
ويشترون به ثمنا قليلا اولئك ما ياكلون في  
بطونهم الا النار ولا يكلمهم الله يوم القيمة  
ولا يزكّيهم . ولهم عذاب اليم، اولئك الذين  
اشترو الضلالة بالهدى والعذاب بالمغفرة فما  
اصبرهم على النار •

২। আল্লাহ কিতাব গ্রন্থ প্রভৃতি যাহা নাযিল করেছেন, যারা গোপন করে এবং তা অতি নগণ্য মূল্যের পরিবর্তে বিক্রয় করে ফেলে তারা তাদের উদর আগুন ছাড়া আরে কিছু দিবে পূর্ত করে না। আল্লাহ তাদের সঙ্গে কেয়ামতের দিন ( শেষ বিচারের দিন ) কথা বলবেন না এবং তাদের পবিত্র করবেন না, তাদের জন্ত রয়েছে অতি কষ্টকর শাস্তি। এরাই হিদায়েতের পরিবর্তে গুমরাহী এবং ক্ষমার পরিবর্তে শাস্তি কিনে নিয়েছে। দোষখের আগুনের প্রতি তাদের কি দুঃসাহস ( ২: ১৭৪ : ১৭৫ )

واذ اخذ الله ميثاق الذين اتوا الكتب  
لتبليهم بهن للناس ولا تكتُمواهن فنبهوه وراء  
ظهورهم واشتروا به ثمنا قليلا فبش ما يشترون

৩। এবং যখন আল্লাহ তাদের কাছ থেকে অঙ্গীকার গ্রহণ করলেন, যাদের কিতাব (ঐশী

গ্রন্থ) দেওয়া হয়েছে যে, নিশ্চয় তোমরা উহা (কিতাবের হিদায়ত) মানুষের জন্ত স্পষ্টভাবে প্রচার করে যাবে এবং উহা গোপন করবে না। কিন্তু তারা ইহা (সেই হিদায়ত) তাদের পিঠ পিছে নিক্ষেপ করে দিল এবং এর পরিবর্তে অতি অল্প মূল্য গ্রহণ করে নিল, কি জঘন্য ব্যবসাই না করে তারা!" ( ৩: ১৮৬ )

আল্লাহর কিতাব এবং তার হিদায়ত গোপন করা এবং এ সমস্ত স্পষ্টভাবে প্রচার না করা সম্বন্ধে এই তিনটি উদ্ভৃতিই যথেষ্ট। ইহুদী এবং খৃষ্টানগণ যারা যথাক্রমে ঐশী গ্রন্থ তৌরাত এবং ইঞ্জীলের ধারক এবং বাহকের দাবীদার তারা তাদের কিতাবের হিদায়ত গোপন করায় (এমন কি কিতাবের নির্দেশ পরিবর্তন করায়ও তারা সিক্তহস্ত ছিল) তাদের এই হিদায়ত গোপনজনিত বিচ্যুতির উল্লেখ করেই আল্লাহ পবিত্র কোরআনের মাধ্যমে মুসলমানদের সাবধান এবং সতর্ক করে দিচ্ছেন যেন তারাও ঐরূপ ব্যাধি গ্রস্ত হয়ে না পড়ে। কিন্তু যে আশঙ্কা প্রকাশ করা হয়েছিল তা বাস্তবে পরিণত হয়েছে। যে সমস্ত দোষ ইহুদী এবং নাছারা (খৃষ্টান) দের মধ্যে ঢুকে পড়েছিল ঠিক সে সমস্তই আরও ব্যাপক আকারে মুসলমানদের মধ্যে ঢুকে পড়েছে। দুনিয়ার বেশীর ভাগ মুসলমানই আজ কোরআনের শিক্ষা এবং হিদায়তের সঙ্গে অপরিচিত—হিদায়ত প্রচার করা তো দূরের কথা।

আমি একথা বলি না যে, দুনিয়ার সকল মুসলমানকে কেবল ইসলাম প্রচার নিয়েই থাকতে হবে। তবে ব্যক্তিগতভাবে সকলকেই ইসলামের পুরাপুরি শিক্ষা গ্রহণ করে সত্যিকার খাঁটি মুসলমান হতে হবে—নিজেরই মঙ্গলের জন্ত। সঙ্গে সঙ্গে নিজেদের মধ্য থেকে কিছু সংখ্যক লোককে এ মহান কাজের জন্ত নির্বাচিত করতে হবে, যারা সকলের পক্ষ থেকে এই কর্তব্য পালন করে যাবে। এ সম্বন্ধে পবিত্র কোরআনের পরিকার বিধান হচ্ছে,

ولتكمن منكم امة يدعون الى الخير  
ويامرون بالمعروف وينهون عن المنكر واولئك  
هم المفلحون •

“তোমাদের মধ্যে এমন একটি ‘জামআত’ থাকতে হবে যারা (মানুষকে) ভালর দিকে ডাকবে,—উত্তম কাজের হুকুম করবে, গহিত কার্য হতে বিরত রাখবে, তারাই হচ্ছে সফলকাম—কামীয়াব ৩ : ১০০।

প্রত্যেক মহল্লায়, প্রত্যেক সহরে তথাকার সকল মুসলিমকে মিলিত হয়ে কিছু সংখ্যক লোকের এমন একটি জামআত কায়েম করতে হবে যারা ইসলাম প্রচার, আল্লাহর দিকে জনগণকে ডাকা, ভাল কাজের প্রেরণা দেওয়া এবং অত্যাচার ও কুর্কম হতে মানুষকে বিরত রাখা, ইত্যাদি ইসলামী জনহিতকর কার্য করে যাবে। এই পদ্ধতিতে ইসলাম প্রচারের দায়িত্বপূর্ণ কার্য পরিচালনার ব্যবস্থা যদি করা না হয় তবে সমস্ত মুসলিম সমাজের প্রত্যেককেই এই কর্তব্য এবং দায়িত্ব প্রতিপালনে অবহেলার জন্ত দায়ী হতে হবে। শরীয়তের পরিভাষায় এই দায়িত্বকে ‘ফরজে কেফায়া’ বা representative responsibility বলা হয়।

কি সুলতানীয় সঙ্গত ঐশী বিধান! কিন্তু আজ মুসলিম জাহান এই বিধানটি পুরোপুরি লঙ্ঘন করে চলেছে। ফলে একদিকে সকল মুসলমানই এই অপরাধে অপরাধী—আল্লাহর কাছে তাদের জবাবদিহি করতে হবে, অপর দিকে ইসলামের শিক্ষা, ইসলামের আলো, ইসলামের হিদায়ত প্রচারের অভাবে দুনিয়ার মানুষের এক বিরাট অংশ পথভ্রষ্ট হয়ে যাচ্ছে। এই পরিস্থিতির জন্তও মুসলিম জাতিই প্রধানতঃ এবং প্রত্যক্ষভাবে দায়ী। কেবল তাই নয়, এমনও শূন্য যায়, হাজার হাজার মুসলিম ধর্মাস্তরিত হয়ে খৃষ্টান ধর্মে দীক্ষিত হয়ে যাচ্ছে। এ যে কত বড় সাংঘাতিক কথা, চিন্তা করলেও শরীর শিউরে উঠে। কোথায় অমুসলমান ইসলামের সুশীতল ছায়া তলে এসে নিজেদের পরিব্রাজনের পথ প্রশস্ত করবে, সে স্থানে ইসলাম ছেড়ে মুসলমানই বিধর্মী হয়ে যাচ্ছে! এর জন্ত শিক্ষিত মুসলিম সমাজ অধিকতর দায়ী। ইসলামের শিক্ষা প্রচারে অবহেলা এর অন্ততম কারণ। আবার ওদিকে খৃষ্টান মিশনগুলি তাদের রাষ্ট্র সমূহের পৃষ্ঠপোষকতায় এবং আর্থিক সাহায্যে এমন তৎপরতার

সঙ্গে তাদের বিকৃত এবং অচল ধর্মের প্রচার কাজ চালিয়ে যাচ্ছে এবং এতসব প্রলোভন জনসাধারণের সামনে তুলে ধরছে যে, দুঃস্থ, দরিদ্র, অশিক্ষিত এবং দুর্বল ব্যক্তিদের জন্ত সে লোভ স্বরণ করা সম্ভবপর হয়ে উঠেছে। ফলে তারা সেই মিশনারীদের শিকারে পরিণত হচ্ছে। মুসলিম সমাজ বা রাষ্ট্রের পক্ষ থেকে এ আক্রমণ প্রতিরোধ করার কোন ব্যবস্থা নাই। আল্লাহর পরিকার নির্দেশ থাকা সত্ত্বেও আমরা মুসলমানগণ সত্যসনাতন ধর্ম ইসলাম প্রচারের দায়িত্বে শৈথিল্য ও অবহেলা প্রদর্শন করে আসছি। এই শৈথিল্য ও অবহেলাই এই গুরুতর পরিস্থিতির প্রধান কারণ। এ মহা ক্রটির জন্ত আমরা আল্লাহর কাছে কি জবাব দিব, তা একবার ভাল করে চিন্তা করে দেখা প্রয়োজন নয় কি?

পবিত্র কোরআনের যে সব নির্দেশ, অতি সংক্ষেপে উপরে উদ্ধৃত করা হয়েছে তা থেকে আমাদের সতর্ক এবং হুশিয়ার হতে হবে এবং আমাদেরকে আল্লাহর হিদায়ত সমূহ নিজেদের গ্রহণ করতে হবে এবং সে সমস্ত হিদায়ত দুনিয়ার মানুষের কাছে পৌঁছাতে হবে। আমাদের প্রিয় নবী তাঁর সাহাবা, সহচর এবং সমুদয় উম্মতকে এই মহান কাজের জন্ত উদ্বুদ্ধ করে গেছেন এবং অসংখ্য নির্দেশ দান করে গেছেন। তাঁর ত্যাগ এবং সেবার শিক্ষা নিয়ে নবী করীমের সাহাবা ঐ সমস্ত নির্দেশ অক্ষরে অক্ষরে পালন করে গেছেন। আল্লাহ, রসূল এবং দীনে ইসলামের জন্ত তারা নিজ নিজ জান মাল অকুণ্ঠচিত্তে বিসর্জন দিতে বিন্দুমাত্রও দ্বিধাবোধ করেন নাই। ফলে ইসলাম দুনিয়াতে উন্নতির শীর্ষস্থান সধিকার করতে সক্ষম হয়েছিল। ইতিহাস ইহার অলস্ত প্রমাণ। আজ আমরা কোটি মুসলমান থাকা সত্ত্বেও মুসলিম জাহান দ্বিধাবিভক্ত, নিজীব, শক্তিহীন অপমানিত এবং অবহেলিত। আজ মুসলমানের হাতে ইসলাম এতীম। এর কারণ আর বলে দিতে হবেনা, যে সমস্ত আলোচনা উপরে হয়ে গেছে তাই এর জন্ত যথেষ্ট। কেবল চোখ খুলে দেখা দরকার। এখন প্রতিকারের ব্যবস্থা অবলম্বন করাই প্রধান কর্তব্য

( আগামীতে সমাপ্য )



## হাফিয্ ইব্ন কাসীর রহঃ

—আবুল কাসেম মুহাম্মদ হোসাইন বাসুদেবপুরী  
(পূর্ব প্রকাশিতের পর)

পহিশেষে ইহাও প্রকাশ করিয়া দেওয়া  
অবশ্যক যে, হাফিয ইবন কাসীরের স্বনামখ্যাত  
উস্তায ‘আল্লামা হাফিয ইবন তাইমিয়ার সহিত  
তঁাহার প্রগাঢ় সম্বন্ধ থাকার জ্ঞানহরণ  
ব্যাপারে ইবন কাসীরের চরিত্রের উপরে এই  
উসতাদের প্রভাব গভীর ছাপ অংকিত  
করা ছিল। তিনি অধিকাংশ মাসআলায়  
ইমাম ইবন তাইমিয়ার অনুসারী ছিলেন। ইব্ন-  
কাযী শহাব স্বীয় তবকাত (طبقات) গ্রন্থে  
লিখিয়াছেন :—

كان له خصوصية بآراء تيمية ومناظرة  
عند اتباع له في كثير من أرائه وكان يفتي  
برأيه في مسألة الطلاق والاعتق بسبب ذلك  
وأردى .

অর্থাৎ ইবন তাইমিয়ার সহিত তঁাহার খাছ  
সম্বন্ধ ছিল। তিনি ইবন তাইমিয়ার মতের  
সমর্থনে বিতর্ক করিতেন এবং তঁাহার বহু মত  
অনুসরণ করিতেন। তিনি তিন তালকের  
মাসআলাতে ইব্ন তাইমিয়ার মত অনুযায়ী  
ফৎওয়া দিতেন।<sup>৬</sup> এই হেতু, তঁাহাকে ভীষণ  
পরীক্ষার সম্মুখীন হইতে হয় এবং অপরিসীম  
নির্যাতন ভোগ করিতে হয়।

ইমাম ইব্ন কাসীর শেষ জীবনে দৃষ্টি শক্তি  
হারা হইয়া ফেঁসে। ৭৮৪ হিজরীর ২৬শে শাবান  
বৃহস্পতিবার এই মহাপুরুষ নশ্বর জগত হইতে

৬। ইমাম ইবন-তাইমিয়ার মতে যদি একই  
মজলিসে এক সঙ্গে তিন তালাক দেওয়া হয়, তবে  
উহা একই তালাক গণ্য হইবে।

চির বিদায় গ্রহণ করিয়া অনন্ত অমর ধামে যাত্রা  
করেন, (رحمة الله عليه) এবং দিমাশকের খ্যাতি  
কবরস্থান ‘মুফীয়াতে তঁাহার প্রিয় উস্তায  
শাইখু ইসলাম ইমাম ইব্ন তাইমিয়ার সমাধি  
পার্শ্বে সমাহিত হন।

তঁাহার মৃত্যুতে, তঁাহার কোন ভক্ত শিষ্য  
শোকোচ্ছ্বাসে যে হৃদয় বিদারক মর্সীয়া-গাথা  
লিখিয়া গিয়াছেন, তাহা হইতে দুইটি পংক্তি উদ্ধৃত  
হইল :

لفقدك طلاب العلوم تأسفوا  
وجاروا بدمع لا يبيد غزير  
ولو مرجوا ماء المدامع بالدماء  
لكان قليلا فذلك يا ابن كثير

তোমাং তিরোধানে বিদ্যার্থীগণ হা ছত্ৰাশ  
করিল, এবং এত অধিক অশ্রু বর্ষণ করিতে  
লাগিল যে, তাহা বিছুতেই রোধ হইতেছে  
না। তাহারা যদি ঐ অশ্রু বারীর সহিত  
শোণিত মিশ্রিত করিয়া দিত তবুও, হে ইব্ন  
কাসীর! উহা তোমার ব্যাপারে খুব সামান্য  
বলিয়া গণ্য হইত।

ইমাম ইব্ন কাসীরের উত্তরাধিকারীর মধ্যে  
দুই পুত্র-রত্ন জগতে খ্যাতি অর্জন করিয়া  
গিয়াছেন। একজন বাইমুদ্দীন আবদুর রহমান  
(৭২৯ হিঃ সনে মৃত্যু) এবং দ্বিতীয় পুত্র  
বদরুদ্দীন আবুল বাক্বা মুহাম্মদ—(অতি উচ্চ  
শ্রেণী মুহাদিস, ৮০৩ হিজরী সালে রমলা নামক  
স্থানে ইশ্বেকাত করেন)। হাফিয ইব্ন ফহদ  
তঁাহার পুত্র গ্রন্থে এই দুই মহাত্মার জীবনী বর্ণনা  
করিয়াছেন।

## ইবন কাসীরের গ্রন্থসমূহ

ইমাম ইবন-কাসীর তাঁহার স্মৃতির নিদর্শন স্বরূপ পৃথিবীর বুকে যে সমস্ত অমূল্য সম্পদ রাখিয়া গিয়াছেন, তন্মধ্যে তাঁহার রচিত তফহীর, হাদিছ, ছিরত ও ইতিহাস গ্রন্থগুলি সকলের নিচে বিশেষ সমাদৃত ও গ্রহণীয় হইয়াছে। ঐতিহাসিকগণ তাঁহার ইতিহাস-সম্বন্ধীয় তসনী-ফাতের ভূয়সী প্রশংসা করেন। স্বনামখ্যাত আল্লামা ইমাম যহবী (রহঃ) লিখিতেছেন—  
 سادت تصانيفه في البلاد في حياته و انتفع الناس بها بعد وفاته .

হাফিয ইবন হজর (রহঃ) লিখিতেছেন—  
 سادت تصانيفه في البلاد في حياته و انتفع الناس بها بعد وفاته .

তাঁহার জীবদ্দশাতেই তাঁহার গ্রন্থসমূহ বিভিন্ন নগরে শ্রেষ্ঠ স্থান অধিকার করিয়া বসিয়াছিল এবং তাঁহার মৃত্যুর পর লোক তাহা দ্বারা উপকৃত হইতেছে।

ইমাম শওকানী লিখিতেছেন—  
 وقد انتفع الناس بتصانيفه لاسيما التفسير

ফাত দ্বারা বিশেষতঃ তফসীর দ্বারা লোক উপকৃত হইয়াছে।

আমরা তাঁহার রচিত গ্রন্থসমূহের যতগুলি সন্ধান পাইয়াছি তাহার তালিকা নিম্নে প্রদত্ত হইল।

তফসীর القرآن الكريم ১।  
 কুরআনিল্ কারীম।

এই বিখ্যাত গ্রন্থখানি সম্বন্ধে হাফেজ সুযুতী (রহঃ) লিখিতেছেন—  
 “এই ধরনের অপর কোন তফসীর লিখিত হয় নাই।”

মুহাদ্দিস কাওসরী লিখিতেছেন—  
 هو من أيد كتب التفسير بالرواية  
 যে সকল তফসীর গ্রন্থ লিখিত হইয়াছে তন্মধ্যে

ইহা সর্বাধিক উপকারী।” আল্লামা কাযী শওকানী লিখিতেছেন—

وقد جمع فيه فروع وفصل المذاهب والأخبار والآثار وتكلم بأحسن كلام وانفسه

“এই গ্রন্থে তিনি রিওয়ায সংগ্রহ করিতে গিয়া পূর্ণভাবে উহা সংগ্রহ করিয়াছেন; বিভিন্ন মজহাব ও মতবাদ, হাদীস ও সাহাবা-তাবি-উনের উক্তি উদ্ধৃত-করিয়াছেন এবং অতিউত্তম ও সুন্দর আলোচনা বিবৃত করিয়াছেন।”

গ্রন্থখানির বিশেষত্বঃ—তফসীরুল কুরআনের মূল নীতির অনুসরণে সর্বপ্রথমে অপরাপর আয়াতের আলোকে তফসীর করা হইয়াছে। অতঃপর মুহাদ্দিসদের বিখ্যাত গ্রন্থসমূহে ঐ বিষয়ে যে সমস্ত হাদীস বর্ণিত হইয়াছে, তাহা উদ্ধৃত করিয়া প্রয়োজনবোধে উক্ত হাদীসের সনদ ও রিজাল সম্বন্ধে আলোচনা করা হইয়াছে। পরে সাহাবা ও তাবি-উনের উক্তি ও আমল সন্নিবেশিত করা হইয়াছে। এতদ্ব্যতীত তফসীর ও ইতিহাস গ্রন্থ হইতে ইসরাইলী রিওয়াতগুলি বাছিয়া লইয়া উহা পৃথক করিয়া দেখান হইয়াছে।

এইরূপ দুর্লভ ও গুরুত্বপূর্ণ কার্য সমাধার জন্য বাস্তবিকই তাঁহার শ্রায় যোগ্য ও দূরদৃষ্টি সম্পন্ন মুহাদ্দিসেরই আবশ্যক ছিল। “আল্হামদুলিল্লাহ্”, ইমাম ইবন কাসীর (রহঃ) তাঁহার জীবন ব্যাপী সাধনার অমৃত ফল স্বরূপ উহা সু-সম্পন্ন করিয়া দিয়া জগতের অসীম কল্যাণ সাধন করিয়া গিয়াছেন।

এই বিরাট গ্রন্থখানি মিছরে ১৩০১ হিঃ সালে স্বনাম খ্যাত আল্লামা নওয়াব সিদ্দীক হাসান খাঁ মরহুমের তফসীর ফতুল্‌ল বয়ানের হাশিয়ায় মুদ্রিত হইয়াছে। এতদ্ব্যতীত আল্লামা বাগাবীর (মৃঃ ৫১৬ হিঃ) তফসীর মা’আলিমুত্‌তানযীলের হাশিয়াতেও ইহা ছাপাইয়াছে।

২। البداية والنهاية “আল-বিদায়া ওন-নিহায়া” ইবন কসীর সঙ্কলিত এই বিরাট ইতিহাস গ্রন্থখানি তাঁহার এক অমূল্য অবদান। ইহা মিসর হইতে মুদ্রিত হইয়া প্রকাশ লাভ করিয়াছে। ইহাতে প্রাথমিক যুগ হইতে আরম্ভ করিয়া শেষ যুগের অবস্থা পর্যন্ত লিপিবদ্ধ করা হইয়াছে। প্রথমে সময়স্বরগণের এবং বিগত উন্নতগণের বিবরণ দিয়া তারপরে সীরাত-নববী সঃ এর বিবরণ দেওয়া হইয়াছে। অতঃপর খিলাফাত রাশেদা হইতে আরম্ভ করিয়া গ্রন্থকারের যুগ পর্যন্ত বিস্তৃত ঐতিহাসিক তথ্যসমূহ সুবিস্তৃতভাবে লিপিবদ্ধ করা হইয়াছে। তৎসঙ্গে কিয়ামতের আলামত সমূহ এবং পরকালের অবস্থাদিও বিশদভাবে বর্ণিত হইয়াছে। বিখ্যাত কাশফুয্ যুনুন গ্রন্থে রহিয়াছে—

اعتمد في لقله على النص من الكتاب  
والسنة لى وقائع الالوف السالفة وميز بين  
الصحيح والسقيم والخبر الاسرائيلى وغيره

পূর্বকালের হাযার হাযার বৎসরের ঘটনাবলীর বিবরণ সম্পর্কে কিতাব ও সুমাহর বর্ণনার উপর নির্ভর করা হইয়াছে, এবং সহীহ, যঈফ ও ইসরাঈলীয় রেওয়াজত গুলিকে পৃথক করিয়া দেখান হইয়াছে।

ঐতিহাসিক তগয়ী বরদী এই গ্রন্থ সম্বন্ধে লিখিতেছেন—

هو من غايه الجوده  
“এই গ্রন্থখানি অত্যন্ত উৎকৃষ্ট গ্রন্থ”।

এই গ্রন্থের সীরাত-নববী অংশ অত্যন্ত সুন্দর ও উত্তমভাবে লিখিত হইয়াছে। এই গ্রন্থে হাফিয ইবন কাসীর তাঁহার ইনতিকালের দুই বৎসর পূর্ব পর্যন্ত সংঘটিত ঘটনাবলী বিশদভাবে বর্ণনা করিয়াছেন। বুখারীর ভাষ্যকার আল্লামা বদরুদ্দীন মাহমুদ ‘আইনী রচিত তারীখ গ্রন্থ

খানির অধিকাংশই এই গ্রন্থের উপর নির্ভর করিয়া লিখিত হইয়াছে। হাফিয ইবন হজর এই গ্রন্থের একখানি সংক্ষিপ্ত সংস্করণ প্রণয়ন করেন।

৩। التكميل في معرفة الثقات والضعفاء. “আত-তাক-মীল-ফীমা-রিফাতিশ-সিকাতি ওয-যু-আফা’ ওল-মাজাহীল”। “কাশ-ফুয্ যুনুন” প্রণেতা এই গ্রন্থখানির নাম التكملة في أسماء الثقات والضعفاء উল্লেখ করিয়াছেন।

কিন্তু স্বয়ং গ্রন্থকার তাঁহার ‘আল বিদায়া ওন-নিহায়াতে’ এবং ‘ইখতিসার ‘উলুমিল হাদীস’ গ্রন্থে উপরোক্ত নাম লিখিয়াছেন। গ্রন্থ খানির নাম হইতে তাহার বিষয় বস্তু প্রকটিত হইতেছে। ইহা রিজাল শাস্ত্রের একখানি নির্ভরযোগ্য গ্রন্থ। হাফিয জসাইনীর মতে ইহার পাঁচটি খণ্ড রহিয়াছে। গ্রন্থকার স্বয়ং তাঁহার এই গ্রন্থ সম্বন্ধে বলেন, هو الفع شئى للفتية البارع وكذلك للمحدث “গ্রন্থ খানি যেমন অভিজ্ঞ ফকীহের জ্ঞান উপকারী তদ্রূপ মুহাদ্দিসের জ্ঞানও উপকারী”।

الهدى والسنن في احاديث المساليد 8  
والسنن .

‘আল-হাদযু অস-সুনান ফী আহাদীসিল মসানীদে অস-সুনান। এই গ্রন্থখানি المساليد নামে বিখ্যাত। ইহাতে মুসনাদ আহমদ ইবন হামবল, মুসনাদ বায্‌যার, মুসনাদ আবু-যা‘লা, মুসনাদ ইবন-আবী শাইবা এবং সিহাহ-সিত্তার রিওয়াত গুলিকে একত্র করিয়া বিভিন্ন অধ্যায়ে বিস্তৃত করা হইয়াছে।

মুহাদ্দিস কওসরী লিখেন: هو من الفع كتبه  
এই গ্রন্থখানি গ্রন্থকারের অত্যন্ত উপকারী গ্রন্থ-গুলির অন্যতম। ইহার হস্ত-লিখিত একটি কপি মিসরের ‘দারুল কুতুবিল মিসরিয়ায় মওজুদ রহিয়াছে।

৫। طبقات الشافعية “তাবাকাতুশ্ শাফি ‘ঈয়াহ’। এই গ্রন্থে শাফি‘ঈ ফকীহদের বিবরণ লিখিত হইয়াছে। ইহার হস্তলিখিত একটি কপি শাইখ মুহাম্মাদ ইবন আবদুর রশ্বাক হাম্বা, শাইখ হুসাইন বাস্লামার নিকট প্রত্যক্ষ করিয়াছেন।

৬। مناقب الشافعي ‘মনাকিবুশ্ শাফি‘ঈ’ উক্ত রিসালায় ইমাম শাফি‘ঈ’র অবস্থা বর্ণিত হইয়াছে। গ্রন্থকার তাঁহার বিখ্যাত “আল-বিদায়া ওয়ান্নিহায়া” গ্রন্থে ইমাম শাফি‘ঈ’র বিবরণ দিতে গিয়া এই রিসালার উল্লেখ করিয়াছেন। ইহার হস্তলিখিত কপিখানি ‘তাবাকাতুশ্ শাফি‘ঈয়া’র সহিত সংযুক্ত রহিয়াছে। “কাশ-ফুয-যুনুন” প্রণেতা এই রিসালা খানির নাম ‘الواضح النفيس في مناقب الامام ابن ادريس’ “আল ওয়াযিহুন নাফীস ফী মনাকিবিল ইমাম ইবনি ইদরীস” লিখিয়াছেন।

৭। تخریج احادیث ادلة التبيين “তায়-রিজ আহাদীস আদিল্লাতিৎ তমবীহ।’

৮। تخریج احادیث مختصر ابن الحاجب “তায়-রীজ আহাদীস মুখতাসার ইবনুল হাজ্বি।’ গ্রন্থকার পাঠ্যাবস্থায় “তমবীহ” ও “মুখতাসার” উভয় গ্রন্থ কণ্ঠস্থ করিয়াছিলেন।

৯। شرح شرح সহیح بخاری “সহীহ বুখারী”। গ্রন্থকার এই গ্রন্থের প্রণয়ন কার্য আরম্ভ করিয়াছিলেন, কিন্তু সম্পূর্ণ করিতে পারেন নাই। গ্রন্থকার তাঁহার ইখতিসার উলুমিল হাদীস গ্রন্থে ইহার উল্লেখ করিয়াছেন।

১০। الاحكام الكبير “আল-আহকামুল কাবীর” এই গ্রন্থ খানিতে তিনি আহকামের হাদীস-সমূহ বিস্তারিত ভাবে লিখিতে আরম্ভ করিয়া কিতাবুল হজ্জ পর্যন্ত লিখিয়াছিলেন—সম্পূর্ণ করিতে পারেন নাই। গ্রন্থকার “ইখতিসার

‘উলুমিল হাদীস’ গ্রন্থে ইহার উল্লেখ করিয়াছেন।

১১। اختصار علوم الحديث “ইখতি-সার ‘উলুমিল হাদীস’। ‘আল্লামা নওয়াব সিদ্দিক হামান খাঁ মরহুম তাঁহার “মিন-হাজুল উসূল ফী ইস্তিলাহি আহাদীসির রসূল” গ্রন্থে ইহার নাম “الباعث بالبحث على معرفة علوم الحديث” বা ‘ইমুল হাসীস ‘আলা মা’রিকাতে ‘উলুমিল হাদীস’ লিখিয়াছেন। ইহা আল্লামা ইবনুস সলাহ (মৃ: ৬৪৩ হি:) লিখিত বিখ্যাত ‘উসূলুল হাদীসের’ কেতাব ‘উলুমুল হাদীহ’ ওরফে ‘মুকাদ্দিমা ইবনুস সলাহ’ مقدمه ابن الصلاح গ্রন্থের সংক্ষিপ্ত সংস্করণ। গ্রন্থকার ইহার স্থানে স্থানে বহু ভ্রাতব্য বিষয় বিস্তারিত ভাবে বর্ণনা করিয়াছেন। হাফিয ইবনে হজর (রা:) এই গ্রন্থ সম্বন্ধে লিখিয়াছেন—“وله في-ه فوائد” “ইহাতে বহু উপকারী বিষয় রহিয়াছে।”

১২। مسند الشيخين “মুসনাদুশ্ শাই-খাইন’। ইহাতে হযরত ‘আবুবকর (রা:) ও হযরত ‘উমর রা: হইতে বর্ণিত হাদীসসমূহ সংগৃহীত হইয়াছে।

গ্রন্থকার, ইখতিসার ‘উলুমিল হাদীস’ গ্রন্থে তাঁহার অপর একখানি مسند عمر “মুসনাদ উমর” নামীয় গ্রন্থের উল্লেখ করিয়াছেন। ইহা একখানি স্বতন্ত্র গ্রন্থ অথবা এই গ্রন্থের দ্বিতীয় খণ্ড বিশেষ, তাহা আবগত হওয়া যায় না।

১৩। السيرة النبوية ‘আস-সীরাতুন নববী-য়াহ’। ইহা সীরাতি নববীর একখানি বৃহৎ ও উৎকৃষ্ট গ্রন্থ।

الفصل في اختصار سيرة الرسول ১৪। “আল-ফুসূল ফী ইখতিসারি সীরাতির রসূল।” হযরত সাঃর একখানি সংক্ষিপ্ত জীবনী গ্রন্থ। গ্রন্থকার স্বীয় তফসীর গ্রন্থে সূরা আল-আহযাবে খন্দক যুদ্ধের বর্ণনা প্রসঙ্গে এই গ্রন্থের উল্লেখ

করিয়েছেন। ইহার হস্তলিখিত একখানি কপি মদীনা মুনওওয়ার শাইখুল ইসলাম সুলতান রকিত আছে।

১৫। كتاب المقدمات “কিতাবুল মুকদ্দিমাত”। গ্রন্থকার ‘ইখতিসার’ গ্রন্থে ইহার উল্লেখ করিয়েছেন।

১৬। مختصر كتاب المدخل للبيهقي “মুখতাসার, কিতাবুল মদখল-লিল-বাইহাকী”। ইহার নাম গ্রন্থকার ইখতিসার গ্রন্থের ভূমিকায় উল্লেখ করিয়েছেন।

১৭। الاجتهاد في طلب الجهاد “আল-ইজতিহাদ ফীতলবিলা জিহাদ”। যে সময়ে খৃষ্টানগণ ‘আয়াস’ দুর্গ অবরোধ করে সেই সময়ে তিনি এই পুস্তিকা খানি আমীর মনজাকের

জন্ম লিখিয়াছিলেন। ইহা মিসর হইতে মুদ্রিত হইয়া প্রকাশ লাভ করিয়াছে।

১৮। رسالتي فضائل القرآن “রিসালা ফী ফায়ায়িলিল কুরআন”। ইহা মিসরের আল-মানার প্রেসে তাফসীর ইবন কাসীরের সহিত মুদ্রিত হইয়া প্রকাশিত হইয়াছে।

১৯। مسند امام احمد “মুসনাদ ইমাম আহমদ”। ইমাম আহমদ ইবন হাম্বলের মুসনাদ গ্রন্থ খানিকে বর্ণমালার তরতীবে সাজাইয়া এবং তাহার সহিত ইমাম তাবরানীর মুজাম ও আবু য়া’লার মুসনাদ হইতে অতিরিক্ত হদীস-গুলি উহার মধ্যে সন্নিবেশিত করিয়া এই গ্রন্থ-খানি সঙ্কলিত হইয়াছে।



## লাল বেগী

—আবদুল নজিম চৌধুরী

মেথরদের একটা উপ-সম্প্রদায়ের নাম 'লালবেগী'। তাহারা উর্দু ভাষায় কথা বলে। তাহাদের কথা ভাষার সহিত উত্তর ভারতের উর্দু ভাষার যথেষ্ট মিল রহিয়াছে। লালবেগীগণ মেথরদের সহিত একত্র বসবাস করা সত্ত্বেও পোষাক পরিচ্ছদে, বসবাসের কায়দায় এবং খাওয়া দাওয়া ব্যাপারে মুসলমানদের সহিত তাহাদের যথেষ্ট সাদৃশ্য রহিয়াছে। মেথরগণ শূকর পালন করে এবং শূকরের মাংস খায় কিন্তু লালবেগীগণ শূকর পালন করে না এবং শূকরের মাংস খাওয়া তাহাদের জন্য নিষিদ্ধ। শূকরের মাংসের গ্রাস মদ পান করাও লালবেগীগণের মধ্যে সাধারণ ভাবে নিষিদ্ধ।

লালবেগী মেয়েদের পোষাক এবং তাহা পরিধানের কায়দা অনেকটা মুসলমান মেয়েদের মত। লালবেগী স্ত্রীলোকগণ মেথর স্ত্রীলোকদের তুলনায় অধিকতর পর্দাশীলা। লালবেগী স্ত্রীলোকদের কেহ কেহ ইদানীং রাস্তা পরিষ্কারের কাজ করিতে আরম্ভ করিয়াছে কিন্তু তাহাদের অধিকাংশই এখনও মুসলমান স্ত্রীলোকদের মত গৃহে বাস করিয়া সংসার কর্ম সম্পন্ন করিতে অভ্যস্ত।

ধর্ম ব্যাপারেও মেথরদের সহিত লালবেগীদের কোন মিল নাই। মেথরগণ হিন্দুদের স্মরণ নানা দেবদেবীর উপাসনা করে কিন্তু লালবেগীগণ কোন দেবদেবীর উপাসনা করে না। মেথরদের মধ্যে প্রচলিত পর্ব দোল ও দেওয়ালীর বাহ্যিক আচার ইদানীং লালবেগীগণের মধ্যে প্রচলিত হইতে দেখা গেলেও ঈমান ও আকীদা ব্যাপারে মেথরদের সহিত তাহাদের

কোন মিল দেখা যায় না। মেথরদের পক্ষায়েত হইতে লালবেগীগণের পক্ষায়েত সম্পূর্ণ পৃথক। মেথরদের সহিত একত্র বসবাস করিলেও লালবেগীগণ বিবাহ-শাদী ও সামাজিকতা বিষয়ে মেথরগণ হইতে ভিন্ন। লালবেগীগণ মেথরগণ একই বস্তিতে বাস করা সত্ত্বেও এবং একই পেশায় নিযুক্ত থাকা সত্ত্বেও তাহারা পরস্পর একত্র পৃথক কেন এবং মুসলমানদের সহিত লালবেগীদের এতটা মিল থাকার কি কারণ হইতে পারে? এ প্রশ্নের উত্তরে একথাই বলা যাইতে পারে যে, লালবেগীগণ সম্ভবতঃ পূর্বে মুসলমান ছিল। কালের গতিতে আজ তাহারা ধর্মহারা।

ত্রিশ বৎসর পূর্বেও লালবেগীগণ যে মুসলমান ছিল ইহার প্রমাণ পাওয়া যায়। এ প্রসঙ্গে ১৯৩৪ ইং সালের কোন এক সময় কলিকাতার বালিগঞ্জ মসজিদে মরহুম আল্লামা আবুল কালাম আযাদের প্রদত্ত একটি খুতবার উল্লেখ করা চলে। মাক্তাবায়ে মাহওল্ করাচী হইতে ১৯৬১ সনে প্রকাশিত, জনাব আনওয়ার আরেক কর্তৃক সম্পাদিত "আযাদ কি তাকরীরে" নামক পুস্তকের ২৪ পৃষ্ঠায় 'মুসাযত কী হাকীকত' সম্বন্ধে মরহুম আল্লামার যে খুৎবা উল্লিখিত হইয়াছে তাহাতে এই বিষয়ে বলিতে গিয়া মরহুম আল্লামা বলেন,

"বিরাদরান, গতকল্য সকালে একদল লোক আমার নিকট আসিয়াছিলেন। তাহারা নিকটেই বাস করেন। তাহারা আমাকে একটি বিষয় সম্বন্ধে শরীয়তের মসআলা জিজ্ঞাসা করেন। আমি তাহার জবাব দিলে তাহারা বিদায় হইয়া যান।

তাহারা বলেন, “আমরা লালবেগী সম্প্রদায়ের লোক। ভারতের সর্বত্রই আমাদের সম্প্রদায়ের লোক রহিয়াছে। রাস্তা ও গৃহ পরিকার করা আমাদের পেশা ও জীবিকার উপায়। আমরা মুতকে ইসলামী মতে গোসল দেই এবং তজ্জাহীয-তরফান করি। শিশুর জন্মকালে আমরা মুসলমানদের মতই আচরণ করি। যদিও আমরা নামায রোযা কম আদায় করি কিন্তু নামায রোজায় আমাদের পূর্ণ বিশ্বাস আছে। মুসলমান সাধারণের মত আল্লাহ ও রসূলের প্রতি আমাদেরও পরিপূর্ণ ঈমান রহিয়াছে। এতদসহেও মুসলমানগণ আমাদেরকে অস্পর্শ মনে করে। আমাদের নীচ বলিয়া ধারণা করে এবং আমাদেরকে ঘৃণা করে। আমাদের এক ব্যক্তি ইদানিং স্থানীয় হোটেলে চাপান করিতে যায়। দোকানদার তাকে চিনিত না। সে চাপান করিয়া পয়সা দিয়া চলিয়া আসে। তৎপর স্থানীয় যে সকল মুসলমান তাহাকে চিনিত তাহাদের কেহ কেহ দোকানদারের নিকট কৈফিয়ত তলব করে এবং দোকান বয়কট করিবে বলিয়া দোকানদারকে ভয় দেখায়। দোকানদার আমাদের সদস্যের নিকট আসে এবং আমাদের ঐ ব্যক্তিকে সঙ্গে করিয়া লইয়া যায়। আমাদের কয়েকজন লোক তাহার সাথে গিয়াছিল। সেখানে প্রকাশ্যে আমাদের গাল-মন্দ করা হয় এবং আমরা ক্ষমা ভিক্ষা করিয়া রক্ষা পাই। যে পেয়ালাতে আমাদের ঐ লোকটা চাপান করিয়াছিল তাহা ভাঙ্গিয়া ফেলা হয় এবং পেয়ালার দাম আমাদের নিকট হইতে আদায়

করা হয়। দোকানের সমস্ত বাসন-পসলা ধোত করা হয় এবং হোটেলটিও ধোলাই করা হয়। দোকানদার অপর একপ ভল করিয়া না—এয়াদা করিয়া তবে রক্ষা পায়।” লালবেগীগণের ধর্ম সম্বন্ধে মরহুম আল্লামার এই খোতবা একটি মূল্যবান প্রামাণ্য দলীল।

কেহ কেহ মনে করেন যে, লালবেগীগণ শিখ জাতির একটা বিচ্ছিন্ন অংশ। কিন্তু তাহাদের মধ্যে প্রচলিত হারাম হালাল দ্বারা স্পষ্ট প্রতীয়মান হয় যে, তাহারা শিখ জাতির বিচ্ছিন্ন অংশ নহে। বিশেষতঃ শিখ জাতির অবশ্য করণীয় কাজের কোন কিছুই লালবেগীগণের আচরণে পাওয়া যায় না।

১৮৫৭ সালের পূর্বে ইতিহাসের পাতায় লালবেগীদের কোন উল্লেখ পাওয়া যায় না। পূর্ব পাকিস্তানের রাজধানী ঢাকা শহরে বহুদিন যাবৎ লালবেগী সম্প্রদায় বাস করিতেছে। ১৮৪০ সালে প্রকাশিত টেইলর সাহেবের বিখ্যাত ইতিহাস গ্রন্থ “টপগ্রাফী এণ্ড ফাটোষ্টিক অব ঢাকা” নামক পুস্তকে হিন্দু মুসলমান উভয় জাতির বিশদ বিবরণ সহ উভয় জাতির বিভিন্ন সম্প্রদায় ও উপসম্প্রদায়ের নাম ও পরিচয় দেওয়া হইয়াছে। কিন্তু তাহাতে “লালবেগী” নামের উল্লেখ পাওয়া যায় না। পরবর্তী কালে ১৯১০ খৃষ্টাব্দে প্রকাশিত কেদার নাথ মজুমদারের “ঢাকার বিবরণ” নামক পুস্তকে মুসলমানদের মধ্যে “লালবেগী” নামে একটা সম্প্রদায়ের উল্লেখ দেখা যায়।

ইহা হইতেও প্রমাণিত হয় যে, “লালবেগী” মূলতঃ মুসলিম জাতি। ইহা হইতে অনুমান করা



যাইতে পারে যে, সম্ভবতঃ ১৮৫৭ সালের ইন-  
কিলাবের পরে 'লালবেগী' সম্প্রদায়ের আবির্ভাব  
হইয়াছে।

১৮৫৭ সালের আযাদী যুদ্ধে পরাজিত  
মুসলমান জাতির প্রতি বিজয়-উন্নত ইংরাজগণ  
যে বর্বর আচরণ করিয়াছিল তাহার কতক অংশ  
ইতিহাসের পৃষ্ঠায় বিদ্যমান রহিয়াছে। ১৮৫৭  
সালের আযাদী আন্দোলনের প্রতিশোধ গ্রহণ  
করিতে গিয়া ইংরাজগণ মুসলমানদিগকে পাইকারী  
ভাবে সরকারী চাকুরী হইতে বরখাস্ত করে।  
মুসলমানদের ধন সম্পত্তি বাজেয়াপ্ত করে।  
মুসলমান সমাজের নেতৃস্থানীয় বহু ব্যক্তিকে ফাঁসি  
দেওয়া হয় অথবা দ্বীপান্তরে পাঠান হয়। কোন  
কোন এলাকায় মুসলমান বাসিন্দাকে জম্মভূমি  
ত্যাগ করিতে বাধ্য করিয়া ছিন্ন ভিন্ন করিয়া  
দেওয়া হয়। এই ইনকিলাবের ঘৃণি-বাত্যায়  
সম্ভবতঃ লালবেগীগণ ও তাহাদের মাতৃভূমি উত্তর  
ভারতের কোন অংশ হইতে বিচ্ছিন্ন হইয়া পড়ে  
এবং রাজনৈতিক ও অর্থনৈতিক চাপের দরুণ  
মেথরের পেশা গ্রহণ করিতে বাধ্য হয়। পেশার  
খাতিরে তাহারা মেথরের সাহচর্য্যে আসে এবং  
মেথর বস্তিতে বাস করিতে আরম্ভ করে। প্রথম  
দিকে ধর্মের প্রতি অসুষ্ঠু বিশ্বাস থাকায় তাহারা  
মুসলমানরূপেই জীবন যাপন করিতে থাকে।  
পরবর্তী কালে পেশার খাতিরে ধীরে ধীরে মুসল-  
মান সাধারণ হইতে বিচ্ছিন্ন হইয়া মেথরের সহিত  
ঘনিষ্ঠতায় আবদ্ধ হয়। মুসলমানগণ লালবেগী-  
দিগকে তাহাদের পেশার জন্ত মেথর বলিয়া  
নাম করিতে থাকে এবং তাহাদের সহিত সংশ্ল

ভিন্ন করিয়া বসে। ক্রমে ক্রমে লালবেগীগণ  
মুসলমান সমাজ হইতে বিচ্ছিন্ন হইয়া মেথরদের  
মধ্যে একটি উপ সমপ্রদায়ে পরিণত হয়। মরহুম  
আল্লামা আবুল কালাম আযাদের খুতবা ইহার  
প্রকৃষ্ট প্রমাণ।

বর্ণিত ঘটনার পরিপ্রেক্ষিতে চিন্তা করিলে  
'লালবেগী' নামের ইতিহাস খুঁজিতে বেগ পাইতে  
হয় না। ১৮৫৭ সালের বিচ্ছিন্নতার পর তাহারা  
লোক সমাজে সম্ভবতঃ "আল-বাগী" বা বিদ্রোহী  
দল বলিয়া পরিচিত হয় এবং উহাই কালক্রমে  
পরিবর্তিত হইয়া 'লালবেগী' হইয়াছে। পূর্ব  
পাকিস্তানের বড় বড় শহরে মেথরদের সহিত  
আজও লালবেগী সম্প্রদায় বসবাস করিতেছে।  
ইসলামের এই হারান মেঘ আবার দলে ফিরিবে  
কি না কে জানে?

ইংরাজ রাজত্বের শেষ ১৯৪৭ সালে প্রাপ্ত  
বাঙ্গলাদেশে বিশেষ করিয়া পূর্ব পাকিস্তান এলাকায়  
ভীষণ দুর্ভিক্ষ দেখা দেয়। অনুমান ৫০ লক্ষ  
লোক দুর্ভিক্ষের কবলে পড়িয়া মারা যায়। এই  
সময়ে একদল মুসলমান পেটের দায়ে মেথরের  
কাজ করিয়া জীবন ধারণ করিতে বাধ্য হয়।  
আজও তাহারা মেথরের পেশায় নিযুক্ত রহিয়াছে।  
ইদানীং পূর্ব পাকিস্তানের কোন কোন শহরে  
বিশেষঃ ঢাকা শহরে তাহাদের অনেকেই মেথরের  
সহিত একত্রে একই বস্তিতে বসবাস করিতে  
হইতেছে। তাহাদের গ্রাম্য বাসস্থানের সহিত  
এখনও তাহাদের সম্বন্ধ আছে বলিয়া আজও  
তাহারা তাহাদের মুসলিম পরিচয় বজায় রাখিতে  
পারিয়াছে। কালক্রমে যখন তাহারা তাহাদের

জন্মস্থান হইতে বিচ্ছিন্ন হইয়া পড়িবে এবং সখর-  
বস্তিতে স্থায়ীভাবে বাস করিতে থাকিবে তখন  
তাহারা সম্ভবতঃ ক্রমে ক্রমে মেথরদের সহিত  
সামাজিক ঐক্য প্রতিষ্ঠা করিতে সক্ষম হইবে।  
ফলে, দুই তিন পুরুষ পরে ইহাদের বংশধরদের  
পক্ষে একথা বিস্মৃত হওয়া আশ্চর্য্য নয় যে,  
তাহারা এক সময়ে এ দেশের অগ্রাগ্র মুসলমানের  
মতই খাঁটি মুসলমান ছিল। বর্তমানে তাহাদের  
বয়স্কদের নাম সাবেকরূপে আরবী রহিয়াছে।  
কিন্তু ইহাদের সম্ভানগণের নাম ক্রমশঃ পরিবর্তিত  
হইয়া এমন অবস্থায় পৌঁছাইতেছে যে, অদূর  
ভবিষ্যতে ইহাদের সম্ভানগণ যখন পরিবর্তিত  
সমাজে যৌবন লাভ করিবে তখন হয় তাহারা  
নিজেদের পরিচয় নিজেরাই হারাইয়া ফেলিবে।  
সময় থাকিতে যদি মুসলমান সমাজ সচেতন  
না হয় এবং ইহাদিগকে বিস্মৃতির কবল হইতে  
রক্ষা করিবার জন্য কোন আশু ব্যবস্থা অবলম্বন  
করান হয় তাহা হইলে হয়ত কালের গতিতে  
এ দলটিও লালবেগীদের মতই আত্মবিস্মৃত হইয়া  
মেথরদের মধ্যে আর এ টা নূতন উপসম্প্রদায়ের  
স্থিতি করিবে।

বিস্মৃতির পথ হইতে এই বিরাট মুসলমান  
দলকে রক্ষা করিতে হইলে অবিলম্বে এদিকে  
সমাজের দৃষ্টি পড়া উচিত। ইহাদের মধ্যে  
নিয়মিত বলীদ্বারা বুরআন ও হুন্নার প্রচার  
করিয়া তাহাদের মধ্যে ইসলামকে জীবিত রাখিতে

হইবে। মিউনিসিপ্যাল কর্তৃপক্ষের দ্বারা মুসল-  
মান মেথরদের জন্য ভিন্ন বস্তির ব্যবস্থা করা হইয়া  
তাহাঁতে জুম'আ জামা'আতর জন্য নিজস্ব কামি  
করা হইতে হইবে। মুসলমান মেথরগণকে কোন  
ক্রমেই মেথর বস্তিতে একত্র বাস করিতে দেওয়া  
উচিত নহে। তাহাদের সম্ভান সম্ভতির জন্য  
তাহাদের বস্তিতে যাহাতে প্রাথমিক মক্তব  
কায়েম হয়, এবং উচ্চ শিক্ষার জন্য তাহাদিগকে  
যাহাতে বিশেষ সুযোগ সুবিধা দেওয়া হয়  
তাহার ব্যবস্থা করিতে হইবে। মুসলিম পর্বদিনে  
যথা শবে মোরাজ, শবেবরাত ও শবে-কদর  
উপলক্ষে রাত্রের কাজ হইতে তাহাদিগকে  
যাহাতে পূর্ণ বিশ্রাম ভোগ করিতে দেওয়া হয়,  
রমযান মাসে সেহরী ও ইফতারের জন্য তাহা-  
দিগকে যাহাতে সুযোগ দেওয়া হয় এবং ঐ মাসে  
তাহাদের কায়েত পরিশোধ করা হয়  
তাহার জন্য চেষ্টা চাল হইতে হইবে। জুম'আ ও  
'ঈদাইনের জামা'আতে শামিল হওয়ার জন্য  
সাধারণ মুসলমানদের স্থায় তাহাদের জন্যও  
সুবিধার ব্যবস্থা করিতে হইবে। তাহাদের  
বস্তিতে জুয়া খেলা ও মত্তপান কঠোর ভাবে  
নিষিদ্ধ হওয়া দরকার। উপরোক্ত ব্যবস্থা  
কার্য্যকরী করা হইলে মুসলমান মেথরগণ  
মুসলমানরূপে থাকিতে সক্ষম হইবে এবং  
কালক্রমে তাহাদের পেশা পরিবর্তন করিতেও  
কোন বিপত্তির উদ্ভব হইবে না।

## পাকিস্তানে মাদক সেবন

—মোহাম্মদ আবদুর রহমান বি-এ, বি-টি

পাকিস্তানে মাদক সেবন বা মত্ত জাতীয় বস্তুর ব্যবহার সম্পর্কে কিছু আলোচনার পূর্বে ইসলাম মাদক সেবন সম্বন্ধে কি বলে তাহা জানা আবশ্যিক। কারণ পাকিস্তানের এক দশমাংশ অধিবাসী বাতীত বাকী সমস্ত পাকিস্তানীই মুসলমান। ইসলাম তাহাদের ধর্ম, জীবন ব্যবহার নিয়ামক ও পথ নির্দেশক আর পাকিস্তান ইসলামের নামেই অর্জিত হইয়াছে। ইসলামী জীবন ব্যবহার উৎস কোরআন এবং হাদীসের শিক্ষাকে মুসলমানগণের জীবনে রূপায়িত করার আকাঙ্ক্ষা পাকিস্তানের প্রতিষ্ঠাতা, স্থপতি এবং বর্তমান ভাগ্য নিয়ন্ত্রণকর্তৃক বারবার বিদ্যোভিত হইয়াছে। কয়েক বৎসরের বিরতির পর রাষ্ট্রের নামও শুধু ‘পাকিস্তানের’ পরিবর্তে পুনঃ “ইসলামিক রিপাবলিক পাকিস্তানে” রূপান্তরিত হইতেছে।

ইসলামের প্রধান এবং মূল ধর্মগ্রন্থ হইতেছে আল্লার কালাম—কোরআন মজীদ। মানুষের জন্ত যাহা কিছু প্রয়োজন তাহার মূল নীতি এবং প্রয়োজনীয় ব্যাপারে বিশেষ জ্ঞাতব্য বিষয় এই মহাগ্রন্থে বর্ণিত হইয়াছে।

মুসলমানদের জন্ত কোন্ বস্তু স্বখাও আর কোন্টি অখাও এবং তাহাদের সামগ্রিক কল্যাণের জন্ত কোন্টি কল্যাণকর আর কোন্টি ক্ষতিকর তাহা স্পষ্টভাবে উল্লিখিত হওয়ার সঙ্গে সঙ্গে নির্দিষ্ট বস্তুটি কেন অখাও তাহাও বর্ণিত হইয়াছে।

মত্ত এবং মাদক জাতীয় দ্রব্যের ব্যবহার বর্তমান পৃথিবীতে ব্যাপকভাবে প্রচলিত। রসূলুল্লাহর সং-র যুগে আরব দেশেও উহা ব্যাপকভাবে ব্যবহৃত হইত। এই সম্পর্কে কোরআনের প্রথম নির্দেশটি ইসলামের প্রথম যুগে রসূলে-খোদার মক্কা অবস্থিতি কালেই অবতীর্ণ হয়।

মত্ত সেবন ব্যাপকভাবে প্রচলিত থাকিলেও নব দীক্ষিত মুসলমানদের ভিতর এমনও লোক ছিল বাহারা উহা নিষিদ্ধ হওয়ার পূর্বেও কোনদিন স্পর্শ

করেন নাই। মত্তে অনিষ্টকারিতা এবং অপকার সম্বন্ধে তাঁহারা পূর্ব হইতেই অবহিত ছিলেন। রসূলুল্লাহ সংকে বিভিন্ন সময়ে বিভিন্ন প্রশ্ন জিজ্ঞাসা এবং তাহার সম্মুখে বিভিন্ন সমস্যা উপস্থাপিত করা হইত। রসূলুল্লাহ (সঃ) আল্লাহর নির্দেশক্রমে প্রকাশ্য ওহি (কোরআন) অথবা গোপন ওহির (তাহার হাদীস) মাধ্যমে উহার জওয়াব প্রদান করিতেন। মদ বা মাদক দ্রব্য এবং জুয়া সম্বন্ধেও তাঁহার নিকট প্রশ্ন উপস্থাপন করা হইলে আল্লাহর তরফ হইতে ওহি আসিল :

يَسْئَلُونَكَ عَنِ الْخَمْرِ وَالْمَيْسِرِ قُلْ فِيهِمَا إِثْمٌ كَبِيرٌ وَمُتَنَفِعٌ لِلنَّاسِ وَإِثْمُهُمَا كَبِيرٌ مِّنْ نَّفْعِهِمَا....

“মাদক দ্রব্য-এবং জুয়া সম্বন্ধে তাহারা আপনাকে জিজ্ঞাসা করিতেছে, আপনি বলিয়া দিন, ঐ দুইটির ভিতর রহিয়াছে মহা পাপ আর (কতক) লোকের জন্ত (কিছু) উপকার। তবে উক্ত দুই বস্তুর পাপ উহাদের উপকার অপেক্ষা অনেক বেশী....। (বাকারা : ২১৯ আয়াত)

মত্ত ও মাদক জাতীয় দ্রব্য আর জুয়া হইতে যাঁহারা দূরে ছিলেন, এই আয়াত অবতীর্ণ হওয়ার পর তাঁহাদের সাদৃশ্যের অপকার সম্বন্ধে ধারণা দৃঢ় বিশ্বাসে পরিণত হইল; যাঁহারা সন্দিগ্ধ ছিলেন কিম্বা এসম্পর্কে নিলিপ্ন অথবা মত্তপানে অভ্যস্ত ছিলেন তাহাদের অনেকেই কোরআন কর্তৃক মাদকের এই নিন্দাবাদে উহা পরিত্যাগ করিলেন।

এইভাবে মদ ও মত্ত জাতীয় পান্যের ব্যবহার সম্বন্ধে মুসলিম সমাজে প্রতিকূল মনোভাব সৃষ্টি হইতে থাকে। কিন্তু স্পষ্টভাবে নিষিদ্ধ না হওয়ার কতক মুসলমান উহাতে অভ্যস্ত থাকিয়া যায়। তখন মুসলমানদিগকে লক্ষ্য করিয়া আল্লাহ সূরা নেসার নিম্নলিখিত আয়াতটি অবতীর্ণ করেন :

يا ايها الذين امنوا لا تقربوا الصلوة والتم

سعيهم حتى تعلموا ما تقولون....

“হে মুমেন মুসলমানগণ, তোমরা (মদখাইয়া) নেশার অবস্থায় নামাজের নিকটে যাইও না—যে পর্যন্ত না (নামাজের ভিতর) তোমরা সত্য বল তাহা বুঝিতে পার...।” সূরা নিসা—৪৩ আয়াত।

এই আয়াত্যাংশে মদ সম্পূর্ণ নিষিদ্ধ হয় নাই কিন্তু আঞ্জার প্রেত-বদাদত নামাজ নেশার অবস্থায় সঠিকভাবে আদা করা সম্ভব নয় বিধায় মদ-পান তৎ-পূর্ববর্তী সময়ের জন্ত নিষিদ্ধ হয়। এই আয়াত নাজেল হওয়ার পর অনেকেই নামাজের পূর্বে মত্তপান হইতে বিরত রহিলেন। আবার কেহ কেহ এই আপদ হইতে মুক্ত এবং এই শ্রাকারজনক কনক হইতে সর্বক্ষণ পবিত্র থাকার উদ্দেশ্যে উহা সম্পূর্ণরূপে বর্জন করিলেন। এইভাবে কিছু দিন চলার পর মত্ত, জুয়া ইত্যাদি সম্পূর্ণরূপে নিষিদ্ধ ঘোষণা করিয়া নিম্নলিখিত আয়াত অবতীর্ণ হইল:

يا ايها الذين امنوا اما الخمر والمسير

والانصاب والالزام رجس من عمل الشيطان فاجنّبوه لعلكم تفلحون .

“হে ঈমানদার বান্দাগণ, নিশ্চয় সকল প্রকার মাদক দ্রব্য, সর্ববিধ জুয়া, সমস্ত ‘আনসাব ও ‘আয-লাম’ জঘন্য শয়তানী কাজ, সুতরাং এই জঘন্যতা বর্জন কর—তাহা হইলে সম্ভবতঃ তোমরা মুক্তি লাভ করিতে পারিবে।”

এই আয়াত অবতীর্ণ হওয়ার পূর্ব রসুলুল্লাহর (দঃ) নির্দেশক্রমে উহা মদীনার আলিতে গলিতে প্রচার করিয়া দেওয়া হইল। ইহা শুনিয়া ইবন মালিক বলেন, “আবু তালহায বাড়াইতে সে দিন আমাদের মদ্যপানের একটা উৎসব চলিতেছিল, আর আযি-হিলাম সে দিনের সাকী। পানভোজন পূর্ণাঙ্গমে চলিতেছে, এমন সময় বাহিরে হাশিয়ার বাণী উচ্চারিত হইল, لا ان الخمر قد حرمت

“সাবধান, মদ হারাম হইল।” কোরআনের সদ্য অবতীর্ণ আয়াত পঠিত হইল, “মদ্য...শয়তানের জঘন্য ঘৃণিত কাজ উহা হইতে বিরত হও”।

এই আয়াত—এই সাবধান বাণী শ্রবণ মাত্র আবু তালহা বলিয়া উঠিলেন, “মদ দঃ করিয়া দাও বাড়ী হইতে, বাহিরে ফেলিয়া দাও মদ যেখানে আছে”। নিষেধাস্তা করণে পদে মাত্র উহা মত্তবদ-এমক্রেজ স্পর্শ করিল, উত্তোলিত পানপাত্র নিমিষে হস্তচ্যুত হইল। শরাব পানের জৌলুস আড্ডা ও সরগরম জলসা এক মুহূর্তে ভাঙ্গিয়া গেল। মদ্যাসক্ত ব্যক্তিগণ তাহাদের মজ্জাগত অভ্যাস চিরদিনের জন্ত পরিত্যাগ করিলেন। বোতল ও মটকায় সঞ্চিত সমস্ত মদ্য ঢালিয়া ফেলা হইল—মদীনার রাস্তা ও অলিগলী দিয়া মদের স্রোত বহিয়া গেল।

মদ্য সম্বন্ধে কোরআনের নির্দেশ বাণী এবং উহার ফলাফলের কথা শোনা গেল। এখন মদ্য ও মাদক জাতীয় দ্রব্য সম্বন্ধে হাদীসের বাণী শোনা যাক।

কোরআনী আয়াতের ব্যাখ্যা ও তাৎপর্য এবং উহার গুরুত্ব অনুধাবন করা যাইবে রসুলুল্লাহ সং-য় পবিত্র হাদীসে। সুতরাং মাদক সেবন সম্বন্ধে রসুলুল্লাহ (দঃ) কি বলিয়াছেন তাহা মনোযোগের সহিত লক্ষ্য করা উচিত। মত্ত এবং মাদক দ্রব্য সেবন সম্বন্ধে নবীর (দঃ) অনেকগুলি হাদীস বিভিন্ন হাদীস-গ্রন্থে সঞ্চলিত হইয়াছে। তন্মধ্যে মাত্র কয়েকটি হাদীস নিয়ে উদ্ধৃত হইল:

সহীহ মুসলিমে বর্ণিত হইয়াছে।

عن ابن عمر قال قال رسول الله صلعم كل مسكر خمر وكل مسكر حرام ومن شرب الخمر في الدنيا فمات وهو يدمنها ولم يتب لم يشربها في الآخرة .

ইবন উমর রাঃ হইতে বর্ণিত আছে, রসুলুল্লাহ সং বলিয়াছেন, “প্রত্যেক নেশার বস্তুই মদ এবং প্রত্যেক নেশার বস্তু হারাম। যে ব্যক্তি এই দুনিয়ায় মদ পান করিবে এবং উহা হইতে তওবা না করিয়া পানাসক্ত অবস্থায় মারা যাইবে সে পারলৌকিক জীবনে উহা পান করিতে পারিবে না।”

عن ابن عباس رضي الله تعالى عنه قال قال رسول الله صلعم مدمن الخمر ان

مات لقي الله تعالى كعائده وثن .

ইবন আব্বাস (রাঃ) হইতে বর্ণিত হইয়াছে—  
রসুলুল্লাহ (সঃ) ইরশাদ ফরমাইয়াছেন, মস্তপানে চিন্নাভ্যন্ত ব্যক্তি যখন মারা যাইবে তখন সে ঐ স্মৃতির দ্বারা আঞ্জার সাক্ষাৎ লাভ করিবে যে মুক্তি পূর্ণ করে। (—আহমদ ও ইবন মাজা)।

অপর হাদীসে আছে :

عن عبد الله بن عمر قال قال رسول الله ﷺ من شرب الخمر لم يقبل الله له صلاة أربعين صباحا فان تاب تاب الله عليه فان عاد لم يقبل الله له صلاة أربعين صباحا فان تاب تاب الله عليه فان عاد لم يقبل الله له صلاة أربعين صباحا فان تاب تاب الله عليه فان عاد لم يقبل الله له صلاة أربعين صباحا ولم يتب الله عليه وسقاه من نهر الخبال .

আবদুল্লাহ ইবন উমর রাঃ হইতে বর্ণিত আছে, রসুলুল্লাহ (সঃ) বলিয়াছেন, যে ব্যক্তি মস্ত পান করে আল্লাহ তাহার ৪০ দিনের নামাজ কবুল করেন না। যদি সে তওবা করে আল্লাহ তাহার তওবা কবুল করেন। পুনঃ সে যদি মদ খায় তাহার ৪০ দিবসের নামাজ আল্লাহ কবুল করেন না। যদি সে তওবা করে আল্লাহ তাহার তওবা কবুল করেন। আবার যদি সে মদ খায় তাহার ৪০ দিবসের নামাজ আল্লাহ কবুল করেন না, পুনঃ সে যদি তওবা করে আল্লাহ তাহার তওবা কবুল করেন। কিন্তু যদি সে চতুর্থবার মদ খায় আল্লাহ তাহার ৪০ দিবসের নামাজ কবুল করেন না। সে যদি তারপর তওবা করে আল্লাহ সে তওবা আর গ্রহণ করেন না এবং পরকালে আল্লাহ পুতিগন্ধময় অপবিত্র নদী হইতে তাহাকে পান করাইবেন। (তিরমিযী, নাসায়ী ও ইবন মাজা)।

অপর এক হাদীসে আছে,

عن ابن عمر ان رسول الله ﷺ قال ثلاثة لم حرم الله عليهم الجنة مدين الخمر

والعاق والديوث الذي يقر في اهله الخبث .

ইবন উমর হইতে বর্ণিত আছে, রসুলুল্লাহ (সঃ) ইরশাদ ফরমাইয়াছেন, তিন ব্যক্তির জন্ত আল্লাহ বেহেশত হারাম করিয়াছেন ১। মস্তপানে আসক্ত ব্যক্তি, ২। পিতামাতার অবাধ্য, এবং ৩। দাইয়ুস, যে তাহার পরিবারের অশ্লীল আচরণ সমর্থন করে।

সাহাবীগণ মস্তপানকে কিরূপ ভয়াবহ মনে করিতেন তাহা অশ্রুতম বিশিষ্ট সাহাবী আবু মুসা (রাঃ) এর মন্তব্য হইতে বুঝা যাইবে।

عن ابي موسى انهم كان يقول لا ابالي ان شربت الخمر او عبت هذه السارية دون الله .

“সাহাবী আবু মুসা (রাঃ) বলিতেন, যদি আমি মস্ত পান করি অথবা আল্লাহ ছাড়া এই খুঁটির পূজা করি তবে এই দুইটির ভিতর কোন পার্থক্য করি না।” ইহার তাৎপৰ্য এই যে, মস্ত পানের আসক্তি ও নেশা আল্লাহ সহিত শেকের মহাপাতকের সমান।—(নাসায়)।

অন্য এক হাদীসে আছে—রসুলুল্লাহ (সঃ) বলিতেছেন,

وحلف ربي عزوجل بعزتي لا يشرب عبد من عبدي جوعا من خمر الا سقيته من الصديد مثاها ولا يتركها من مخافتي الا سقيته من حياض القدس .

—মহান এবং শক্তিশালী আল্লাহ প্রতিজ্ঞা করিয়া বলিয়াছেন, “আমার ইচ্ছার কসম, আমার বান্দাদের মধ্যে যে কেহ এক তোক মদ পান করিবে, আমি তাহাকে (দোষখের) অনুরূপ উত্তপ্ত পানি পান করাইব। আর যে ব্যক্তি আমার ভয়ে উহার পান হইতে নিবৃত্ত থাকিবে আমি তাহাকে পবিত্র প্রস্রবন হইতে পানীয় পান করাইব।—আহমদ।

আহমদের অন্য হাদীসে আছে, রসুলুল্লাহর (সঃ) নিকট হইতে আবু মুসা (সঃ) আশআরী বর্ণনা করিতেছেন,

الرحم ومصداق بالسعر .

তিন শ্রেণীর ব্যক্তি বেহেশতে প্রবেশ করিতে পারিবে না। (১) মত্তপানে অভ্যস্ত ব্যক্তি (২) আত্মীয়তার বন্ধন ছিন্নকারী এবং (৩) যে ব্যক্তি যাদুবিদ্যা বিশ্বাস করে।

কাহারও কাহারও ধারদা হইতে পারে যে, যে পরিমাণ মদ্য বা মাদক দ্রব্য পান করিলে নেশা হয় না সেই পরিমাণ পান করা দোষনীয় নহে। আবার কাহারও কাহারও একরূপ ধারণা রহিয়াছে যে প্রয়োজন স্থলে ঔষধ রূপে মদ্য বা মাদক মিশ্রিত দ্রব্য ব্যবহার করা যাইতে পারে। এইরূপ ধারণার উৎস যাহাই থাকুক, উহা যে ভ্রান্ত তাহা রসুলুল্লাহর (দঃ) সুস্পষ্ট হাদীস হইতে জানা যায়।

عن جابر ان رسول الله صلى الله عليه وسلم قال

ماسكر كثيره فقليله حرام .

জাবির (রাযিঃ) হইতে বর্ণিত আছে— রসুলুল্লাহ (দঃ) বলিয়াছেন, যে বস্তু অধিক পরিমাণে পান করিলে নেশা আনয়ন করে তাহার অল্প পরিমাণও হারাম। (—তিরমিযি আব্দুদাউদ ও ইবন মাজা)।

ঔষধরূপে ব্যবহারের অজুহাতও সম্পূর্ণরূপে অগ্রাহ্য। কারণ, রসুলুল্লাহর (দঃ) নিকট এ সম্পর্কে প্রশ্ন উত্থাপিত হইয়াছিল। তিনি উহার জওয়াবে যাহা বলিয়াছেন তাহা এই—

عن وائل الحضرمي ان طارق بن سويد

سال النبي صلى الله عليه وسلم عن الخمر فنهاه فقال انما اصنعها للدواء فقال ان الله ليس بدواء لكنه داء .

ওয়ালিল্ হুদ্রমী বলিতেছেন, তারেক ইবন সুওয়াইদ রসুলুল্লাহর (দঃ) নিকট মদ সম্বন্ধে জিজ্ঞাসাবাদ করিলেন। নবী (দঃ) উহার নিষিদ্ধতার কথা বলিলে, তিনি বলিলেন, আমি উহার ঔষধ প্রস্তুত করি। তখন রসুলুল্লাহ (দঃ) জওয়াবে বলিলেন, উহা ঔষধ নয়, বরং উহা স্বয়ং একটি রোগ।

মদের ব্যবহার এত অত্যাচার ও স্বাক্ষরজনক

কাজ যে উহার সহিত যে কোন ভাবে সংশ্লিষ্ট ব্যক্তিকে রসুলুল্লাহ (দঃ) লানৎ করিয়াছেন।

عن انس قال لعن رسول الله صلى الله عليه وسلم الخمر عشرة حاصرها ومعتصرها وشاربها وحاملها والمحمولة اليه وساقطها وبائعها واكل ثمنها والمشتري لها والمشتري له .

হযরত আনাশ বলিতেছেন, রসুলুল্লাহ (দঃ) মদের সহিত সম্পর্কযুক্ত ১০ ব্যক্তিকে লানৎ করিয়াছেন। ১। যে ব্যক্তি অপরের জন্ত মদ চোলাই করে, ২। যে ব্যক্তি নিজের জন্ত মদ চোলাই করে, ৩। যে উহা পান করে, ৪। যে উহা বহন করে, ৫। যাহার নিকট উহা বহন করা হয়, ৬। যে মদ পরিবেশন করে, ৭। যে মদ বিক্রয় করে, ৮। যে উহার মূল্য খায়, ৯। যে উহা ক্রয় করে এবং ১০। যাহার জন্ত উহা ক্রয় করা হয়।—(তিরমিযী ও ইবন মাজা)

স্বাতিমের অভিভাবকের উপর স্বাতিমের মাল রক্ষণাবেক্ষণ করা এবং উহার ক্ষতি হইতে না দেওয়া একটি পবিত্র দায়িত্ব এবং সর্ব প্রযত্নে ইহা অবশ্য পালনীয় কর্তব্য। কিন্তু সে মাল যদি শরাব হয় তখন কি করা বিধেয়—এ সমস্যা দেখা দিয়াছিল সাহাবীদের সামনে স্বয়ং রসুলুল্লাহর (দঃ) সামান্য। রসুলুল্লাহ (দঃ) এ সম্বন্ধে বলেন,

عن ابي سعيد الخدري قال كان عندنا خمر لوليتيم فلما نزلت المائدة سألت رسول الله صلى الله عليه وسلم وقلت ان الله ليتيم فقال اهرقه .

আবু সাঈদ আলখুদরী বলিতেছেন, আমাদের নিকট এক স্বাতিমের শরাব জমা ছিল। যখন মায়েদার (মাদক দ্রব্য নিষিদ্ধতার) আয়াত অবতীর্ণ হইল, তখন উক্ত মদের কি করা যাইবে তৎসম্পর্কে রসুলুল্লাহর (দঃ) নিকট জিজ্ঞাসা করিলাম এবং বলিলাম, এই মদ একজন স্বাতিম অনাথ দুঃস্থের। তিনি জবাব দিলেন, “ফেলে দাও—প্রবাহিত কর।”

অপর হাদীসে আছে

عن انس عن ابي طلحة انه قال يا نبي الله اني اشتريت خمرًا لايتام فقال اهرق

الخمر واكسر الدنان .

আবু তালহার নিকট হযরত আনাস শুনিয়েছেন, তিনি (আবু তালহা) জিজ্ঞাসা করিলেন, “হে আমার নবী, আমি আমার পোষা স্নাতীমদের জন্ত শরাব কিনিয়াছিলাম, রসুলুল্লাহ (দঃ) [এইটুকু শোনার পরেই বলিলেন, “শরাব প্রবাহিত করিয়া দাও এবং মটকাগুলি ভাঙ্গিয়া ফেল।”

ইসলামে যে বস্তু নিষিদ্ধ তাহা সকল দেশের সকল যুগের লোকের জন্ত সকল পরিবেশেই নিষিদ্ধ। গরম দেশের জন্ত এক ব্যবস্থা আর শীতের দেশের জন্ত অপর ব্যবস্থা হইতে পারে না। তবুও পরিবেশের পার্থক্যের ওজুহাত দেখাইয়া শীতের দেশে প্রচণ্ড শীতের মৌসুমে আজও যেমন শরাব পানের পশ্চাতে যুক্তি প্রদর্শন করা হইয়া থাকে, তেমনি রসুলুল্লাহর (দঃ) যুগেও অনুরূপ গ্রন্থ উত্থাপিত হইয়াছিল। প্রস্ফকারীর প্রশ্নের ধরণ ও উহার ভাষা এবং উহার পশ্চাতে পেশকৃত যুক্তি এবং রসুলুল্লাহর (দঃ) দ্ব্যর্থহীন, স্পষ্ট ও দৃঢ় কঠজওয়াব এবং অমাত্যকারীদের সম্পর্কে তাঁহার বক্তৃ কঠোর ব্যবস্থা আজিকার দিনে গভীরভাবে চিন্তনীয়। হাদীসটি এই:—

عن ديام الحميرى قال قلت يا رسول الله  
البا بارض باردة ونعالج فيها شديدا والبا  
لتخذ شرابا من هذا الفمـح نتقوى به على  
اعمالنا وعلى برد بلادنا قال هل يسـكر قلت  
نعم قال فاجتنبوه قلت ان الناس غير تاركيه  
قال ان لم يتركوه قاتلوهم .

দায়লাম হিময়ারী হইতে বর্ণিত আছে, তিনি বলেন, আমি বলিলাম, হে রসুলুল্লাহ! আমরা একটি শীত প্রধান দেশে বাস করি আর আমাদের সেখানে কঠোর পরিগ্রহের কাজ করিতে হয়। আমরা এই গম হইতে শরাব প্রস্তুত করি, উহা দ্বারা আমরা আমাদের কার্য সম্পাদনে ও আমাদের দেশের শীত অপসারণে শক্তি সংগ্রহ করি। রসুলুল্লাহ জিজ্ঞাসা করিলেন, উহা কি নেশা আনয়ন করে? আমি বলিলাম, জি হাঁ। তিনি বলিলেন, তবে উহা হইতে

বারিত হও। আমি বলিলাম, লোকেরা উহা পরিত্যাগ করিবার নহে।

তিনি বলিলেন, যদি তাহারা উহা পরিত্যাগ না করে তাহাদের সঙ্গে জিহাদ কর।

(আবু দাউদ)

মস্তপান সম্পর্কে উপরে আল্লাহ রাসুলুল্লাহ আল-মীনের যে সব নির্দেশ এবং উহার ব্যাখ্যা স্বরূপ রসুলুল্লাহ খোদার বিভিন্ন হাদীসে যে সতর্কবাণী উচ্চারণ করা হইয়াছে তাহা আজিকার দিনে পৃথিবীর সর্বত্র এবং বিশেষতঃ ইসলামের জন্ত অজিত পাকিস্তানে মদ ব্যাপক প্রচলনের যুগে গভীর ভাবে চিন্তা করার প্রয়োজনীয়তা দেখা দিয়াছে। যে জিনিষের প্রতি মানুষের এতটা অসজ্ঞতা বাড়িয়া চলিয়াছে তাহা কোরআন ও হাদীসে এত কঠোরভাবে নিষিদ্ধ হওয়ায় এবং উহা সেবনের ফলে কঠোর দণ্ড ব্যবস্থার কারণ কি?

কোরআন মজিদে পরিষ্কার ভাবে বলিয়া দেওয়া হইয়াছে যে, এই মদের দ্বারা কিছু লোকের লোকের কোন কোন সময় কিঞ্চিৎ উপকার হইয়া যাকে সত্য, কিন্তু উহার অপকার ব্যাপকতর, অতীব ভয়ঙ্কর। এই ভীষণ ও ব্যাপক ক্ষতির কণ্ঠকটি কোরআন মজিদেই উল্লেখ করা হইয়াছে। আল্লাহ তা'আলা বলেন,


الما يريد الشيطان ان يوقع بـيـنكم  
العدوة والبعضاء في الخمر والميسر ويصدكم  
عن ذكر الله وعن الصلاة فهل انتم منتهون .

“নিশ্চয়ই শয়তান মদ ও জুয়ার মাধ্যমে তোমাদের পরস্পরের মধ্যে দূশমনী এবং হিংসা বিদ্বেষ ছড়াইতে চায় এবং তোমাদিগকে আল্লাহর স্মরণ ও নামাজ হইতে বিরত রাখিতে প্রয়াস পায়।

মদ খাইয়া নেশার মাতাল হইয়া মানুষ দিগ্বিদিক জ্ঞান শূন্য হইয়া পড়ে, তাহার বাহ্য জ্ঞান লোপ পায়, বিচার ও বিবেচনা শক্তি অস্তিত্ব হইয়া, ভোগলালসা বধিত হয়, কামভাব জাগ্রত ও উত্তেজিত হয়। তখন সে কাম প্রবৃত্তি চরিতার্থ করার জন্ত পাগল হইয়া উঠে সে অনর্থের সৃষ্টি করে, পাগলামী করে, ফাহেশা কথা

(৬৪ পৃষ্ঠায় দ্রষ্টব্য)





بِسْمِ اللَّهِ الرَّحْمَنِ الرَّحِيمِ

আহলে হাদীত বাংলাদেশ

### ইসলামী তমদুন ও ঐতিহ্য

আজকাল পাকিস্তানী মুসলিমদের এক বিপুল অংশ তমদুন ও ঐতিহ্যের নামে অসংখ্য ইসলাম বিরোধী কার্যধারাকে আনুষ্ঠানিকভাবে পালন করিয়া চলিয়াছে। ইসলামের মধ্যে মানুষের জীবনের প্রত্যেকটি দিক সম্বন্ধে প্রয়োজনীয় ব্যবস্থা রহিয়াছে। কাজেই যে কোন কার্যধারাকে আনুষ্ঠানিকভাবে পালন করিবার পূর্বে প্রত্যেক মুসলিমকে অনুসন্ধান করিয়া দেখিতে হইবে যে, ঐ প্রকার কার্যধারার পশ্চাতে ইসলামের সমর্থন ও অনুমোদন পাওয়া যায় কিনা। পূর্বপাকিস্তানী মুসলিমগণ সংস্কৃতি ও ঐতিহ্যের আবরণে যে সকল কার্য সম্পাদন করিয়া থাকে তাহাকে প্রথমতঃ দুই শ্রেণীতে ভাগ করা যাইতে পারে। এক শ্রেণী ইসলামী লেবেল-অঁটা তমদুন ও অপর শ্রেণী ইসলামী লেবেল শূন্য তমদুন। প্রথম শ্রেণীর কার্যকলাপ সম্পর্কে ঐ প্রকার কার্য সম্পাদনকারিগণ দাবী করে যে, উহা ইসলাম কতৃক অনুমোদিত তমদুন। ইহার উদাহরণ দুই জৈদের অনুষ্ঠান, মীলাদ-অনুষ্ঠান ইত্যাদি। দ্বিতীয় শ্রেণীর কার্য সম্পাদনকারিগণ তাহাদের কার্যকে ইসলামী কার্য বলিয়া দাবী করে না—

তাহারা উহাকে নিছক সামাজিক অনুষ্ঠান হিসাবে পালন করিয়া থাকে। যথা, বাত-যজ্রাদি বাদন অনুষ্ঠান, বার্ষিকী অনুষ্ঠান ইত্যাদি।

তারপর ইসলামী তমদুন নামে প্রচলিত ও প্রচারিত অনুষ্ঠানগুলি দুই ভাগে বিভক্ত। এক প্রকার অনুষ্ঠানের পশ্চাতে বাস্তবিকই ইসলামের সমর্থন রহিয়াছে—যথা, 'ঈদাইনে নির্দোষ আনন্দ-উৎসব'; আর অপর প্রকার অনুষ্ঠানের মূলে ইসলামী যুক্তি প্রমাণ মোটেই নাই—যথা, তথা-প্রচলিত মীলাদ অনুষ্ঠান।

দ্বিতীয় শ্রেণীর অনুষ্ঠানও দুই ভাগে বিভক্ত। এক প্রকার অনুষ্ঠান ইসলামী নীতির বিরোধী—যথা, বাত-যজ্রাদি সংযোগে গান, বাত-যজ্রাদি বাদন ইত্যাদি। আর অপর প্রকার অনুষ্ঠান প্রকাশ্য ভাবে ইসলামী নীতি বিরুদ্ধ না হইলেও ইসলামে উহার সমর্থন বা অনুমোদন পাওয়া যায় না। যথা, বার্ষিকী অনুষ্ঠান।

এই চারি প্রকার অনুষ্ঠানের মধ্যে যাহা কিছু ইসলামী অনুষ্ঠানজ্ঞানে পালন করা হয় তাহার মূলে যদি ইসলামী সমর্থন থাকে তবে তাহা পালনযোগ্য হইবে। আর যে সকল কাজ ইসলামী অনুষ্ঠানজ্ঞানে পালন করা হয় অথচ

তাহার মূলে ইসলামী যুক্তি প্রমাণ পাওয়া যায় না তাহাকেই বলা হয় বিদ্'আত। বিদ্'আত ইসলামী শরী'আতে জঘন্য পাপ বলিয়া পরিগণিত হয়। এই বিদ্'আত সম্বন্ধেই নবী করীম সঃ বলিয়াছেন, প্রত্যেকটি বিদ্'আতই আস্ত গুমরাহী এবং প্রত্যেক গুমরাহীর পরিণাম জাহান্নাম।

বস্তুতঃ, বিদ্'আত অনুষ্ঠানের পরিণাম জাহান্নাম ছাড়া আর কিছুই হইতে পারে না। কারণ, বিদ্'আত কার্য সম্পাদনকারী বিদ্'আতকে পূণ্য-জ্ঞানে সম্পাদন করে বলিয়া এবং উহা যে শরী'আত বিরোধী পাপ কাজ তাহা সে ঘূণাক্ষরেও অনুধাবন করে না বলিয়া বিদ্'আত হইতে তওবা করার অবস্থা তাহার মনের নিভৃত কোণেও স্থান পায় না। ফলে, বিদ্'আত কার্য সম্পাদনকারী বিদ্'আতের পাপের বোঝা মাথায় লইয়া মৃত্যু বরণ করিয়া থাকে। এই বিদ্'আত হিজরী প্রথম শতক হইতেই ইসলামে অনুপ্রবেশ করিতে আরম্ভ করে এবং আজ পর্যন্ত অনুপ্রবেশ করিয়া চলিয়াছে।

বিদ্'আত কী ভাবে ইসলামে প্রতিষ্ঠা লাভ করিতে থাকে তাহার কিছু আভাষ পাওয়া যায় শরহুল মণাকিক নামক 'আকায়িদ গ্রন্থে। গ্রন্থকার বলেন, "হযরত মুসা আঃ-র পরবর্তী পয়গম্বর নূন-পুত্র যু'শা' আঃ-কে এক দল যাহূদী মা'বুদ-রূপে পূজা করিত। ঐ যাহূদী দলের ইব্ন-সবা নামক এক জন লোক ইসলাম ধর্ম গ্রহণ করে। কিছুকাল পরে সে একদিন হযরত 'আলী কঃ-কে বলে, "আপনিই তো আমাদের প্রকৃত মা'বুদ"। ইহাতে হযরত 'আলী কঃ তাহার প্রতি রুষ্ট হইয়া তাহাকে মদায়িন প্রদেশে তাড়াইয়া দেন। ইব্ন-সবা সেখানে গিয়া তাহার মতবাদ প্রচার করিতে থাকে। ফলে, সেই সময় হইতেই মুসলিম

নামধারী একদল লোক তাহার মতবাদের অনু-সরণে হযরত 'আলী কঃ-কে মা'বুদ বলিয়া পূজা করিয়া আসিতেছে। ঐ দলকে সবায়িয়াহ ফির্কা বলা হয়। তাহারা নিজেদের মুসলিম বলিয়া দাবী করে। তাহাদের বিশ্বাস এই যে, হযরত 'আলী মরেনও নাই, নিহতও হন নাই। ইব্ন-মুলজিম যাহাকে হত্যা করিয়াছিল সে ছিল 'আলী-বেশী জনৈক শয়তান। হযরত 'আলী আদমানে অবস্থান করিতেছেন। বজ্র-গর্জন তাঁহারই কণ্ঠ-ধ্বনি এবং বিদ্যুৎ তাঁহার বেত্রাঘাতের অভিব্যক্তি। তিনি আবার পৃথিবীতে নামিয়া আসিবেন এবং সমগ্র পৃথিবীতে ন্যায় বিচার কায়েম করিবেন। তাই সবায়িয়াগণ বজ্র-গর্জন শুনিলে বলে, "আলাইকাসসালাম, যা আমীরুল-মুমিনীন।"

এইভাবে বহু যাহূদী প্রকাশ্যে ইসলাম গ্রহণ করতঃ, 'আবিদ-যাহিদ, 'আলিম-সূফী সাজিয়া সরল-প্রাণ সাধারণ মুসলিমদের বিপথগামী করিবার প্রয়াস পাইয়াছে—ইতিহাসে ইহার ভূরি ভূরি প্রমাণ পাওয়া যায়।

কেবলমাত্র যাহূদীই নয়—বহু খৃষ্টানও ইসলাম কবুল করিবার পরে ইসলামী 'ইলমসমূহে ব্যুৎপন্ন হইয়া, মুফতী পীর ইত্যাদি সাজিয়া ইসলামের নামে বহু ইসলাম-বিরোধী কাজ করিতে মুসলিমদিগকে উৎসাহিত ও উদ্বুদ্ধ করিয়া আসিতেছে।

তারপর, অগ্নি-উপাসকগণও এ বিষয়ে মোটেই পশ্চাৎপদ থাকে নাই। বরং তাহারা যৌথভাবে ইসলামের নামে ইসলাম-বিরোধী কাজ মুসলিমদের মধ্যে প্রচলিত করিবার প্রয়াস পাইয়াছে এবং তাহারা তাহাদের অপচেষ্টায় বিশেষ সাফল্যও লাভ করিয়াছে। এ সম্বন্ধে 'শরহুল-মণাকিক' গ্রন্থে রহিয়াছে—

"পারশ্বে 'ইনাদীয়া বা বিরোধী দল নামে

অগ্নি-উপাকদের একটি সম্প্রদায় ছিল। পারস্য যখন মুসলিমদের অধিকারে আসে তখন এই 'ইনাদীয়া সম্প্রদায়ের নেতৃস্থানীয় ব্যক্তিগণ হামদান-করমুত নামক দলপতির অধিনায়কতায় এক পরামর্শ সভায় সম্মিলিত হয়। তাহারা স্থির করে যে, মুসলিমদের বিরুদ্ধে প্রকাশ্য বিরোধিতা করা তাহাদের পক্ষে অসম্ভব। কাজেই তাহাদিগকে বাহ্যতঃ ইসলাম গ্রহণ-করিতেই হইবে। অনন্তর, খাঁটি মুসলিমের বেশ ধরিয়া ছলে, কলে, কৌশলে মুসলিমদের তাহাদের ধর্ম হইতে বিচ্যুত করিবার জন্য আপ্রাণ চেষ্টা চালাইতে হইবে। তদনুযায়ী তাহারা কয়েকটি নীতি গ্রহণ করে।

প্রথমতঃ উপযুক্ত ক্ষেত্র দেখিয়া প্রচার কার্য চালাইতে হইবে। অধঃশিক্ষিত, অশিক্ষিত, মুখ মুসলিমদের মধ্যেই তাহাদের প্রচার নিবন্ধ রাখিতে হইবে। মুসলিমদের মধ্যে যেখানে কোন ইসলাম-অভিজ্ঞ পণ্ডিত পাওয়া যাইবে সেখানে প্রচার কার্য চালাইতে হইবে না।

দ্বিতীয়তঃ, এই সকল লোকের আগ্রহ ও রুচির প্রতি বিশেষ লক্ষ্য রাখিতে হইবে। বৈরাগ্যের প্রতি তাহাদের আকর্ষণ দেখা যাইবে তাহাদিগকে বৈরাগ্যের ভিত্তর দিয়া অগ্রসর করাইতে করাইতে ইসলামী গণ্ডীর বাহিরে লইয়া গিয়া ছাড়িতে হইবে। আবার বিশৃঙ্খলা ও দুর্নীতির প্রতি তাহাদের আসক্তি দেখা যাইবে তাহাদের সম্মুখে তাহাদের নীতি ও কর্মপন্থার সমর্থনে ইসলাম হইতে যুক্তি প্রমাণ পেশ করিতে হইবে এবং তাহাদের এই দুর্নীতিমূলক কর্মপন্থাকে যুক্তিযুক্ত ও অপরিহার্য বলিয়া মানিয়া লইয়া তাহাদিগকে উৎসাহিত ও উদ্বুদ্ধ করিতে হইবে।

তৃতীয়তঃ, ইসলামের বিভিন্ন বিষয় ও কাজ সম্পর্কে তাহাদের মনে সন্দেহের উদ্ভেক করিবার চেষ্টা করিতে হইবে। যথা, কুরআন মজীদের

কতিপয় সূরার প্রথমে যে বিচ্ছিন্ন অক্ষরগুলি রহিয়াছে তাহার অর্থ অজ্ঞাত বলিয়া উহার ষৌক্তিকতা সম্বন্ধে মুসলিমদিগকে সন্দেহান করিয়া তুলিতে হইবে। তাহাদের মনে এই প্রকার প্রশ্নগুলি জাগাইয়া ইসলামের প্রতি তাহাদের শ্রদ্ধা শিথিল করিতে হইবে। যথা, প্রস্তাব নির্গত হইলে গোসল ফরয হয় না কেন এবং বীর্য নির্গত হইলে গোসল ফরয হয় কেন? স্ত্রীলোক ঋতুকালে নামাযও পড়ে না, রোযাও করে না। তবে, পরে রোযা কাযা করিতে হয় কেন আর নমায কাযা করিতে হয় না কেন? ফজরে কেন দুই রাক্'আত নমায ফরয হইল, আর মগরিবে কেন তিন রাক্'আত আর বাকী নমাযে কেন চারি রাক্'আত ফরয হইল? এই ভাবে ইসলামের অপর কার্যকলাপ সম্বন্ধেও মুসলিমদের অন্তরে সন্দেহের উদ্ভেক করিয়া চলিতে হইবে।

অবশেষে, এমন এক পরিস্থিতির উদ্ভব হইবে যাহার ফলে এই মুসলিমগণ তাহাদের মনের জিজ্ঞাসার উত্তর দিবার এবং তাহাদের সমস্যা-গুলির সমাধান দিবার উপযুক্ত কোন 'আলিম না পাইয়া বাহ্যতঃ-খাঁটি মুসলিম এই 'ইনাদীয়া সম্প্রদায়ের 'আলিমদের শরণাপন্ন হইবে।

চতুর্থতঃ, তাহারা এই মুসলিমদের নিকট হইতে এই মর্মে পাকা ওয়াদা লইবে যে, তাহারা তাহাদের গোপন তথ্য কোন ক্রমেই দলের বাহিরে কোন লোকের সামনে প্রকাশ করিবে না। তারপর এই মুসলিমদিগকে এই 'ইনাদীয়া দলের ইমামের হাতে সমর্পণ করিতে হইবে।

পঞ্চমতঃ 'ইনাদীয়া দলের এই ইমাম এই বিভ্রান্ত মুসলিমদের সামনে ঘোষণা করিবে যে, সে ইসলামের তামাম ইমামদের একান্ত অনুরক্ত ও অনুগত এবং সে কুরআন ও হাদীস পূর্ণরূপে 'আমল করিয়া থাকে। এই ইমাম তাহার এই

দাবীকে আশ্রয় করিয়া ঐ মুসলিমদের! মধ্যে ইসলাম-বিরোধী কার্যকলাপ জারী করিতে থাকিবে। মুখ, মুসলিম তাহাদের হাতে একবার পড়িলে তাহারা নমায, রোযা সম্বন্ধে তাহাদের বিশ্বাস ক্রমশঃ শিথিল করিবার প্রয়াস পাইবে এবং তাহাদের অন্তরে এই বিশ্বাস জন্মাইবে যে, নমায, রোযা এসব বাহ্যিক অনুষ্ঠান মাত্র—আল্লার কাছে ইহার কোনই মূল্য নাই। অসভ্য আরবদিগকে ট্রেনিং দিবার জন্য ইহার প্রচলন হইয়াছিল—এখন ইহার কোনই প্রয়োজন নাই। এই ভাবে মুসলিমগণ নমায, রোযা হইতে অব্যাহতি পাইয়া ঐ ইমামের চরম ভক্ত হইয়া উঠিবে। অবশেষে তাহাদের আকায়িদের মূলে আঘাত হানিয়া তাহাদিগকে একেবারে বেশরা করিয়া ছাড়িতে হইবে।”

বস্তুতঃ, ঐ অন্তরে—অগ্নি-উপাসক ভণ্ড মুসলিম দল তাহাদের কর্মসূচী পালন করিয়া অসংখ্য মুসলিমকে ইসলাম হইতে সরাইয়া ফেলে। তাহাদের চেষ্টার ফলে মুসলিমদের মধ্যে নানা প্রকার শিরক ও বিদ'আত প্রচলিত হয়। সহস্রাধিক বৎসর পূর্বে তাহারা যে সকল বিদ'আত ও ইসলাম—বিরোধী কার্যকলাপ, আকায়িদ ইত্যাদির ভিত্তি স্থাপন করিয়াছিল, তাহাদের পরবর্তী যোগ্য গদী-নশীনেরা যুগে যুগে তাহাই প্রতিষ্ঠিত ও দৃঢ়ভাবে কায়ম করিতে থাকে। ফলে, আজ অধিকাংশ মুসলিমই ঐ শরী'আত গর্হিত মীরাস ও ঐতিহ্যকে ইসলামী ঐতিহ্য বলিয়া বিশ্বাস করিতে শিখিয়াছে। সহস্র সহস্র তথাকথিত 'আলিম আজ বিদ'আতের পক্ষি জলাবতে পড়িয়া ঘুরপাক খাইতেছে—যে পর্যন্ত তাহারা একমাত্র কুরআন ও হাদীসকে আমল-আকায়িদের কপ্তি পাথররূপে গ্রহণ না করিবে তাহাদিগকে

ঐ ভাবে ঘুরপাক খাইয়াই জীবন শেষ করিতে হইবে।

এইরূপ একটি নূতন ফিতনা, একটি নূতন বিদ'আত পূর্বপাকিস্তানে আত্মপ্রকাশ করে গিলাফে কা'বার ছদ্মবেশে। গিলাফে কা'বা নামে পূর্বপাকিস্তানে যাহা আমদানী হইয়াছিল তাহা একটি কাপড় মাত্র। কা'বার সহিত উহার কোন সম্বন্ধই ছিল না। কাজেই উহাকে সালাম করা যে কোন পাথর বা বৃক্ষকে সালাম করারই সমতুল্য হইয়াছে; উহার সামনে শ্রদ্ধাবনত হওয়া আর যে কোন কাঠ পাথরের সম্মুখে শ্রদ্ধাবনত হওয়ার মধ্যে কোনই পার্থক্য নাই। কারণ শরী'আতের নথরে এই প্রকার কোন কাপড় বিশেষের কোনই মর্যাদা নাই। এই প্রসঙ্গে হজর-আস-ওদের উল্লেখ করা যাইতে পারে। হজর-আসওদ কা'বা প্রাচীরে স্থাপিত হইয়া রহিয়াছে। এই হজর-আসওদকে নবী করীম সঃ চুম্বন করিয়াছেন বলিয়াই উহা চুম্বন করা শরী'আতে সিন্দ হইয়াছে। তথাপি হযরত 'উমর রাঃ ঐ হজর-আসওদকে চুম্বন করিবার সময়ে বলিতেন, “আমি জানি তুমি একটি পাথর মাত্র। আমি বিশ্বাস রাখি যে, তুমি কাহারও কোন উপকারও করিতে পার না অপকারও করিতে পার না। আমি যদি রসূলুল্লাহ সঃ কে তোমায় চুম্বন করিতে না দেখিতাম তাহা হইলে আমি কিছুতেই তোমাকে চুম্বন করিতাম না।”

হযরত 'উমর রাঃ যাহা বলিয়াছিলেন তাহাই ইসলামের মূলনীতি ও আদর্শ। ইসলামের চুম্বন-গণ মুসলিমদের সম্বন্ধে বলিয়া থাকে যে, মুসলিমগণ কা'বা-ঘরের পূজা করে। বাস্তবিকই তথাকথিত গিলাফে কা'বাকে চুম্বন দিয়া এবং উহা কবরকতের মূল জ্ঞানে ও বিশ্বাসে ভক্তিভরে উহা স্পর্শ করিয়া মুসলিমগণ তদপেক্ষা জঘন্য কাজ

করিয়েছে—একটি কাপড়কে তাহারা পূজা করিয়েছে। ইসলামী বিধান মতে তওবা ছাড়া তাহাদের নাজাতের কোন উপায় নাই।

### ‘ঈদুল-আয্হা

‘ঈদুল-আয্হা আগত-প্রায়। অত্যাশু ইসলামী অনুষ্ঠানের শ্রায় এ অনুষ্ঠানও প্রত্যেক বৎসরে একবার আসিয়া থাকে। ‘ঈদুল-আয্হার প্রধান অনুষ্ঠান কুরবানী। রসুল্লাহ সঃ কুরবানীর দিনটি সম্বন্ধে বলিয়াছেন যে, ঐ দিনে আল্লাহ তা‘আলার নিকটে কুরবানীর রক্ত প্রবাহিত করিবার চেয়ে অধিকতর পিয় কোন কাজ হয় না।

কুরবানীর তৎপর্য আল্লার ন’মে উৎসর্গ করা, আল্লার উদ্দেশ্যে বিলাইয়া দেওয়া। ‘ঈদুল-আয্হা অনুষ্ঠানের আসল উদ্দেশ্য এই যে, মুসলিম এই দিনে তাহার জান-মাল, আল-আওলাদ সব কিছু আল্লার উদ্দেশ্যে কুরবান করিবার দীক্ষা গ্রহণ করিবে এবং ঐ দীক্ষার প্রতীক ও চিহ্ন-স্বরূপ শরী‘আত অনুমোদিত কোন জীব যবেহ করিয়া আত্মীয়-স্বজন, গরীব দুঃখী সকলে মিলিয়া উহা খাইবে।

এখন প্রশ্ন এই যে, প্রত্যেক বৎসরই কি এই দিনে ‘হাতে-খড়ি’ লইয়া বৎসরের বাকী ৩৫৪ দিন নিশ্চেষ্ট ভাবে বসিয়া থাকিতে হইবে? আবার পরের বৎসর হইবে ‘হাতে-খড়ি;’ আবার তৃতীয় বৎসর হইবে ‘হাতে-খড়ি!’ এমনিভাবে

কি সারা জীবন কেবলমাত্র ‘হাতে-খড়ি’ হইতে থাকিবে?

না, না; তাহা কখনই হইতেই পারে না। ইসলামের উদ্দেশ্য কখনই তাহা নয়—শরী‘আতের লক্ষ্যও উহা নয় বরং প্রত্যেক মুসলিমকে ইসলামী প্রত্যেকটি ব্যাপারে প্রতিদিন অগ্রসর হইবার চেষ্টা করিতে হইবে। গত বৎসর কুরবানীর দিনে, আল্লার ওয়াস্তে আত্মত্যাগ ব্যাপারে যে খলুস, যে আন্তরিকতা ছিল এ বৎসরে তদপেক্ষা উত্তম আন্তরিকতা ও খলুস অন্তরে আনিবার জ্ঞাত চেষ্টা করিতে হইবে। সারা বৎসর ধরিয়া কেবলমাত্র এই ধ্যান ও এই চিন্তা করিতে হইবে যে, আমার প্রত্যেকটি কাজ যেন দিনে দিনে উত্তরোত্তর সুন্দর-তর, অকপটতর হইতে থাকে। এই কুরবানীর দিনে প্রত্যেক মুসলিমকে আবার নূতন করিয়া আল্লার সহিত এই ওয়াদা করিতে হইবে যে, সে প্রতিদিন নিজের কাজকে উন্নততর বিশুদ্ধতর করিতে থাকিবে। ইহাই ইসলামী অনুষ্ঠানের তাৎপর্য।

তারপর এই দিনে আত্ম-ত্যাগ ও আত্মোৎসর্গ সম্বন্ধে আল্লার সাথে এই মর্মে বিশেষ পাকা ওয়াদা করিতে হইবে যে, সে নিজের সর্বস্ব আল্লার উদ্দেশ্যে উৎসর্গ করিবার জ্ঞাত তাহার অন্তরকে তৈয়ার করিতে থাকিবে। আল্লাহ তা‘আলা তামাম মুসলিমের নীয়াতে খলুস দান করুন। আমীন!





## জমিদারতের প্রাপ্তিসীকার ১৯৬৩ জানুয়ারী মাস

### যিলা ঢাকা

অফিসে প্রাপ্ত

১। ডাক্তার মোঃ মোহাঃ নিয়ামতুল্লাহ এম, বি, বি, এস, নারায়ণগঞ্জ যাকাত ১০০, ২। মোঃ মোহাঃ এরাহিম, বি, এ, কে, বি, শাহারোড নারায়ণগঞ্জ এককালীন ১০, ৩। মোঃ মোহাঃ ওমর আলী মোল্লা ঠিকানা ঐ এককালীন ৬, ৪। নাম অজ্ঞাত মারফত মোঃ মোহাঃ এরাহিম বি, এ, ঠিকানা ঐ এককালীন ৪, ৫। মোঃ মোহাঃ এরাহিম বি, এ, ঠিকানা ঐ এককালীন ৩, ৬। মোঃ মোহাঃ শামসুজ্জহা খান জমিদারত সদর দফতর এককালীন ১, ৭। মোঃ মোহাঃ আবদুল আযিয এককালীন ১, ৮। মোহাঃ মুজায়েল হক মিল্লা ১০৫ নং নাজীরা বাজার লেন আকীকা ৫, ১।

### যিলা ময়মনসিংহ

মনিঅর্ডার যোগে প্রাপ্ত

১। মোহাঃ কাদের মাহমুদ সরকার শাখা জমিদারত আহলে হাদীছ সাং কুতুববাড়ী পোঃ ভরুয়াখালী ফিতরা ৫৬, ২৫ ২। মোহাঃ শরিফ-উদ্দীন মুনশী সাং আদিলপুর পোঃ ভরুয়াখালী ফিতরা ১৩, ৭৫ ৩। মোহাঃ আবদুল গণী, আরামনগর আলিয়া মাদ্রাসা, এককালীন ৩, ১।

আদায় মারফত মওলানা মোঃ মতিউর রহমান

খান সাহেব সাং কাঞ্চনপুর টাঙ্গাইল

৪। মোহাঃ বৈলার খান, কাঞ্চনপুর কামির-পাড়া পোঃ কাঞ্চনপুর টাঙ্গাইল ফিতরা ৪, কুরবানী ২, ৫। মোহাঃ হেলাল উদ্দিন সাং তারাবাড়ী পোঃ

ঐ কুরবানী ৫, ৬। মোহাঃ নারসেব আলী সরকার সাং আদাজান পোঃ ঐ কুরবানী ২, ৭। মোঃ মোঃ মহলেম উদ্দীন সাং কোদালিয়াপাড়া পোঃ ঐ ফিতরা ২, কুরবানী ১, ৮। মুনশী মোঃ মফিজ উদ্দীন সাং হাবলা বিলপাড়া পোঃ টেঙ্গুরিয়া পাড়া যাকাত ৫, ২। মোহাঃ আবদুল আলী মিল্লা সাং তারাবাড়ী পোঃ কাঞ্চনপুর যাকাত ৪, ১০। হাজী মোঃ সাহেব আলী ও আমজাদ আলী বেপারী সাং ও পোঃ মাহেরা ফিতরা ২, ১১। মোহাঃ আবদুল ওয়াহেদ খান সাং মীরকুমলী পোঃ কলটিয়া ফিতরা ৪, ১২। আবদুল আযিয কবিরাজ সাং ও পোঃ মাহেরা ফিতরা ৫, ৬২ ১৩। মুনশী মোঃ খোদা বখশ সাং মাদার কোল, দেলদোয়ার ফিতরা ২, ১৪। মওলানা আবদুল্লুর ও মোহাঃ সিদ্দিক হোসেন ঠিকানা ঐ কুরবানী ৩, ৫০ ১৫। মোঃ মোহাঃ রিয়াজ উদ্দিন তালুকদার ও মোঃ মোহাঃ এসহাক সাং ও পোঃ টেঙ্গুরিয়া পাড়া ফিতরা ২, ১৬। মোঃ মোহাঃ আবদুসশুকুর আখন্দ সাং বগি পোঃ বাথলী ফিতরা ১০, ১৭। মুনশী মোহাঃ আবু আহমদ খান সাং হাবলা দক্ষিণ পাড়া পোঃ টেঙ্গুরিয়া পাড়া ফিতরা ১, ১৮। মোহাঃ আবদুননুর সরকার ও আবদুল আযিয সাং বাইদপাড়া পোঃ কাঞ্চনপুর ফিতরা ২, কুরবানী ২, ১৯। মোঃ মোহাঃ আবদুল কুদ্দুস সিকদার সাং ও পোঃ স্মাহ ফিতরা ৫, ২০। মুনশী মোহাঃ আফাজ উদ্দীন আনছারী সাং সিঙ্গাড়া পোঃ খলিয়াজানী কুরবানী ৫, ২১। হেলাল উদ্দীন আহমদ সাং তারাবাড়ী পোঃ কাঞ্চনপুর যাকাত ৫, ফিতরা ৭, ২২। হাজী মোহাঃ ইসমাইল খান ও দাদের আলী খান সাং